


LIBER
PRECUM
ECCLESIAE
CATHEDRALIS CHRISTI
OXON.



OXONIÆ,

E Theatro SHELDONIANO,
MDCLXXXIX.

LIBRARY
OF THE
UNIVERSITY OF
CHRISTIANITY



OXFORD
UNIVERSITY

8
n
n
C
ol
m
m
qu
G
C
gri

S E N T E N T I Æ.

NON intres in iudicium cum servo tuo, Domine, quia non justificabitur in conspectu tuo omnis vivens, *Pf. 42.*

Si nos peccati expertes esse dicimus, fallimus nos ipsos, nec est in nobis veritas, *1 Joan. 1.*

QUapropter omnes vos qui præsentes hic adestis, per Dei nomen obtestor, ut intimi sensus vestri, cum meo conjuncti pariter, ad cœlestis clementiæ thronum subvolent, & in hunc qui sequitur sermonem succedatur.

Generalis confessio, ab universa congregatione dicenda, genibus flexis.

OMnipotens & clementissime Pater, tanquam oves perditæ peregrinati sumus, & à viis tuis aberravi-

a 2 mus;

mus; Inventis & concupiscentiis cordis nostri nimium indulgimus; Sacrosanctas leges tuas violavimus; Quæ à nobis facienda fuerant omisimus, & quæ facienda non fuerant admisimus; In nobis nulla est salus. Quapropter, ô Domine, propitius esto nobis miserimis peccatoribus: parce, ô Deus, peccata sua confitentibus; misericordiam concede resipiscentibus, juxta promissiones tuas humano generi in Christo Jesu Domino nostro benignissime revelatas. Amplius etiam concede nobis, ô clementissime Pater, propter filium tuum, & Servatorem nostrum Jesum Christum, ut posthac pie, juste, sobrieque vitam nostram instituamus, ad sanctissimi tui nominis gloriam. *Amen.*

*Absolutio per Ministrum solum
pronuncianda.*

Omnipotens Deus, Pater Domini nostri Jesu Christi, qui non vult mortem peccatoris, sed potius
ut

ut recedat à malis suis moribus & vivat: deditque potestatem suis Ministris, imo præcipit, ut populo suo pœnitenti absolutionem, remissionemque peccatorum suorum plane annuntiarent; ipse singulis vere pœnitentibus, & sacrosancto Evangelio haud fictè credentibus, condonat, eosque certissime absolvit. Rogemus ergo, ut ille nobis veram pœnitentiam largiatur, sanctumque suum spiritum impertiat, ut quod hoc tempore agimus, id illi totum placeat: & reliqua etiam nostra vita adeo pura sit in hoc mundo, & sancta, ut in futuro gaudium consequamur æternum, per Christum Dominum nostrum.

Populus respondebit, Amen.

*Tunc Minister ordietur, altâ voce,
Orationem Dominicam.*

Pater noster qui es in cœlis, Sanctificetur nomen tuum. Adveniat regnum tuum. Fiat voluntas tua, sicut in cœlo, & in terra. Panem

nostrum quotidianum da nobis hodie.
Et dimitte nobis debita nostra, sicut &
nos dimittimus debitoribus nostris.
Et ne nos inducas in tentationem.
Sed libera nos à malo. Quia tuum est
regnum, potentia & gloria, in secula
seculorum. *Amen.*

Deinde Minister dicet.

Domine, labia nostra aperies.

Responsio.

Et os nostrum annuntiabit laudem
tuam.

Minister.

Deus in adiutorium nostrum intende.

Responsio.

Domine ad adjuvandum nos festina.

Minister.

Gloria Patri & Filio, & Spiritui sancto.

Responsio.

Sicut erat in principio, & nunc,
& semper, & in secula seculorum.

Amen. Allelu-ja.

*Deinde canantur Hymni nempe Psalmi
juxta partitionem constitutam præeunte
in Matutinis precibus Psal. 95.*

In iisdem post primam lectionem Canticum Ambrosii & Augustini: post secundam Canticum Zachariae.

Ad vesperas post primam lectionem Canticum B. Virginis; post secundam Simeonis.

Post Hymnos dicatur, Ministro & Populo stantibus.

CRedo in Deum Patrem omnipotentem, Creatorem cœli & terræ. Et in Jesum Christum filium ejus unicum Dominum nostrum, Qui conceptus est de Spiritu Sancto, natus ex Maria virgine, Passus sub Pontio Pilato, Crucifixus, mortuus, & sepultus, Descendit ad inferna, Tertia die resurrexit à mortuis, Ascendit ad cœlos, sedet ad dexteram Dei Patris omnipotentis, Inde venturus est judicare vivos & mortuos. Credo in Spiritum Sanctum, Sanctam Ecclesiam Catholicam, Sanctorum communionem, Remissionem peccatorum, Carnis resurrectionem, Et vitam æternam. *Amen.*

Post

*Post hac sequuntur hæ preces, omnium
genibus religiose flexis.*

Minister.

Dominus vobiscum.

Responsio.

Et cum spiritu tuo.

Minister.

Oremus.

Kyrie eleyson,

Christe eleyson,

Kyrie eleyson.

*Deinde à Ministro & tota Ecclesia
dicatur alta voce.*

Pater noster qui es in coelis, Sanctificetur nomen tuum. Adveniat regnum tuum. Fiat voluntas tua, sicut in coelo, & in terra. Panem nostrum quotidianum da nobis hodie. Et dimitte nobis debita nostra, sicut & nos dimittimus debitoribus nostris. Et ne nos inducas in tentationem. Sed libera nos à malo. *Amen.*

Mini-

Minister erigens se, dicet.

Ostende nobis, Domine, misericordiam tuam.

Responsio.

Et salutare tuum da nobis.

Minister.

Domine salvos fac Regem & Reginam.

Responsio.

Et exaudi nos cum invocamus te.

Minister.

Sacerdotes tui induantur Justitia.

Responsio.

Et sancti tui exultent.

Minister.

Salvum fac Populum tuum, Domine.

Responsio.

Et benedic Hæreditati tuæ.

Minister.

Da pacem, Domine, in diebus nostris.

Responsio.

Quia non est alius qui pugnet pro nobis, nisi tu Deus noster.

Minister.

Cor mundum crea in nobis, & Deus.

Responsio.

Et Spiritum sanctum tuum ne auferas à nobis.

In

Tum flexis omni-

In precibus Matutinis.

Oremus.

DEus autor pacis, & amator concordiae, quem nosse, vivere; cui servire, regnare est: protege ob omni oppugnatione supplices tuos, ut qui in tua protectione confidimus, nullius hostilitatis arma timeamus, per Christum Dominum nostrum. *Amen.*

Domine sancte Pater omnipotens, æterne Deus, qui nos ad principium hujus diei pervenire fecisti, tuâ nos hodie serva virtute, ut in hac die ad nullum declinemus peccatum, nec ullum incurramus periculum, sed semper ad tuam justitiam faciendam, omnis nostra actio tuo moderamine dirigatur, per Jesum Christum Dominum nostrum. *Amen.*

Ad

um genibus dicatur.

Ad Vesperas.

Oremus.

DEus, à quo sancta desideria, recta consilia, & iusta sunt opera, da servis tuis illam, quam mundus dare non potest, Pacem, ut corda nostra mandatis tuis dedita, & hostium sublatâ formidine, tempora sint tua protectione tranquilla; per Jesum Christum Dominum nostrum. *Amen.*

Illumina quæsumus, Domine Deus, tenebras nostras, & totius noctis insidias tu à nobis repelle propitius, per Dominum nostrum Jesum Christum. *Amen.*

*Dein dicantur Orationes
novem sequentes.*

Infir-

INfirmities nostras quæsumus Domine benigne respice, & propter gloriam nominis tui, mala omnia, quæ iuste pro peccatis nostris meremur, à nobis clementer averte: & præsta, ut in cunctis adversitatibus omnem nostram fiduciam collocemus in misericordia tua, & tibi semper in puritate vitæ serviamus, ad gloriam tui nominis: per unicum mediatorem nostrum & advocatum Jesum Christum Dominum nostrum. *Amen.*

O Domine Pater noster cœlestis qui maximus potentissimusque es Rex regum & Dominus dominantium, omnium principum solus & unicus moderator & gubernator, qui ab excelsso & summo throno tuo omnes mundi incolas intueris, suppliciter te rogamus, ut *Gulielmum* & *Mariam* Regem nostrum & Reginam clementer & benigno vultu respicere digneris, & eos tui sancti Spiritus gratiâ ita adimplere, ut semper

per ad tuam voluntatem perficiendam
dediti, in viis tuis ambulent. Ac-
cumula in eos coelestia tua dona, vi-
tam illis felicem & diuturnam largire,
ut diu feliciterque regnent, hostes om-
nes superent suos, & post hanc vitam
gloria perfruantur æterna; per Chri-
stum Dominum nostrum. Amen.

Omnipotens Deus, fons omnis be-
nitatis, humiliter rogamus ut
Catharina Reginae Dotariæ, Celsitudini
regiæ Annæ Principis Danicæ una
cum reliqua gente Regia benedicas;
Spiritu tuo Sancto illos imbuas, gratiis
coelestibus locupletes, omni felicitat-
um genere adornes, eosque tandem
ad regnum immortale perducas, per
Iesum Christum Dominum nostrum.
Amen.

Omnipotens sempiterne Deus, qui
facis mirabilia magna solus,
prætexde super famulos tuos Pontifi-
ces & Ministros, & super cunctas con-
gregationes illis commissas spiritum
b gratiæ

gratiæ salutaris, & ut in veritate tibi
complaceant, perpetuum eis rorem
tuæ benedictionis infunde, per Advo-
catum & Mediatorem nostrum Jesum
Christum. *Amen.*

OMnipotens Deus bonorum om-
nium largitor, qui ex divina tua
providentia varia in Ecclesiâ tuâ dona
multiplici ordine instituisti, supplices
rogamus ut gratiam tuam iis omnibus
elargiaris qui inibi ad ministerium
munusve aliquod aliquando vocabun-
tur: eosque doctrinæ tuæ veritate, &
vitæ integritate exornes, ut in con-
spectu tuo procurationem susceptam
sincere & fideliter obeant, ad magni
tui nominis gloriam, & Sanctæ tuæ
Ecclesiæ commodum, per Jesum Chri-
stum Dominum nostrum. *Amen.*

O Deus creator ac conservator hu-
mani generis, supplices te roga-
mus pro omnibus cujuscunque sortis
ac ordinis hominibus, ut digneris
illis vias tuas notas facere, & salutem
tuam

tuam cunctis gentibus. Potissimum
vero preces nostras tibi offerimus, pro
felici statu Ecclesiæ Catholicæ, ut
Sancti tui Spiritus gratiâ & auspiciis
ita dirigatur & administretur, ut om-
nes qui se Christianos dici volunt, in
viam veritatis ducantur, & fidem reti-
neant in unitate Spiritus, in vinculo
pacis, & Sanctitate vitæ. Denique
paternæ tuæ curæ commendamus
omnes quoquo modo afflictos, animo
dejectos, & corpore vel re laboran-
tes, ut iis prout singulorum conditio
postulat, solatium & auxilium præbe-
re digneris, concedendo illis sub cala-
mitatibus patientiam, & è miseriis
felicem exitum. Hæc omnia pre-
camur propter merita Jesu Christi.
Amen.

Omnipotens Deus Pater omnis
misericordiæ, nos indignissimi
servi tui humillime & ex animo gra-
tias agimus pro bonitate tuâ erga nos,
& universum humanum genus. Bene-
dicimus tibi pro creatione nostra, con-
b 2 servatione,

servatione, & omnibus hujus vitæ bonis, præsertim vero pro amore tuo nunquam satis æstimando, quo mundum redimere dignatus es per Dominum nostrum Jesum Christum, insuper pro gratiæ præstidiis & spe gloriæ. Teque rogamus, ut debito beneficiorum tuorum sensu ita corda nostra afficias, ut exinde nos sincere grati, laudes tuas non modo labiis nostris, verum & in vita celebremus, dum cultui tuo nos totos devovemus, & coram te in sanctitate vitæ, & justitiâ omnibus diebus vitæ nostræ jugiter ambulamus, per Jesum Christum Dominum nostrum, cui tecum & Spiritui sancto, sit omnis honor & gloria in æterna secula. *Amen.*

OMnipotens sempiterne Deus, qui nobis gratiam dedisti, ut hoc tempore unanimiter congregati, preces nostras ad te offerremus, quique polliceris ubi duo vel tres congregati fuerint in tuo nomine, te eorum supplicationes clementer exauditorum, petimus,

petimus, ut vota & preces tuorum famulorum, prout tibi videbitur eorum salutis maxime expedire, perficias, & præsta nobis in hac vita tuæ veritatis cognitionem, & in futura vitam æternam. *Amen.*

2 Corinth. 13.

Gratia Domini nostri Jesu Christi, charitas Dei, & communicatio sancti Spiritus, sit semper cum omnibus nobis. *Amen.*

SEQUITUR LITANIA

seu Supplicatio, cantanda diebus Dominicis, feriis quartis, & sextis, atque aliis temporibus, jubente Ordinario.

Pater de cœlis Deus: miserere nobis miseris peccatoribus.

Pater de cœlis Deus: miserere nobis miseris peccatoribus.

Fili Redemptor mundi Deus: miserere nobis miseris peccatoribus.

Fili Redemptor mundi Deus: miserere nobis miseris peccatoribus.

Spiritus Sancte Deus, à Patre & Filio procedens: miserere nobis miseris peccatoribus.

Spiritus Sancte Deus, à Patre & Filio procedens: miserere nobis miseris peccatoribus.

Sancta, beata, & gloriosa Trinitas, tres personæ, unus Deus: miserere nobis miseris peccatoribus.

Sancta, beata, & gloriosa Trinitas, tres personæ, &c.

Ne memineris Domine iniquitatum nostrarum, vel parentum nostrorum, neque vindictam sumas de peccatis nostris: parce Domine, parce populo tuo, quem redemisti pretioso sanguine tuo, & ne in perpetuum irascaris nobis.

Parce nobis Domine.

Ab omni peccato, malo, & infortunio, ab insidiis diaboli, ab ira tua, & æterna Damnatione,

Libera nos Domine.

A cæcitate cordis, Superbia, Ambitione,

bitione, Hypocrisi, Ira, Odio, Malitia, & Discordia,

Libera nos Domine.

A fornicatione & aliis omnibus peccatis mortalibus, & à tentationibus carnis, mundi, & diaboli,

Libera nos Domine.

A fulgure & tempestate, à plaga & pestilentia, fame, bello, latrocinio, & morte subitanea,

Libera nos Domine.

Ab omni seditione, occulta conspiratione & rebellione, à falsis & hæreticis dogmatibus, à duritia cordis, & contemptu verbi & mandati tui,

Libera nos Domine.

Per mysterium sanctæ Incarnationis, Nativitatis, Circumcisionis, Baptismi, Jejunii, Tentationis tuæ,

Libera nos Domine.

Per Agonem & sanguineum sudorem, per crucem & passionem, per pretiosam mortem & sepulturam, per gloriosam resurrectionem, & ascensionem tuam in coelos, & adventum Spiritus sancti,

Libera nos Domine.

In

In tempore tribulationis & prosperitatis nostræ, in hora mortis & in die iudicii,

Libera nos Domine.

Te rogamus, ô Deus, nos peccatores exaudias, ut Ecclesiam tuam sanctam Catholicam regere & gubernare digneris :

Te rogamus audi nos.

Ut famulos Tuos *Gulielmum* Regem & *Mariam* Reginam gubernatores nostros clementissimos, in vero tui cultu in iustitia & sanctitate vitæ confirmare, & custodire digneris :

Te rogamus audi nos.

Ut eorum mentes in tua fide, tui amore & timore, ut semper in te confidant, & ut in omnibus honorem & gloriam tuam quærant & promoveant, dirigere digneris :

Te rogamus audi nos.

Ut eos servare & defendere, & eis victoriam contra omnes hostes suos concedere digneris :

Te rogamus audi nos.

Ut *Catharina* Regina Dotariæ, Cel-
situdini

studini Regiæ *Anna* Principis *Daniae*,
& universæ genti Regiæ benedicere
& adesse digneris :

Te rogamus audi nos.

Ut Episcopos, Pastores, & Mini-
stros Ecclesiæ, verâ cognitione & re-
cto intellectu verbi tui illuminare, &
ut tam doctrinâ quam vitâ illud pro-
moveant :

Te rogamus audi nos.

Ut consiliarios regios, & totam
Nobilitatem Regni, gratiâ, sapientiâ
& intellectu illustrare digneris :

Te rogamus audi nos.

Ut Magistratui nostro velis bene-
dicere, eique gratiam conferre, ut
exequatur justitiam, & custodiat ve-
ritatem :

Te rogamus audi nos.

Ut populo tuo universo benedicere,
eumque servare digneris :

Te rogamus audi nos.

Ut omnibus gentibus unitatem,
pacem, & concordiam donare digne-
ris :

Te rogamus audi nos.

Ut

Ut mentes nostras ad verum amorem & timorem tui inflammare, & ad mandatorum tuorum observantiam inclinare velis :

Te rogamus audi nos.

Ut populo incrementum gratiæ, ut verbum tuum humiliter audiat, & puro corde amplectatur, & fructus spiritus proferat, donare digneris :

Te rogamus audi nos.

Ut errantes & deceptos in viam veritatis revocare digneris :

Te rogamus audi nos.

Ut stantes confirmare, imbecilles sustentare, & lapsos erigere, ac Satanam sub pedibus nostris conculcare velis :

Te rogamus audi nos.

Ut defendas, juves, consoles omnes in periculis, necessitatibus, & molestiis constitutos :

Te rogamus audi nos.

Ut peregrinantibus terrâ marique, parturientibus, ægrotantibus, & infantibus, captivis, & incarceratis succurrere velis :

Te

Te rogamus audi nos.

Ut pupillis & orphanis, viduis,
desolatis & oppressis, prospicere
digneris :

Te rogamus audi nos.

Ut omnibus hominibus miscerearis :

Te rogamus audi nos.

Ut inimicis & persecutoribus no-
stris ignoscas, & eorum corda ad
pœnitentiam convertere velis :

Te rogamus audi nos.

Ut fructus terræ dare & conservare
digneris, ut suo tempore pie eis
utamur :

Te rogamus audi nos.

Ut veram pœnitentiam & remissio-
nem peccatorum nobis largiri, negli-
gentias & ignorantias nobis condonare,
gratiam Sancti Spiritus, & emenda-
tionem vitæ nobis donare digneris :

Te rogamus audi nos.

Fili Dei : te rogamus audi nos.

Fili Dei : te rogamus audi nos.

Agnus Dei qui tollis peccata
mundi :

Dona nobis pacem.

Agnus

Agnus Dei qui tollis peccata
mundi :

Miserere nobis.

Christe audi nos :

Christe audi nos.

Kyrie eleyson :

Kyrie eleyson.

Christe eleyson :

Christe eleyson.

Kyrie eleyson :

Kyrie eleyson.

Pater noster qui es in coelis, &c.

Et ne nos inducas in tentationem.

Sed libera nos à malo. *Amen.*

Domine, non secundum peccata
nostra facias nobis :

*Neque secundum iniquitates nostras
retribue nobis.*

Oremus.

DEus misericors Pater, qui contri-
torum non despicias gemitum, &
mœrentium non spernis affectum, ad-
esto precibus nostris, quas tibi in an-
goribus nostris effundimus, easque
clementer

clementer suscipere dignare, ut quicquid contra nos diabolicæ atque humanæ moluntur adversationes, ad nihilum redigatur, & consilio tuæ pietatis elidatur, ut nos tui servi, nullis infestationibus læsi, in Ecclesia tua sancta tibi gratias referamus: per Jesum Christum Dominum nostrum.

Exurge Domine, adjuva nos, & libera nos propter nomen tuum.

Deus, auribus nostris audivimus, & Patres nostri annuntiaverunt nobis opera admiranda, quæ operatus es in diebus eorum, & in diebus antiquis.

Exurge Deus, adjuva nos, & libera nos propter honorem tuum.

Gloria Patri & Filio, & Spiritui sancto :

Sicut erat in principio, & nunc, & semper, & in secula seculorum. Amen.

Ab inimicis nostris libera nos Christe.

Respice clementer afflictiones nostras. Aspice dolorem cordis nostri.

Propitius esto peccatis populi tui.

c

Benigne

Benigne audi orationes nostras.

O fili David, miserere nobis.

Et nunc & semper dignare exaudire nos, ô Christe.

Christe exaudi nos: Exaudi nos clementer Domine Jesu Christe.

Ostende nobis Domine misericordiam tuam:

Sicut speramus in te.

Oremus.

Infirmittates nostras quæsumus Domine benigne respice, & propter gloriam nominis tui, mala omnia, quæ iuste pro peccatis nostris meremur, à nobis clementer averte: & præsta, ut in cunctis adversitatibus omnem nostram fiduciam collocemus in misericordia tua, & tibi semper in puritate vitæ serviamus, ad gloriam tui nominis: per unicum mediatorem nostrum & advocatum Jesum Christum Dominum nostrum. *Amen.*

Oratio

*Oratio pro Suprema Curia Parliamenti
recitanda tempore Sessionis.*

“ **C**lementissime Deus, supplices
“ te oramus, cum pro regno
“ hoc universo, tum præsertim pro Su-
“ premâ Curia Parliamenti, sub Pien-
“ tissimis & Serenissimis Rege nostro
“ & Reginâ, hoc tempore congregatâ:
“ ut omnia eorum consilia ita instrue-
“ re & explicare digneris, ut in tuam
“ gloriam, Ecclesiæ tuæ commodum,
“ in Principum nostrorum, & regno-
“ rum iis subditorum, salutem, hono-
“ rem, & incolumitatem cedant: Quo
“ eorum operâ ita omnes res nostræ
“ ordinentur & optimis atque firmis-
“ simis nitantur fundamentis, ut apud
“ nos pax & felicitas, veritas & justi-
“ tia, religio & pietas, æternis legibus
“ sanciantur. Hæc & quæcunque illis
“ alia, aut nobis, aut Ecclesiæ tuæ
“ universæ sunt necessaria, humiliter
“ rogamus in nomine & per interces-
“ sionem beatissimi Domini & Serva-
“ toris nostri Jesu Christi. *Amen.*

In feriis quatuor temporum.

“ **O** Mnipotens Deus bonorum om-
“ nium largitor, qui ex divina
“ tua providentia varia in Ecclesia tua
“ dona multiplici ordine instituísti,
“ supplices rogamus ut gratiam tuam
“ iis omnibus elargiaris qui inibi ad
“ ministerium munusve aliquod ali-
“ quando vocabuntur: eosque doctri-
“ næ tuæ veritate, & vitæ integritate
“ exornes, ut in conspectu tuo pro-
“ curationem susceptam sincere &
“ fideliter obeant ad magni tui nominis
“ gloriam, & Sanctæ tuæ Ecclesiæ
“ commodum, per Jesum Christum
“ Dominum nostrum. *Amen.*

Gratiarum Actio generalis.

O Mnipotens Deus Pater omnis
“ misericordiæ, nos indignissimi
“ servi tui humillime & ex animo gra-
“ tias agimus pro bonitate tuâ erga nos,
“ & universum humanum genus. Bene-
“ dicimus tibi pro creatione nostra, con-
“ servatione,

servatione, & omnibus hujus vitæ bonis, præsertim vero pro amore tuo nunquam satis æstimando, quo mundum redimere dignatus es per Dominum nostrum Jesum Christum, insuper pro gratiæ præsidii & spe gloriæ. Teque rogamus, ut debito beneficiorum tuorum sensu ita corda nostra afficias, ut exinde nos sincere grati, laudes tuas non modo labiis nostris, verum & in vita celebremus, dum cultui tuo nos totos devovemus, & coram te in sanctitate vitæ, & justitia omnibus diebus vitæ nostræ jugiter ambulamus, per Jesum Christum Dominum nostrum, cui tecum & Spiritui sancto, sit omnis honor & gloria in æterna secula. *Amen.*

Precatio Divi Chrysostomi.

Omnipotens sempiterne Deus, qui nobis gratiam dedisti, ut hoc tempore unanimiter congregati, preces nostras ad te offerremus, quique polliceris ubi duo vel tres congregati

c 3

fuerint

fuerint in tuo nomine, te eorum supplicationes clementer exauditurum, petimus, ut vota & preces tuorum famulorum, prout tibi videbitur eorum saluti maxime expedire, perficias, & præsta nobis in hac vita tuæ veritatis cognitionem, & in futura vitam æternam. *Amen.*

2 Corinth. 13.

GRatia Domini nostri Jesu Christi, charitas Dei, & communicatio sancti Spiritus, sit semper cum omnibus nobis. *Amen.*

ORATIONES EXTRAORDINARIÆ.

Pro pluvia petenda, tempore necessitatis.

DEus Pater cœlestis, qui per filium tuum unigenitum promissisti universis tuum regnum & ejus justitiam quærentibus omnia huic vitæ necessaria,

saria, da nobis quæsumus in hac nostra necessitate, pluviam & imbres tempestivos, ut terræ fructus ad corporis nostri consolationem, & tui nominis honorem, recipere possimus: per Jesum Christum Dominum nostrum. *Amen.*

Pro Aëris serenitate.

Domine Deus, qui propter peccata hominis semel submersisti mundum universum, octo hominibus solum exceptis, & postea singulari ductus misericordia, promisti illum nunquam penitus submergendum, supplices te rogamus, etsi ob iniquitates nostras has pluviae & aquarum inundationes sumus commeriti, digneris tamen nos ad veram poenitentiam convertere, & talem nobis tribuere coeli serenitatem, ut terræ fructus tempore opportuno recipiamus, tuoque hoc supplicio admoniti, vitam nostram emendare discamus, atque ob tuam in nos clementiam, tuas laudes

laudes & honores, perpetuo celebrare
valeamus, per Jesum Christum Domi-
num nostrum. *Amen.*

Tempore Caritatis & Famis.

DEus Pater coelestis, cujus bene-
ficio pluvia decidit, terra fit
frugifera, animantia crescunt, & pisces
multiplicantur: intueretur quæsumus af-
flictiones populi tui, & largire, ut hæc
penuria caritasque annonæ, quam
nunc justissime propter peccata nostra
patimur, bonitate misericordiæ tuæ
vertatur in copiam & abundantiam.
Hæc nobis clementissime pater con-
cede, propter amorem Jesu Christi
Domini nostri, cui tecum & Sancto
Spiritu laus, honor, & gloria in
omnem æternitatem. *Amen.*

Tempore Belli.

OMnipotens Deus, Rex regum,
& omnium gubernator, cujus
potentiæ nulla creatura resistere potest,
cui

cui proprium est peccatores punire, & eorum misereri qui vere agunt poenitentiam, serva & libera nos suppliciter te petimus, à manu inimicorum: reprime eorum superbiam, minue malitiam, dissipa illorum machinationes & astutias, ut nos tuis armis muniti, semper servemur ab omnibus periculis, ad glorificandum te, qui es unicus victoriæ largitor; propter merita unigeniti filii tui Domini nostri Jesu Christi. *Amen.*

Tempore pestis, mortalitatis, sive morbi.

O Mnipotens Deus, qui tempore Regis David, in ira tua, septuaginta millia hominum peste interfecisti, & tamen tuæ misericordiæ memor, conservasti reliquos, miserere nostri miserorum, qui nunc variis morbis & gravi mortalitate affligimur, ut quemadmodum angelum tuum à supplicio inferendo cessare jussisti, ita quoque nunc & hanc pestem à nobis amovere digneris: per Jesum Christum Dominum nostrum. *Amen.*

G R A -

GRATIARUM ACTIONES Extraordinariæ.

1. *Pro pluvia.*

Domine Deus cœlestis Pater, qui gratiosâ tuâ providentiâ descendere facis in terram imbrem matutinum & serotinum, ut fructus in usum hominum proferre possit; reverenter tibi gratias agimus, quod tibi placuerit, in summa nostra necessitate pluviam tempestivam in tuam hæreditatem demittere; quâ arentem eam jam & fatiscentem, ad summum servorum tuorum solatium, & nominis tui gloriam gratiose refecisti, per miserationes Jesu Christi Domini nostri. *Amen.*

2. *Pro Aëris serenitate.*

Domine Deus noster, qui justissime nos per nuperam hanc pluviarum & undarum plagam humiliasti; &

& tamen ex summa tua misericordia
animas nostras languentes tempestivâ
ferenitate & aëris mutatione recrea-
sti: laudamus & glorificamus nomen
tuum pro hac tua immensa bonitate;
tuamque misericordiam semper præ-
dicabimus à generatione in generatio-
nem, per Jesum Christum Dominum
nostrum. *Amen.*

3. *Pro rerum copia & abundantia.*

Pater misericordiarum, qui ex infi-
nita tua bonitate, humiles &
devotas supplicationes Ecclesie tuæ
exaudisti; & caritatem & inopiam
nostram, in copiam & abundantiam
clementer convertisti; pro tam singu-
lari benignitate gratias tibi, quas
mentes nostræ capere possunt, maxi-
mas agimus, simul obsecrantes, ut
hanc nobis felicitatem velis esse diu-
turnam, ut terra nostra reddat pro-
ventum suum, ad tuam gloriam &
nostram consolationem, per Jesum
Christum Dominum nostrum. *Amen.*

4. *Pro*

4. *Pro pace & victoria.*

O Mnipotens & æterne Deus, qui servis tuis pro fortissimo munimento esse soles, adversus faciem inimicorum suorum, immensas tibi laudes & gratias agimus, quod nos ab ingentibus periculis, quibus hostes nos implicarant, potenter liberaveris: Tuæ solius bonitati ascribimus, quod non objecti fuerimus tanquam præda illorum dentibus; humiliter supplicantes, ut misericordiam hanc tuam nobis perpetuo continuatam velis, quo totus orbis intelligat, te nobis salvatorem & potentem vindicem semper adesse, per Jesum Christum Dominum nostrum. *Amen.*

5. *Pro liberatione à peste, vel morbida aliqua contagione.*

O Domine Deus, qui pro peccatis nostris nos vulnerasti, & pro transgressionibus, nuperâ hac horrendâ
tuâ,

tuâ, & tremenda visitatione consum-
fisti; & nunc tamen in medio Judicii
misericordiæ memor animas nostras è
mortis faucibus eripuisti: Nosmet-
ipsos paternæ tuæ bonitati totos offe-
rimus, animas nempe nostras & cor-
pora à te redempta in hostiam viven-
tem, semper laudantes & magnifican-
tes misericordias tuas in medio con-
gregationis tuæ, per Jesum Christum
Dominum nostrum. *Amen.*

Ordo Administrandæ
COENÆ DOMINI,

Seu

Sacræ Communionis.

*Quo tempore Cæna Domini celebrabitur
Presbyter stans ad Septentrionalem
partem Mensæ orationem Dominicam
cum sequente Collecta recitabit, populo
in genua provoluto.*

Pater noster, qui es in cœlis, San-
ctificetur nomen tuum. Adveniat
regnum tuum. Fiat voluntas tua, sicut

d

in

in cœlo & in terra. Panem nostrum
quotidianum da nobis hodie. Et di-
mitte nobis debita nostra, sicut & nos
dimittimus debitoribus nostris. Et ne
nos inducas in tentationem. Sed libera
nos à malo. Quia tuum est regnum,
potentia & gloria, in sæcula sæculo-
rum. *Amen.*

Collecta.

OMnipotens Deus, cui omne cor
patet, omnes affectus cogniti
sunt, & nullum secretum est abscon-
ditum; Purifica cogitationes cordium
nostrorum per inspirationem Spiritus
sancti, ut te ex animo amemus san-
ctum nomen tuum debitâ veneratione
celebremus, per Jesum Christum
Dominum nostrum. *Amen.*

*Tum Presbyter conversus ad populum,
Decalogum integrum clara voce reci-
tabit, Populus autem in genua adhuc
provolutus post unumquodque manda-
tum, veniam petet à Deo pro illius
violatione*

violatione tempore praterito, & rogabit ut sibi gratia concedatur qua illud servet in futurum, in hunc modum.

Minister.

I. **L**ocutus est Deus hos sermones, & dixit, Ego sum Dominus Deus tuus, non habebis Deos alienos coram me.

Populus.

Domine miserere nostri, & corda nostra ad servandum hoc mandatum inclina.

Minister.

II. Non facies tibi sculptile, neque omnem similitudinem quæ est in coelo desuper, & quæ in terra deorsum, nec eorum quæ sunt in aquis sub terra. Non adorabis ea neque coles; Ego enim sum Dominus Deus tuus fortis, Zelotes, visitans iniquitatem patrum in filios, in tertiam & quartam generationem eorum qui oderunt me, & faciens misericordiam in millia his qui diligunt me & custodiunt præcepta mea.

d 2

Populus.

Populus.

Domine miserere nostri, & corda nostra ad servandum hoc mandatum inclina.

Minister.

III. Non assumes nomen Domini Dei tui in vanum, nec enim habebit infontem Dominus eum qui assumpserit nomen Domini Dei sui frustra.

Populus.

Domine miserere nostri, & corda nostra ad servandum hoc mandatum inclina.

Minister.

IV. Memento ut diem Sabbati sanctifices, sex diebus operaberis & facies omnia opera tua; septimo autem die Sabbatum Domini Dei tui est, non facies omne opus in eo, tu & filius tuus & filia tua, servus tuus & ancilla tua, jumentum tuum, & advena qui est intra portas tuas. Sex enim diebus fecit Dominus cœlum & terram, & mare & omnia quæ in eis sunt: & requievit in die septimo, idcirco benedixit Dominus diei Sabbati & sanctificavit eum.

Popu.

Populus.

Domine miserere nostri, & corda nostra ad servandum hoc mandatum inclina.

Minister.

V. Honora patrem tuum & matrem tuam, ut sis longævus super terram, quam Dominus Deus tuus dabit tibi.

Populus.

Domine miserere nostri, & corda nostra ad servandum hoc mandatum inclina.

Minister.

VI. Non occides.

Populus.

Domine miserere nostri, & corda nostra ad servandum hoc mandatum inclina.

Minister.

VII. Non moechaberis.

Populus.

Domine miserere nostri, & corda nostra ad servandum hoc mandatum inclina.

Minister.

VIII. Non furtum facies.

d 3

Populus.

Populus.

Domine miserere nostri, & corda
nostra ad servandum hoc mandatum
inclina.

Minister.

IX. Non loqueris contra proximum
tuum falsum testimonium.

Populus.

Domine miserere nostri, & corda
nostra ad servandum hoc mandatum
inclina.

Minister.

X. Non concupisces domum pro-
ximi tui, nec desiderabis uxorem
ejus, non servum, non ancillam, non
bovem, non asinum, nec omnia quæ
illius sunt.

Populus.

Domine miserere nostri, & hæc
omnia mandata tua cordibus nostris,
quæsumus, inscribe.

*Tum sequetur Collecta pro Rege &
Regina, Presbytero sicut antea stante
& dicente.*

Oremus.

Oremus.

OMnipotens & sempiternus Deus,
ex sacro verbo Tuo discimus
corda regum in manu Tua esse, eaque
à Te dirigi & inclinari prout divinæ
Tuæ sapientiæ optime visum fuerit;
supplices Te rogamus uti cor famu-
lorum Tuorum *Gulielmi* Regis &
Mariae Reginae Gubernatorum no-
strorum ita inclines atque dirigas, ut
omni cogitatione verbo & opere in-
definenter quærant honorem ac glo-
riam Tuam; & populum Tuum eo-
rum curæ demandatum custodire opi-
bus ac pace & pietate florentem stu-
deant. Hæc concede ô Pater mise-
ricors propter dilectum filium Tuum
Jesum Christum Dominum nostrum.
Amen.

*Tum dicetur Collecta diei. Ac imme-
diate post Collectam, Presbyter leget
Epistolam, dicens, Epistola [seu,
portio Scripturæ assignata pro Epi-
stola] scripta est capite ——— Epist.
———— versu*

—— versu —— *Finita autem
Epistola, dicet, Hic desinit Epistola.
Tum leget Evangelium (stante uni-
verso populo) dicens, Sanctum Evan-
gelium scriptum est capite ——
Evangelii —— versu ——*

*Epiphania, seu Christus Gentibus
revelatus.*

Collecta.

DEus, qui unigenitum Filium
tuum Gentibus, stella duce, re-
velasti: concede propitius ut qui jam
te fide cognoscimus, post hanc vitam
gloriosi Numinis Tui fruitionem con-
sequamur, per Jesum Christum Domi-
num nostrum. *Amen.*

Epistola. Ephes. iij. 1.

Cujus rei gratia, ego Paulus,
vinctus Christi Jesu pro vobis
Gentibus: si autem audistis dispen-
sationem gratiæ Dei, quæ data est
mihi

mihi in vobis : quoniam secundum
revelationem notum mihi factum est
sacramentum, sicut supra scripsi in
breui, prout potestis legentes intelli-
gere prudentiam meam in mysterio
Christi, quod aliis generationibus non
est agnitum filiis hominum, sicuti
nunc revelatum est sanctis Apostolis
ejus & Prophetis in Spiritu. Gentes
esse cohæredes, & concorporales, &
comparticipes promissionis ejus in
Christo Jesu, per Evangelium : cujus
factus sum ego Minister, secundum
donum gratiæ Dei quæ data est mihi
secundum operationem virtutis ejus.
Mihi enim omnium sanctorum mini-
mo data est gratia hæc, in Gentibus
evangelizare investigabiles divitias
Christi; & illuminare omnes, quæ sit
dispensatio sacramenti absconditi à
seculis in Deo, qui omnia creavit, ut
innotescat principatibus & potestati-
bus in cœlestibus per Ecclesiam, multi-
formis sapientia Dei; secundum præ-
finitionem sæculorum quam fecit in
Christo Jesu Domino nostro. In quo
habemus

habemus fiduciam & accessum in confidentia per fidem ejus.

Evangelium. S. Matth. ij. i.

CUm ergo natus esset Jesus in Bethlehem Judæ in diebus Herodis regis, ecce, Magi ab Oriente venerunt Jerosolymam, dicentes. Ubi est qui natus est Rex Judæorum? Vidimus enim stellam ejus in Oriente, & venimus adorare eum. Audiens autem Herodes Rex turbatus est, & omnis Jerosolyma cum illo. Et congregans omnes principes Sacerdotum & Scribas populi, sciscitabatur ab eis ubi Christus nasceretur. Et illi dixerunt ei, In Bethlehem Judæ. Sic enim scriptum est per Prophetam: & tu Bethlehem terra Juda, nequaquam minima es in principibus Juda: ex te enim exiet dux qui regat populum Israel. Tunc Herodes clam vocatis Magis, diligenter didicit ab eis tempus stellæ quæ apparuit eis. Et mittens illos in Bethlehem, dixit, ite,
&

& in
cum
&
cum
ecce
ante
star
tes
mag
inve
ejus
&
ei
Et
dir
rev

V
au
fu
tu

& interrogate diligenter de puero : &
cum inveneritis, renunciate mihi, ut
& ego veniens adorem eum. Qui
cum audissent regem abierunt : &
ecce stella quam viderant in Oriente,
antecedebat eos, usque dum veniens
staret supra, ubi erat puer. Viden-
tes autem stellam, gavisi sunt gaudio
magno valde. Et intrantes domum,
invenerunt puerum cum Maria matre
ejus, & procidentes adoraverunt eum :
& apertis Thesauris suis obtulerunt
ei munera, aurum, thus, & myrrham.
Et responso accepto in somnis ne re-
dissent ad Herodem, per aliam viam
reversi sunt in Regionem suam.

Dominica prima post Epiphaniam.

Collecta.

VOta, quæsumus, Domine, suppli-
cantis populi tui propitius ex-
audi, ac concede ut quæ illi facienda
sunt percipiat, & ut gratia & virtute
tua adjutus, ea quæ perceperit fide-
liter

liter impleat, per Jesum Christum
Dominum nostrum. *Amen.*

Epistola. Rom. xij. i.

O Bsecro itaque vos fratres per
misericordiam Dei, ut exhibea-
tis corpora vestra hostiam viventem,
sanctam, Deo placentem, rationabile
obsequium vestrum. Et nolite con-
formari huic sæculo; sed reformamini
in novitate sensus vestri, ut probetis
quæ sit voluntas Dei, bona, & bene-
placens, & perfecta. Dico enim per
gratiam quæ data est mihi, omnibus
qui sunt inter vos, non plus sapere
quam oportet sapere; sed sapere ad
sobrietatem, & unicuique sicut Deus
divisit mensuram fidei. Sicut enim
in uno corpore, multa membra habe-
mus, omnia autem membra non eun-
dem actum habent; ita multi unum
corpus sumus in Christo, singuli au-
tem alter alterius membra.

EVAN.

Evangelium. S. Luc. ij. 41.

ET ibant parentes ejus per omnes annos in Jerusalem, in die solemni Paschæ. Et cum factus esset annorum duodecim, ascendentibus illis in Jerosolymam, secundum consuetudinem diei festi. Consummatisque diebus cum redirent, remansit puer Jesus in Jerusalem, & non cognoverunt parentes ejus. Existimantes autem illum esse in comitatu, venerunt iter diei, & requirebant eum inter cognatos & notos. Et non inventientes, regressi sunt in Jerusalem, requirentes eum. Et factum est post triduum invenerunt illum in templo, sedentem in medio Doctorum, audientem illos, & interrogantem eos. Stupebant autem omnes qui eum audiebant, super prudentia & responsis ejus. Et videntes admirati sunt: & dixit mater ejus ad illum, Fili, quid fecisti nobis sic? Ecce, pater tuus & ego dolentes quærebamus te. Et ait ad illos, Quid est quod me quærebatis? Nesciebatis

e

quia

quia in his quæ Patris mei sunt, oportet me esse? Et ipsi non intellexerunt verbum, quod locutus est ad eos. Et descendit cum eis, & venit Nazareth, & erat subditus illis: & mater ejus conservabat omnia verba hæc in corde suo. Et Jesus proficiebat sapientia & ætate, & gratia apud Deum & homines.

Dominica prima post Pascha.

Collecta.

Omnipotens Pater, qui Filium tuum unigenitum dedisti ut pro peccatis nostris moreretur, & propter justificationem nostram resurgeret, concede ut abjecto malitiæ & nequitiae fermento, in puritate vitæ & veritate semper tibi serviamus, per merita ejusdem Filii tui Jesu Christi Domini nostri. *Amen.*

Epistola. I S. Joan. v. 4.

Omne quod natum est ex Deo, vincit mundum, & hæc est victoria quæ vincit mundum, fides nostra.

nostra. Quis est, qui vincit mundum,
nisi qui credit quoniam Jesus est Filius
Dei? Hic est, qui venit per aquam,
& sanguinem, Jesus Christus: non
in aqua solum: sed in aqua & san-
guine. Et spiritus est, qui testificatur:
quoniam Christus est veritas: quo-
niam tres sunt, qui testimonium dant
in Cœlo: Pater, Verbum & Spiritus
Sanctus, & hi tres, unum sunt. Et
tres sunt, qui testimonium dant in
terra, Spiritus, & aqua, & sanguis:
& hi tres unum sunt. Si testimonium
hominum accipimus: testimonium Dei
majus est, quoniam hoc est testimo-
nium Dei quod majus est, quoniam
testificatus est de Filio suo. Qui cre-
dit in Filium Dei, habet testimonium
Dei in se. Qui non credit filio, men-
dacem facit eum, quia non credit in
testimonium quod testificatus est Deus
de Filio suo. Et hoc testimonium,
quoniam vitam æternam dedit nobis
Deus, & hæc vita, in Filio ejus est: qui
habet Filium Dei: habet vitam: qui non
habet Filium Dei, vitam non habet.

EVAN-

Evangelium. S. Joan. xx. 19.

Cum sero esset die illo, una Sabbathorum, & fores essent clausae, ubi erant discipuli congregati propter metum Judæorum; venit Jesus, & stetit in medio, & dixit eis: pax vobis. Et cum hoc dixisset, ostendit eis manus & latus. Gavisi sunt ergo discipuli viso domino: dixit ergo eis iterum, pax vobis: sicut misit me Pater, & ego mitto vos, & hoc cum dixisset, insufflavit, & dixit eis: accipite Spiritum Sanctum: quorum remiseritis peccata, remittuntur eis, & quorum retinueritis, retenta sunt.

Dominica Trinitatis.

Collecta.

Omnipotens & æterne Deus, qui nobis famulis tuis gratiam largitus es ad cognoscendam in confessione veræ fidei, æternæ Trinitatis gloriam, & ad adorandam, in potentia divina

divina Majestatis unitatem; quæsumus
ut in ejusdem fidei firmitate tuo be-
neficio permanentes, ab omnibus ad-
versis nos immunes semper præstare
velis, qui vivis & regnas unus Deus,
in sæcula sæculorum. Amen.

Pro Epistola. Apocal. iv. r.

Post hæc vidi; & ecce ostium
apertum in cælo; & vox prima
quam audiui tanquam tubæ loquentis
mecum, dicens, ascende huc, & ostendi-
dam tibi quæ oportet fieri post hæc,
& statim fui in spiritu: & ecce sedes
erat posita in cælo, & supra sedem
sedens. Et qui sedebat, similis erat
aspectui lapidis iaspidis & sardii: Et
iris erat in circuitu sedis, similis vi-
sioni smaragdinae. Et in circuitu se-
dis, sedilia viginti quatuor: & super
thronos viginti quatuor seniores se-
dentes, circum-amicti vestimentis al-
bis, & in capitibus eorum coronæ
aureæ. Et de throno procedebant
fulgura, & voces, & tonitrua: &

septem lampades ardentes ante thronum, quæ sunt septem spiritus Dei. Et in conspectu sedis, tanquam mare vitreum simile crystallo, & in medio sedis, & in circuitu sedis quatuor animalia plena oculis ante & retro. Et animal primum, simile leoni: & secundum animal simile vitulo; & tertium animal, habens faciem quasi hominis: & quartum animal, simile aquilæ volanti. Et quatuor animalia, singula eorum habebant alas senas: & in circuitu & intus plena sunt oculis, & requiem non habebant die ac nocte dicentia; sanctus, sanctus, sanctus, Dominus Deus omnipotens, qui erat, qui est, & qui venturus est. Et cum darent illa animalia gloriam, & honorem & benedictionem sedenti super thronum, viventem in sæcula sæculorum, procidebant viginti quatuor seniores ante sedentem in throno, & adorabant viventem in sæcula sæculorum, & mitrebant coronas suas ante thronum dicentes: indignus es Domine Deus noster accipere gloriam, & honorem,

norem, & virtutem, quia tu creasti
omnia, & propter voluntatem tuam
erant & creata sunt.

Evangelium. S. Joan. iij. 1.

ERat homo ex Pharisæis, Nicodemus nomine, princeps Judæorum. Hic venit ad Jesum nocte, & dixit ei; Rabbi, scimus quia à Deo venisti magister: nemo enim potest hæc signa facere quæ tu facis, nisi fuerit Deus cum eo. Respondit Jesus, & dixit ei, Amen, amen, dico tibi nisi quis natus fuerit denuo, non potest videre regnum Dei. Dicit ad eum Nicodemus; quomodo potest homo nasci cum sit senex? Nunquid potest in ventrem matris suæ iterum introire, & renasci? Respondit Jesus; Amen, amen, dico tibi, nisi quis renatus fuerit ex aqua & Spiritu sancto, non potest introire in regnum Dei. Quod natum est ex carne, caro est; & quod natum est ex Spiritu, Spiritus est. Non mireris quia dixi tibi, oportet

oportet vos denuo nasci. Spiritus ubi
vult spirat; & vocem ejus audis, sed
nescis unde veniat aut quo vadat: sic
est omnis, qui natus est ex Spiritu.
Respondit Nicodemus & dixit ei:
quomodo possunt hæc fieri? Respon-
dit Jesus, & dixit ei, Tu es magister
in Israel, & hæc ignoras? Amen, amen,
dico tibi, quia quod scimus loquimur,
& quod vidimus testamur, & testimo-
nium nostrum non accipitis. Si terrena
dixi vobis & non creditis: quomodo,
si dixero vobis cœlestia, credetis? Et
nemo ascendit in cœlum, nisi qui de-
scendit de cœlo, filius hominis, qui
est in cœlo. Et sicut Moyses exal-
tavit serpentem in deserto; ita exal-
tari oportet Filium hominis; ut omnis
qui credit in ipsum non pereat, sed
habeat vitam æternam.

Dominica

Dominica decima sexta post Trinit.

Collecta.

Ecclesiam tuam Domine, perpetuo misericordiae tuae subsidio munito & munito: & quia sine ope tua non potest salva consistere, tuo semper auxilio tuaque bonitate custodiatur, per Jesum Christum Dominum nostrum. *Amen.*

Epistola. Ephes. iij. 13.

PEto, ne deficiatis in tribulationibus meis pro vobis, quæ est gloria vestra: hujus rei gratia flecto genua mea, ad Patrem Domini nostri Jesu Christi, ex quo omnis paternitas in coelis, & in terra nominatur: ut det vobis secundum divitias gloriæ suæ virtute corroborari per Spiritum ejus in interiori homine, Christum habitare per fidem in cordibus vestris in charitate; radicati & fundati, ut possitis
compre-

comprehendere cum omnibus sanctis, quæ sit latitudo, & longitudo, & sublimitas, & profundum, scire etiam supereminentiam scientiæ, charitatem Christi, ut impleamini in omnem plenitudinem Dei. Ei autem qui potens est omnia facere superabundanter quam petimus aut intelligimus, secundum virtutem quæ operatur in nobis, ipsi gloria in Ecclesia, & in Christo Jesu, in omnes generationes sæculi sæculorum. *Amen.*

Evangelium. S. Luc. vij. 11.

ET factum, deinceps ibat Jesus in civitatem, quæ vocatur Naim: & ibant cum eo discipuli ejus, & turba copiosa. Cum autem appropinquaret portæ civitatis, ecce defunctus efferebatur filius unicus matris suæ: & hæc vidua erat: & turba civitatis multa cum illa. Quam cum vidisset Dominus misericordia motus super eam dixit illi, noli flere. Et accessit & tetigit loculum; hi autem qui portabant

portabant steterunt. Et ait; Adolefcens,
tibi dico surge : & refedit qui erat
mortuus, & cœpit loqui. Et dedit
illum matri fuæ. Accepit autem om-
nes timor : & magnificabant Deum,
dicentes, Quia propheta magnus fur-
rexit in nobis : & quia Deus vifitavit
plebem fuam. Et exiit hic fermo in
universam Judæam de eo, & in om-
nem circa regionem.

Dominica decima feptima poft Trin.

Collecta.

Tua, nos Domine, femper gratia
præveniat & fequatur, adeoque
bonis omnibus operibus jugiter præ-
ftet intentos, per Jefum Chriflum
Dominum noftrum. *Amen.*

Epiftola, Ephes. iv. i.

Obfecro itaque vos ego vinctus
in Domino, ut digne ambuletis
vocatione qua vocati eftis, cum omni
humi-

humilitate, & mansuetudine, cum patientia, supportantes invicem in charitate, solliciti servare unitatem spiritus in vinculo pacis. Unum corpus, & unus spiritus, sicut vocati estis in una spe vocationis vestrae: unus Dominus, una fides, unum baptisma. Unus Deus & Pater omnium, qui super omnes, & per omnia, & in omnibus nobis.

Evangelium. S. Luc. xiv. i.

FActum est cum intrasset Jesus in domum cujusdam principis Phariseorum Sabbatho manducare panem, & ipsi observabant eum. Et ecce homo quidam hydropicus erat ante illum. Et respondens Jesus dixit ad Legisperitos, & Phariseos, dicens, si licet Sabbatho curare? At illi tacuerunt. Ipse vero apprehensum sanavit eum, ac dimisit. Et respondens ad illos dixit. Cujus vestrum Asinus aut Bos in puteum cadet, & non continuo extrahet illum die Sabbathi? Et non poterant ad haec respondere

spondere illi. Dicebat autem & ad invitatos parabolam, intendens quomodo primos accubitus eligerent, dicens ad illos: cum invitatus fueris ad nuptias, non discumbas in primo loco, ne forte honoratior te sit invitatus ab illo: Et veniens is qui te & illum vocavit, dicat tibi, da huic locum, & tunc incipias cum rubore novissimum locum tenere. Sed cum vocatus fueris, vade, recumbe in novissimo loco: ut cum venerit qui te invitavit, dicat tibi, Amice ascende superius. Tunc erit tibi gloria coram simul discumbentibus: quia omnis qui se exaltat humiliabitur, & qui se humiliat exaltabitur.

Dominica decima octava post Trinit.

Collecta.

Gratiam eam Populo tuo concede
quæsumus, Domine, qua mundi,
carnis & Diaboli temptationibus
resistere, & Te solum verum Deum
f puro

puro affectu puraque mente sectari
possit, per Jesum Christum Dominum
nostrum. *Amen.*

Epistola. 1 Cor. i. 4.

Gratias ago Deo meo semper pro
vobis, in gratia Dei quæ data
est vobis in Christo Jesu, quod in
omnibus facti estis divites in illo in
omni verbo, & in omni scientia (sicut
testimonium Christi confirmatum est
in vobis) ita ut nihil vobis desit in
ulla gratia expectantibus revelatio-
nem Domini nostri Jesu Christi. Qui
& confirmabit vos usque in finem sine
crimine in die adventus Domini nostri
Jesu Christi.

Evangelium. S. Matth. xxij. 34.

Pharisæi autem audientes quod si-
lentium imposuissent Sadducæis,
convenerunt in unum: & interroga-
vit eum unus ex eis, Legis doctor
tentans eum, magister quod est man-
datum

datum magnum in Lege? Ait illi Jesus, diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic, diliges proximum tuum sicut teipsum. In his duobus mandatis tota lex pendet & Prophetæ. Congregatis autem Pharisæis, interrogavit eos Jesus dicens; quid vobis videtur de Christo? Cujus filius est? Dicunt ei, David. Ait illis, quomodo ergo David in spiritu vocat eum Dominum, dicens, dixit Dominus Domino meo, sede à dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? Et nemo poterat ei respondere verbum, neque ausus fuit quisquam ex illa die eum amplius interrogare.

Dominica decima nona post Trinit.

Collecta.

Quæsumus Domine, quia Tibi sine
Te placere non possumus, diri-
gat corda nostra in omnibus Sanctus
Spiritus tuus, per Jesum Christum
Dominum nostrum. *Amen.*

Epistola. Ephes. iv. 17.

Hoc igitur dico, & testificor in
Domino, ut jam non ambule-
tis, sicut & Gentes ambulant in vani-
tate sensus sui, tenebris obscuratum
habentes intellectum, alienari à vita
Dei per ignorantiam quæ est in illis,
propter cæcitatem cordis ipsorum:
qui desperantes, semetipsos tradide-
runt impuditiæ in operationem im-
munditiæ omnis, in avaritiam. Vos
autem non ita didicistis Christum: si
tamen illum audistis, & in ipso edocti
estis, sicut est veritas in Jesu, depo-
nere

nere vos secundum pristinam conversationem veterem hominem, qui corrumpitur secundum desideria erroris. Renovamini autem spiritu mentis vestrae: & induite novum hominem, qui secundum Deum creatus est in iustitia, & sanctitate veritatis. Propter quod deponentes mendacium, loquimini veritatem unusquisque cum proximo suo: quoniam sumus invicem membra. Irascimini & nolite peccare: Sol non occidat super iracundiam vestram: nolite locum dare Diabolo. Qui furabatur, jam non furetur: magis autem laboret operando manibus suis quod bonum est, ut habeat unde tribuat necessitatem patienti. Omnis sermo malus ex ore vestro non procedat: Sed si quis bonus ad aedificationem fidei, ut det gratiam audientibus. Et nolite contristare Spiritum sanctum Dei: in quo signati estis in diem redemptionis. Omnis amaritudo, & ira, & indignatio, & clamor, & blasphemia tollatur à vobis cum omni malitia. Estote autem in-

vicem benigni, misericordes, donantes
invicem sicut & Deus in Christo do-
navit vobis.

Evangelium. S. Matth. ix. 1.

A Scendens Jesus in naviculam,
transfretavit: & venit in civi-
tatem suam, & ecce offerebant ei
paralyticum jacentem in lecto. Et
videns Jesus fidem illorum, dixit pa-
ralytico; confide fili, remittuntur tibi
peccata tua: Et ecce quidam de Scri-
bis dixerunt intra se, hic blasphematur.
Et cum vidisset Jesus cogitationes eo-
rum, dixit: Ut quid cogitatis mala
in cordibus vestris? Quid est facilius
dicere? Dimittuntur tibi peccata tua?
An dicere, Surge, & ambula? Ut
autem sciatis, quia Filius hominis ha-
bet potestatem in terra dimittendi
peccata: tunc ait paralytico, surge,
tolle lectum tuum, & vade in domum
tuam: & surrexit, & abiit in domum
suam. Videntes autem turba time-
runt, & glorificaverunt Deum, qui
dedit potestatem talem hominibus.

Dominica

Dominica vigesima post Trinit.

Collecta.

OMnipotens ac summe misericors Deus, ab omnibus noxiis clementi tua bonitate, nos protege; ut mente juxta atque corpore expediti, ea quæ fieri vis, alacriter exequamur, per Jesum Christum Dominum nostrum. *Amen.*

Epistola. Ephes. v. 15.

Videte itaque fratres quomodo caute ambuletis, non quasi insipientes, sed ut sapientes: redimentes tempus, quoniam dies mali sunt, Propterea nolite fieri imprudentes: sed intelligentes quæ sit voluntas Dei. Et nolite inebriari vino in quo est luxuria, sed impleamini Spiritu sancto. Loquentes vobismetipsis in Psalmis & hymnis, & canticis spiritualibus, cantantes & psallentes in cordibus vestris
Domino :

Domino: gratias agentes semper pro omnibus, in nomine Domini nostri Jesu Christi Deo & Patri; subjecti invicem, in timore Christi.

Evangelium. S. Matth. xxij. i.

Respondens Jesus, dixit iterum in parabolis eis, dicens; Simile factum est regnum cœlorum homini regi, qui fecit nuptias filio suo, & misit servos suos vocare invitatos ad nuptias: & volebant venire. Iterum misit alios servos dicens, Dicite invitatis, Ecce prandium meum paravi; tauri mei, & altilia occisa sunt, & omnia parata, venite ad nuptias. Illi autem neglexerunt, & abierunt, alius in villam suam, alius vero ad negotiationem suam: reliqui vero tenuerunt servos ejus, & contumeliis affectos occiderunt. Rex autem cum audisset iratus est, & missis exercitibus suis perdidit homicidas illos & civitatem illorum succendit. Tunc ait servis suis, nuptiæ quidem paratæ sunt:

sunt: sed qui invitati erant non fuerunt digni. Ite ergo ad exitus viarum: & quoscunque inveneritis, vocate ad nuptias. Et egressi servi ejus in vias congregaverunt omnes quos invenerunt malos & bonos: & impletæ sunt nuptiæ discumbentium. Intravit autem rex ut videret discumbentes: & vidit ibi hominem non vestitum veste nuptiali. Et ait illi, Amice, quomodo huc intraisti non habens vestem nuptialem? At ille obmutuit. Tunc dixit rex ministris, ligatis manibus & pedibus ejus, mittite eum in tenebras exteriores: ibi erit fletus & stridor dentium. Multi enim sunt vocati, pauci vero electi.

Finis autem Evangelio, cantatur, aut recitatur sequens Symbolum, stante adhuc universo populo ut antea.

Credo in unum Deum Patrem Omnipotentem, factorem coeli & terræ, atque visibilium omnium &

& invisibilium: Et in unum Domi-
num nostrum Jesum Christum, Filium
Dei unigenitum, ex Patre natum
ante omnia sæcula. Deum de Deo,
Lumen de Lumine: Deum verum de
Deo vero; Genitum non factum:
Consubstantialem Patri, per quem
omnia facta sunt: Qui propter nos
homines, & propter nostram salutem
descendit de cœlis, Et incarnatus est
de Spiritu sancto, ex Maria Virgine,
& homo factus est, Crucifixus etiam
pro nobis sub Pontio Pilato. Passus
& sepultus est, Et resurrexit tertia
die secundum Scripturas, Et ascendit
in cœlum, Sedet ad dextram Patris.
Et iterum venturus est cum gloria,
judicare vivos & mortuos: Cujus
regni non erit finis.

Et in Spiritum sanctum, Domi-
num & vivificantem, Qui ex Patre
Filioque procedit, Qui cum Patre &
Filio simul adoratur & conglorifica-
tur, Qui loquutus est per Prophetas.
Et unam sanctam, Catholicam, &
Apostolicam Ecclesiam. Confiteor
unum

unum Baptisma in remissionem peccatorum, Et expecto resurrectionem mortuorum, Et vitam venturi sæculi.
Amen.

Tum Presbyter ad Mensam Domini revertitur, & Offertorium incipit, una aut altera, aut etiam pluribus harum sententiarum recitatis.

Sic luceat lux vestra coram hominibus ut videant opera vestra bona, & glorificent Patrem vestrum qui in cœlis est. *S. Matth. v. 16.*

Nolite thesaurizare vobis thesauros in terra; ubi ærugo & tinea demolitur, & ubi fures effodiunt & furantur. Thesaurizate autem vobis thesauros in cœlo; ubi neque ærugo neque tinea demolitur; & ubi fures non effodiunt nec furantur. *S. Matth. vi. 19, 20.*

Hoc autem dico, qui parce seminat, parce & metet; & qui seminat in benedictionibus, de benedictionibus & metet. Unusquisque prout destinavit

navit in corde; non ex tristitia aut ex necessitate. Hilarem enim datorem diligit Deus. 2 Cor. ix. 6, 7.

Non enim injustus Deus, ut obliviscatur operis vestri & dilectionis quam ostenditis in nomine ipsius, qui ministrastis sanctis & ministratis. *Heb. vi. 10.*

Beneficentiæ autem & communio-
nis nolite oblivisci. Talibus enim
hostiis promeretur Deus. *Heb. xiiij. 16.*

Beatus vir qui intelligit super egen-
um & pauperem; in die mala liber-
abit eum Dominus. *Psal. xli. 1.*

Tum dicit Presbyter.

Oremus pro universo statu Eccle-
siæ Christi hic in terra militantis.

Omnipotens & æterne Deus, qui
per sanctum Apostolum tuum
nos docuisti orare, obsecrare, depre-
cari, & gratias agere pro omnibus
hominibus; Te rogamus supplices ut
clementer (*elemosynas atque oblationes*
nostras

nostras accipias, &) has nostras orationes quas divinæ majestati tuæ offerimus, exaudias; supplicantes, ut spiritum veritatis, unitatis ac concordiae universæ Ecclesiæ tuæ inspires. Concede etiam ut quotquot sanctum nomen tuum confitentur, ii omnes in sancti verbi tui veritate consentiant, vivantque inter se in charitate concordēs. Insuper te rogamus supplices ut omnes Reges, Principes ac Dynastas, Christum profitentes, serves ac tuearis, imprimis autem famulos tuos *Gulielmum & Mariam*, Regem nostrum & Reginam, ut sub iis pie & tranquille vivamus. Da etiam Consiliariis ipsorum universis, singulisque Magistratu aliquo sub ipsis fungentibus, ut recte ac sine personarum acceptione jus dicant, nequitiam & vitia coercendo, & veram Dei religionem, & virtutem tuendo & propagando. Eam autem gratiam Episcopis ac Ministris omnibus largire, qua cum moribus tum doctrina, verbum tuum vivum patefaciant, promoveant,

g

moveant, & illustrent, & recte riteque
Sacramenta tua sancta administrent.
Et populo tuo universo, huic autem
Cœtui præsertim, concede ut animo mi-
ti, ac debita reverentia, sanctum ver-
bum tuum audiant ac excipiant, tibi
vere servientes, in sanctitate & iustitia,
omnibus diebus vitæ suæ. Maxima
insuper cum animi demissione te ro-
gamus Domine, pro benignitate tua,
ut eos omnes consoleris & adjuves,
qui angustiis, doloribus, inopia,
morbo, aliisque rebus adversis pre-
muntur. Atque sancto nomini tuo
benedicimus pro omnibus famulis
tuis, qui in fide ac timore tuo ex hac
vita migrarunt; suppliciter te rogantes,
ut gratia nobis concedatur, qua eo-
rum exempla bona sequuti, una cum
illis regni tui cœlestis fiamus partici-
pes. Hæc nobis concede, Pater,
propter Jesum Christum, Mediatorem
& Advocatum nostrum unicum. *A-*
men.

Tum

*Tum Presbyter ad accipiendam sacram
Communionem accedentibus dicit,*

VOS quos vere & serio peccatorum vestrorum penitet, quique proximos vera charitate complectimini, & vitam novam instituere decrevistis, mandatis Dei obsequendo, & in viis ejus sanctis posthac ambulando : cum fide accedite, & hoc sanctum Sacramentum accipite in solatium vestrum : atque omnipotenti Deo magna cum animi demissione confitemini, in genua modeste provoluti.

Tum hac generalis Confessio eorum omnium nomine quibus propositum est sacram Communionem accipere, fit ab aliquo Ministrorum, ipso & Populo universo in genua humiliter provolutis, ac dicentibus :

OMnipotens Deus, Pater Domini nostri Jesu Christi, Rerum omnium conditor, Hominum omnium ju-

dex, Confitemur ac deploramus multiplicitia peccata & scelera nostra, Quæ subinde flagitiose admodum commisimus, Cogitatione, verbo, & opere, Contra divinam tuam majestatem, Iram atque indignationem tuam adversus nos iustissime provocantes. Serio nos pœnitet; Et ex animo dolemus ob ejusmodi delicta nostra; Eorum recordatio nobis acerba est, Onus intolerabile. Miserere nostri, Miserere nostri, Pater summe misericors. Propter filium tuum Jesum Christum Dominum nostrum, Præteritorum omnium, veniam concede; Da etiam ut in posterum semper tibi serviamus & placeamus in novitate vitæ, Ad nominis tui honorem & gloriam, Per Jesum Christum Dominum nostrum. Amen.

Tum Presbyter (aut Episcopus si adsit) erigit se, & conversus ad Populum hanc absolutionem pronuntiat:

OMnipotens Deus Pater noster cœlestis, qui ex summa misericordia peccatorum remissionem promisit

misit iis omnibus qui serio atque ex
animo poenitentes cum vera fide ad
eum se convertunt, vestri misereatur,
peccata vestra vobis omnia condonet,
ab iisque vos liberet; vos confirmet
& roboret in omni bono, vosque
perducatur ad vitam æternam, per Je-
sum Christum Dominum nostrum.
Amen.

Deinde Presbyter dicit.

Audite suavissima verba Christi Ser-
vatoris nostri ad consolandum eos
omnes qui ad ipsum revera con-
vertuntur.

V Enite ad me omnes qui laboratis
atque onerati estis, & ego re-
ficiam vos. *S. Matth. xl. 28.*

Sic Deus dilexit mundum, ut Filium
suum unigenitum dederit, ut omnis
qui credit in eum; non pereat sed
habeat vitam æternam. *S. Joann. iij. 16.*

Audite etiam quid dicat Sanctus
Paulus.

Fidelis sermo, & omni acceptione
dignus, quod Christus Jesus venit

in hunc mundum peccatores salvos
facere. 1 *Tim.* i. 15.

Audite etiam quid dicat Sanctus
Joannes.

Si quis peccaverit, Advocatum
habemus apud Patrem, Jesum Chri-
stum justum, & ipse est propitiatio
pro peccatis nostris. 1 *S. Joan.* ij. 1.

Post qua pergit Presbyter dicens.

Sursum corda.

Resp. Elevamus ad Dominum.

*Presb. Gratias agamus Domino Deo
nostro.*

Resp. Dignum & justum est.

*Tum Presbyter ad mensam Domini con-
versus dicit.*

VEre dignum & justum est, & in-
dispensabili officio tenemur tibi
semper & ubique gratias agere, Do-
mine, Sancte Pater, Omnipotens
æterne Deus.

IDeo cum Angelis, & Archangelis,
cumque omni militia cœlestis
exercitus, gloriosum nomen tuum
laudamus

laudamus, & magnificamus, te sine
fine celebrantes ac dicentes, Sanctus,
Sanctus, Sanctus, Dominus Deus Sa-
baoth, pleni sunt coeli & terra gloria
tua. Osanna tibi in excelsis Deus.
Amen.

*Tum Presbyter in genua provolutus ad
Mensam Domini, hanc sequentem
Orationem dicit eorum omnium nomine
qui sunt communicaturi.*

Non ideo ad hanc mensam tuam
audemus accedere, Domine mi-
sericors, quod in nostra iustitia con-
fidamus, sed in multitudine ac magni-
tudine miserationum tuarum. Non
sumus digni qui micam colligamus sub
mensa tua. Tu vero idem es Domi-
nus cuius proprium est semper mise-
reri. Nobis igitur concede Domine
misericors, carnem Filii tui dilectissi-
mi Jesu Christi, sic comedere, sicque
sanguinem illius bibere, ut corpora
nostra peccatis inquinata, munda fiant,
per illius corpus, & animæ nostræ
abluantur

abluantur in pretioso ipsius sanguine,
utque perpetuo in ipso habitemus, &
ipse in nobis. *Amen.*

*Quum Presbyter stans ante Mensam
Domini, Panem & Vinum ita dispo-
suerit ut expeditius ac decentius possit
panem frangere coram Populo, &
Calicem in manus sumere, dicit ora-
tionem consecrationis prout sequitur.*

OMnipotens Deus, Pater noster
cœlestis, qui ex immensa tua
misericordia Jesum Christum Filium
tuum unicum dedisti, ut mortem cru-
cis subiret pro redemptione nostra,
qui ibi (unica sui ipsius oblatione
semel facta) plenum, perfectum, &
sufficiens sacrificium obtulit, oblatio-
nem & satisfactionem pro peccatis
totius mundi, & instituit præcepitque
nobis in sancto Evangelio suo, perpe-
tuam memoriam pretiosæ suæ mortis
celebrare, usque dum redeat. Exaudi
nos quæsumus supplices, Pater mise-
ricors, & concede ut nos sumentes has
crea-

creaturas tuas panem & vinum, juxta
sanctam institutionem Filii tui Serva-
toris nostri Jesu Christi, in memoriam
mortis ac passionis illius, participes
fiamus beatissimi illius corporis ac
sanguinis; Qui ea nocte qua tradebatur
accepit ¹ panem; & cum
gratias egisset, illum
² fregit, ac dedit discipu-
lis suis, dicens, Accipite,
comedite, ³ hoc est cor-
pus meum, quod pro vo-
bis datur, hoc facite in
meam commemorationem.
Similiter postquam
cœnatum est ⁴ accepit
Calicem, & postquam
gratias egisset, dedit illis
dicens, Bibite ex hoc om-
nes, ⁵ hic est enim san-
guis meus Novi Testa-
menti, qui pro vobis &
pro multis effunditur in
remissionem peccatorum. Hoc facite
quotiescunque biberitis in meam
commemorationem.

¹ Hic Presbyter
accipit patenam
in manus.

² Hic autem fran-
git panem.

³ Hic manu por-
recta tangit quic-
quid panis ibi
fuerit.

⁴ Hic calicem ma-
nu prehendit.

⁵ Et hic vasa om-
nia (sive sint ca-
lices sive lagena)
in quibus est vinum
consecrandum, tan-
git porrecta manu.

Tunc

Tunc Minister primus sacram Communionem sumit ipse sub utraque specie; tum pergit eam porrigere Episcopis, Presbyteris & Diaconis, eodem modo, si qui adfuerint; postea vero etiam plebi in manus ordine, singulis humiliter in genua provolutis. Unicuique autem panem porrigens dicit:

Corpus Domini nostri Jesu Christi, quod pro te traditum est, Corpus & animam tuam servet in vitam æternam. Accipe & comede hoc, in memoriam quod Christus mortuus est pro te, & fide illo vescitor, in corde tuo, cum gratiarum actione.

Minister Calicem porrigens unicuique, dicit:

Sanguis Domini nostri Jesu Christi, qui pro te effusus est, Corpus & animam tuam servet in vitam æternam, Bibe hoc in memoriam quod sanguis Christi pro te effusus est, & gratias age.

Si quantum panis aut vini consecratum fuerat, id totum absumptum est priusquam omnes communicaverint; Presbyter

byter majorem copiam consecrat
juxta prius præsriptam formulam:
incipiens à verbis (Servator noster
Christus eadem nocte qua, &c.)
ad benedicendum Pani, & ab his
(similiter postquam Coenatum) ad
benedicendum Calici.

Postquam omnes communicaverint, Mi-
nister redit ad Mensam Domini, &
reverenter super ea reponit quicquid
superfuerit ex consecratis Elementis,
illud cooperiens mundo linceo.

Tum Presbyter recitat Orationem Do-
minicam, Populo unamquamque Pe-
titionem, post ipsum iterante.

Pater noster, qui es in cœlis. San-
ctificetur nomen tuum. Adve-
niat regnum tuum. Fiat voluntas tua,
sicut in cœlo & in terra. Panem no-
strum quotidianum da nobis hodie.
Et dimitte nobis debita nostra, sicut
& nos dimittimus debitoribus nostris.
Et ne nos inducas in tentationem.
Sed libera nos à malo. Quia tuum est
regnum, potentia & gloria, in secula
seculorum. Amen.

Deinde

*Deinde dicitur, ut habetur in
sequentibus.*

O Domine ac Pater cœlestis, nos humiles famuli rogamus supplices paternam tuam bonitatem, ut hoc laudis & gratiarum actionis sacrificium clementer accipias, humillime supplicantes ut propter merita & mortem Filii tui Jesu Christi, & per fidem in illius sanguinem concedas, ut nos cum universa Ecclesia peccatorum nostrorum remissionem, cæteraque omnia beneficia passionis illius consequamur. Hic autem offerimus ac præsentamus tibi, O Domine, nos ipsos, animas nostras & corpora, tibi hostiam rationalem sanctam & vivam, submisse rogantes ut quotquot participes sumus hujus sanctæ Communione, tua gratia & cœlesti benedictione repleamur. Et quanquam indigni sumus ob multiplicia peccata nostra, qui tibi ullum sacrificium offeramus, attamen te rogamus supplices, ut acceptum habeas hoc debitum obsequium

quum ac hunc cultum nostrum, non
intuendo merita nostra, sed condonan-
do delicta, per Jesum Christum Do-
minum nostrum, per quem & cum
quo, in unitate spiritus sancti, Tibi
sit, Pater Omnipotens, omnis honor
& gloria, in secula seculorum. *A-*
men.

Gloria in excelsis Deo, & in ter-
ra pax, bona voluntas homini-
bus. Te laudamus, Tibi benedici-
mus; Te adoramus, Te glorificamus;
Tibi gratias agimus propter summam
gloriam tuam. Domine Deus Rex
coeli, Deus Pater omnipotens.

Domine Fili unigenite Jesu Chri-
ste, Domine Deus, Agnus Dei, Filius
Patris qui tollis peccata mundi, mi-
serere nostri. Qui tollis peccata mun-
di, miserere nostri. Qui tollis peccata
mundi, suscipe orationem nostram.
Qui sedes ad dexteram Dei Patris,
miserere nostri.

Quoniam Tu solus sanctus, Tu solus
Dominus, Tu solus Christe, cum

A

Spiritu

Spiritu sancto, altissimus in gloria Dei
Patris. *Amen.*

PAx Dei, quæ superat omnem in-
tellectum servet corda vestra &
mentes vestras, in cognitione & amo-
re Dei & Filii ejus Jesu Christi
Domini nostri: Et favor omnipotentis
Dei, Patris, Filii, & Spiritus Sancti,
vobis adsit semperque vobiscum ma-
neat. *Amen.*

*Collecta post Offertorium dicenda, quan-
do non celebratur Communio, quolibet
die, una, aut altera, aut etiam plu-
res. Dici etiam poterunt pro data
occasione, post Collectas Matutinarum,
aut Vespertinarum Precum, Commu-
nionis aut Litaniæ, prout Ministro
videbitur.*

Adesto propitius Domine, his no-
stris supplicationibus ac preci-
bus, & viam famulorum tuorum ad
confe-

consequendam vitam æternam dirige ;
ut inter omnes mortalis hujus vitæ
mutationes, ac casus, tuo semper cle-
mentissimo, ac præsentissimo auxilio
protegantur, per Jesum Christum Do-
minum nostrum. *Amen.*

Domine omnipotens, & æterne
Deus, corda & corpora nostra,
quæsumus, dirigere, sanctificare, ac
regere digneris, in viis legis tuæ, &
in operibus mandatorum tuorum :
ut potentissima tua protectione cum
corpore tum animo hic, & in æter-
num tui simus, per Jesum Christum
Dominum & Servatorem nostrum.
Amen.

DA quæsumus omnipotens Deus,
ut quæ verba hodie externis
auribus audivimus, ea sic cordibus
nostris per gratiam tuam inferantur,
ut in nobis probæ vitæ fructum sem-
per proferant, ad nominis tui hono-
rem ac laudem, per Jesum Christum
Dominum nostrum. *Amen.*

Actiones nostras singulas Domine
clementissimo tuo favore præ-
veni, & perpetuo auxilio prosequere,
ut in omnibus operibus nostris
in te inceptis, continuatis, & finitis,
sanctum nomen tuum glorificemus,
& tandem miseratione tua vitam
æternam consequamur, per Jesum
Christum Dominum nostrum. *A-*
men.

Omnipotens Deus, fons omnis
sapientiæ, cui perspecta est in-
digentia nostra, priusquam petamus,
& nota ignorantia nostra, dum peti-
mus, infirmitates nostras miserere
quæsumus, & quæ vel propter indi-
gnitatem nostram non audemus, vel
propter cœcitatem petere non vale-
mus, ea nobis largiri digneris per
merita Filii tui Domini nostri Jesu
Christi. *Amen.*

Omnipotens Deus, qui pollicitus
es te eorum preces exauditu-
rum, qui in Filii tui nomine petitori
sunt,

sunt, aures tuas nobis, qui orationes & supplicationes nostras jam tibi obtulimus, propitius inclina, & da ut quæ secundum voluntatem tuam vera fide petimus, revera impetremus, ad indigentiae nostræ subsidium, & gloriæ tuæ patefactionem, per Jesum Christum Dominum nostrum. Amen.

GRATIÆ

Ante cibum.

NOs miseri homines & egeni, pro cibis quos nobis ad corporis subsidium benigne es largitus, Tibi Deus omnipotens, Pater cœlestis, gratias reverenter agimus; simul obsecrantes, ut iis sobrie, modeste atque grate utamur. Insuper petimus, ut cibum angelorum, verum panem cœlestem, verbum Dei æternum, Dominum nostrum Jesum Christum nobis

impertiaris; utque illo mens nostra
pascatur, & per carnem & sanguinem
ejus foveamur, alamur, & corrobore-
remur. *Amen.*

Post cibum.
Omnipotens & misericors Deus,
qui donis tuis nos exsatiasti, ef-
ficere ut quicquid per nos fieri aut præ-
termitti velis, diligenter observemus,
mandata tua universa, prompto
atque fideli obsequio obeuntes, per
Jesum Christum Dominum nostrum.
Amen.

Antiph. Domine salvos fac Regem
& Reginam.

Resp. Et exaudi nos, quando invo-

Deus in cujus manu sunt corda
Regum, qui es humilium con-
solator, fidelium fortitudo, protector
omnium in te sperantium; da Regi
nostro

nostro *Gulielmo*, Reginae *Maria*, populoque Christiano, ut te Regem regum, & dominantium Dominum, agnoscant semper & venerentur; & post hanc vitam regni tui æterni fiant participes; per Jesum Christum Dominum nostrum. *Amen.*

III.

DEus à quo derivatur omnis munificentia & bonitas, debitas tibi gratias agimus, quod sælicis memoriae Regem *Henricum* ejus nominis octavum, ad Ecclesiam hanc fundandam animaveris: & rogamus pro summa tua misericordia, ut cum nos hoc tanto beneficio adjuti, ad laudem tui nominis profecerimus, una cum omnibus qui jam in Domino dormierunt, beatam resurrectionem, & æternæ sælicitatis præmia consequamur; per Christum Dominum nostrum. *Amen.*

PSAL.

PSALM. CXVII.

1 **O** Gentes omnes undique
Laudate Dominum;
Illum laudate populi,
Per orbis ambitum.

2 Nam ingens est Hominibus
Illius Bonitas,
Et in æterna sæcula
Jehovæ veritas.

3 Sit laus Trin-uni Domino,
Honor, & gloria,
Ab universo populo
Per cuncta sæcula.

*Precationis formula à Concionatoribus in
concionum suarum ingressu imitanda
ex præscripto Canonis 55.*

OMnes Concionatores & Ministri
in aditu cujusque suæ Concio-
nis, Lecturæ, & Homiliæ populum
hortabuntur, ut secum in precibus
concurrat in hunc aut similem modum,
idque

idque (quantum licet) summaria brevitate: Precamini pro Christi sancta Ecclesia Catholica, id est, pro universo cœtu Christiani populi per orbem terrarum diffusi, ac disseminati, specialiter vero pro Ecclesiis *Angliæ, Scotiæ & Hiberniæ*; & in his præcipue pro excellentissima Regia Majestate, *Gulielmi & Mariæ Dei gratia Angliæ, Scotiæ, Franciæ & Hiberniæ Regis & Reginæ, Fidei Defensorum*, & super omnes personas in omnibus causis tam Ecclesiasticis quam Civilibus supremorum intra Regna & Dominia sua Gubernatorum. Precamini etiam pro *Catharina Regina Dotaria, Celsitudine regia Annæ Principis Danicæ*, reliquaque Regia familia. Precamini etiam pro Ministris Divini Verbi & Sacramentorum, tam Archiepiscopis & Episcopis, quam cæteris Pastoribus & Curatis. Precamini etiam pro Honoratissimis Regiæ Majestatis Consiliariis, ac Proceribus, & Magistratibus hujus regni universis: ut hi omnes & singuli in sua quisque vocatione,

vocatione, ad Dei gloriam, populique
ædificationem, & rectam administra-
tionem, officiis suis diligenter & fide-
liter perfungantur, memores reddendæ
olim rationis, cum ad Christi tri-
bunal sistentur judicandi. Precamini
etiam pro populo & plebe hujus re-
gni universa, ut in vera fide, & san-
cto timore Dei, in humili erga Regem
obedientia, & fraterna erga se invi-
cem charitate vitam suam instituant.
Postremo gratias & laudes Deo red-
damus pro illis omnibus, qui in fide
Christi ex hac vita exceſſerunt, humi-
liter Deo supplicantes, ut per illius
gratiam, vitam nostram ad pium co-
rum exemplar dirigamus, ut ita tan-
dem hac mortali vita defuncti, resur-
gamus cum illis in die Jesu Christi ad
cœlestem gloriam, & vitam æternam;
semper cum Oratione Dominica con-
cludentes.

PSALMI

que
ra-
de-
en-
tri-
ini
re-
an-
em
vi-
nt.
ed-
de
ni-
ius
co-
an-
ur-
ad
m;
on-
MI

P S A L M I
DAVIDIS

Juxta Versionem Tigurinam.

P. S. A. L. M. I.

D. A. V. I. D. I. S.

Facile Verbum Tenebris

LIBER
PSALMORUM.

PSAL. I.

BEatus vir ille, qui nec ambulavit in consilio impiorum, nec in via peccatorum stetit, nec in confessu irrisorum sedit.

2. Sed in lege Domini voluntas ejus, inque lege ejus meditabitur die ac nocte.

3. Erit hic veluti arbor plantata secus rivos aquarum, quæ fructum suum suo reddit tempore, cujus folium non defluit; & quodcumque ediderit prospere cadet,

4. Non sic impii, sed tanquam quilibet, quas dispellit ventus.

5. Idcirco non surgent impii in iudicio, neque peccatores in cœtu justorum.

6. Quoniam novit Dominus viam justorum; via autem impiorum peribit.

B

Psal.

Psal. 2.

Quare cum tumultu Gentes concurrunt, & populi inane meditantur?

2. Concurfant reges terræ, & principes unâ consultant, adversus Dominum & adversus Christum ejus.

3. Rumpamus vincula eorum, & lora eorum à nobis abjiciamus.

4. Qui sedet in cœlis ridet, Dominus subsannabit eos.

5. Tum loquetur ad eos in ira sua, & in furore suo terrebit eos.

6. Ego vero constitui regem meum super Sion montem meum sanctum.

7. Recensebo decretum, Dominus dixit ad me, Filius meus es tu, ego hodie genui te.

8. Postula à me, daboque Gentes ut sint hæreditas tua, & terminos terræ ut sint possessio tua.

9. Sceptro ferreo confringes eos, veluti vasa figulina comminues eos.

10. Nunc ergo sapite, ô reges, erudimini iudices terræ.

II. Ser-

11. Servite Domino in timore, & exultate cum tremore.

12. Osculamini Filium, ne irascatur & pereatis à via, cum repente exarserit furor ejus: beati omnes qui sperant in eo.

Psal. 3.

Oda seu carmen Davidis, quum fugeret metu Absalom filii sui.

Quam multi sunt, ô Domine, hostes mei? quam multi qui adversus me insurgunt?

2. Multi dicunt animæ meæ, Nulla est isti salus in Deo. Sela.

3. At tu Domine clypeus es pro me, gloria mea, quique caput meum extollis.

4. Voce mea ad Dominum clamabo, & respondebit mihi de monte sancto suo. Sela.

5. Ego jacui & dormivi, atq; evigilavi, quoniam Dominus me fovit.

6. Non metuo à decem milibus populi, qui circumquaque me obsident.

7. Exurge Domine, serva me.

8. Deus meus, quoniam percussisti omnes hostes meos in maxillam, dentes impiorum contrivisti.

9. Domini est salus, super populum tuum benedictio tua. Sela.

.Psalm. 4.

Carmen Davidis, prefecto cantorum ad instrumenta musica.

O Deus iustitia mea, qui me exaudis ad te clamantem, & in angustiis constitutum in latitudinem educis, miserere mei, & exaudi orationem meam.

2. O viri, quousque gloriam meam ad ignominiam? quousque diligetis vanitatem, & quæretis mendacium? Sela.

3. Et scitote, quod Dominus selegit sibi bonum, Dominus exaudiet quum clama vero ad eum.

4. Contremiscite, & ne peccetis, cogitate in corde vestro, in cubili vestro, & silete. Sela.

5. Sacrificate sacrificia iustitiæ, & sperate

sperate in Domino.

6. Multi dicunt, Quis det bona videre? leva signum super nos; nempe lucem vultus tui, ô Domine.

7. Dediti lætitiā in corde meo; à tempore quo frumentum eorum atque mustum eorum aucta sunt.

8. In pace simul jacebo & dormiam, quoniam tu Domine solus es; qui me in tuto collocas.

5. *Carmen Davidis lyricum præfecto
cantorum.*

Ausculta verbis meis, ô Domine, murmur meum intellige.

2. Attende vocem clamoris mei, rex meus & Deus meus; quoniam ad te orabo.

3. O Domine, mane audies vocem meam, quia mane accommodabo me tibi, & speculabor.

4. Quoniam tu non es Deus cui placeat impietas, non habitat tecum malitia.

5. Non consistent coram oculis tuis insani; tu odisti omnes qui operantur iniquitatem.

6. Per-

6. Perdes eos qui loquuntur mendacium, virum sanguinarium & fraudulentum averfatur Dominus.

7. Ego autem fretus multitudine bonitatis tuæ ingrediar domum tuam, adorabo ad templum sanctum tuum in timore tuo.

8. Domine, duc me in iustitia tua propter adversarios meos, & muni coram me viam tuam.

9. Quoniam nihil recti est in ore ejus, intimum eorum corruptiones, guttur eorum sepulchrum apertum, lingua sua blandiuntur.

10. Perage eos reos, ô Deus, cadant à consiliis suis, propter multitudinem scelerum suorum propelle eos, nam rebelles in te fuerunt.

11. Et lætentur omnes qui te fi-
dunt, perpetuo vocibus lætis perstre-
pent, te eos protegente, exultabunt in
te qui diligunt nomen tuum.

12. Quoniam tu benedices iusto, ô
Domine, veluti lancea cinget eum bo-
na voluntas tua.

6. *Carmen Davidis, præfetto cantorum
ad instrumenta musica in octava.*

Domine, ne in furore tuo me arguas, neque in æstu tuo me castigas.

2. Miserere mei, Domine, quoniam debilis sum : sana me, Domine, quoniam contremefacta sunt ossa mea.

3. Sed & anima mea territa est vehementer, & tu, Domine, quousque?

4. Redi Domine, eripe animam meam, propter bonitatem tuam serva me.

5. Quoniam non est memoria tui in morte: in sepulchro quis te celebret?

6. Defatigatus sum in gemitu meo, fluctuare facio tota nocte lectum meum, lachrymâ meâ grabbâ tum meum liquefacio.

7. Corrofa est facies mea præ indignatione, atque vetusta facta est propter omnes hostes meos.

8. Discedite à me quotquot operamini iniquitatem : quoniam Dominus

exaudivit vocem fletus mei.

9. Audivit Dominus supplicationem meam, Dominus orationem meam suscepit.

10. Pudefient igitur & consternabuntur valde cuncti hostes mei, vertentur & subito pudefient.

7. *Arcanum Davidis, quod cecinit Domino de negotiis Chus filii Jemini.*

Domine Deus meus, in te confisus sum, serva me ab omnibus qui me persequuntur, & eripe me.

2. Ne corripiat iste tanquam leo animam meam, dilaceret nemine eripiente.

3. Domine Deus meus, si istud commisi, si est perversitas in manibus meis:

4. Si ei, qui mihi pacis foedere junctus fuit, malum rependi, immo si destitui infestantem me absque causa;

5. Persequatur hostis animam meam, & assequatur, conculcet in terram vitam meam, & deducat gloriam meam in pulverem. Sela.

6. Exur-

6. Exurge, Domine, in furore tuo
exaltare in commotionibus hostium
meorum, & excitare ad me iudicio
quod præcepisti.

7. Et cœtus populorum te circum-
stet, huiusque rei gratiâ in altum re-
vertere.

8. Dominus iudicet populos; me
quoque iudica, ô Domine, secundum
iustitiam meam, & integritatem meam
quæ est in me.

9. Cesset quæso malitia impiorum,
iustumque dirige, explorator cordium
& renum, ô Deus iuste.

10. Clypeus meus in Deo est, serva-
tore eorum qui candido sunt pectore.

11. Deus iudex iustus est, & Deus
commovetur indignatione per singu-
los dies.

12. Si non conversus fuerit, sed ex-
polierit gladium suum, arcum suum
tetenderit, & instruxerit eum;

13. Et paraverit sibi jacula lethife-
ra, sagittas suas ardentes fabricatus
fuerit:

14. En parturiet vanitatem: nam

concepit molestiam, & pariet mendacium.

15. Foveam excidit & effodit eam: & incidit in foveam quam fecit.

16. Erumna quam mihi intendit, recidet in caput ejus, & violentia ejus in verticem ipsius recumbet.

17. Celebrabo Dominum secundum justitiam ejus, & canam nomini Domini altissimi.

8. *Carmen Davidis de torcularibus, praefecto cantorum.*

Domine Dominus noster, quam magnificum est nomen tuum in universa terra, ut des laudem tuam supra coelos!

2. Ex ore infantium & lactentium fundasti robur propter inimicos tuos, ut retundas hostem, & sese vindicantem.

3. Equidem suspiciam coelos tuos, opus digitorum tuorum, lunam & stellas, quas tu praeparasti.

4. Ecquid est homo mortalis, ut memo iam ejus habeas? & filius hominis

hominis, ut eum invisas ?

5. Paululum liquidem est, quo Deo inferiorem illum fecisti; tantâ eum gloriâ & decore cinxisti.

6. Dominum eum operum, quæ manus tuæ paraverunt, constituisti, cuncta ejus pedibus subdidisti;

7. Greges & armenta universa, etiam feras silvestres :

8. Volucres quæ in aëre, & pisces qui in mari versantur, & qui quid per maris itinera transit.

9. Domine Dominus noster, quàm magnificum est nomen tuum in universa terra!

9. *Carmen Davidis ad erudiendum puellarum chorum, præfecto cantorum.*

Celebrabo Dominum in toto corde meo, omnia admiranda opera tua narrabo.

2. Lætabor & exultabo in te, cœnam nomini tuo, ô Supreme.

3. Dum agentur hostes mei retrorsum, impingent, & à facie tua peribunt.

Quoni-

4. Quoniam tu iudicium meum & litem meam iudicasti, sedisti pro tribunali, iudex iuste.

5. Increpuisti Gentes, perdidisti impium, nomen eorum abolevisti in sempiternum.

6. Vastitates, ô hostis, in universum finem habent: urbes excidisti, periiit memoria eorum cum ipsis.

7. At Dominus perpetuo regnat, paravit tribunal suum ad iudicium:

8. Et is iudicabit orbem in iustitia, & populis ex æquitate jus dicet.

9. Asylum erit Dominus oppresso, asylum inquam temporibus afflictis.

10. Te nitentur qui noverunt nomen tuum: non enim deseris, ô Domine, eos qui te studiosè quærunt.

11. Canite Domino qui habitat in Sion, annuntiate in populis consilia ejus.

12. Quoniam requirens sanguines memor eorum erit, neque obliviscitur clamoris afflictorum.

13. Miserere mei, Domine, respice afflictionem meam, quam ab iis qui me

me odio habent perfero; attolle me de portis mortis:

14. Ut narrem omnes laudes tuas in portis, filiæ Sion; exultabo in salute tua.

15. Defixæ sunt Gentes in fovea quam parârunt, reti quod absconderunt irretitus est pes eorum.

16. Notus factus est Dominus iudicium faciens: in opere manuum suarum irretitus est impius. Higaion: Sela.

17. Relabentur impii ad inferos, omnes gentes quæ obliviscuntur Dei.

18. Neque enim perpetuò oblivioni dabitur inops, neque vana semper erit expectatio afflictorum.

19. Exurge, Domine, ne prævaleat mortalis, judicentur Gentes in conspectu tuo.

20. Præfice illis magistrum, ô Domine, discant Gentes se mortales esse. Sela.

10. *Secundum Hebraeos hic incipit decimus Psalmus.*

Cur tam procul absistis, ô Domine? Cur abscondis te tempore quo affligimur?

2. In insolentia impii ardet afflictus: comprehendantur in sceleratis consiliis quæ cogitant.

3. Quoniam laudat impium pro desiderio animi sui, avarum beatum dicit, blasphemat Dominum.

4. Impius in altitudine nasi sui nil pensi habet, in omnibus sceleratis cogitationibus suis non est Deus.

5. Instituta ejus cruciatum afferunt, idque omni tempore: altè sublata sunt è conspectu ejus judicia tua, in omnes adversarios suos efflat.

6. Dicit corde suo, Non nutabo; quia per secula ero absque incommodo.

7. Os ejus perjurio, dolis, & usura scatet, sub lingua ejus afflictio & vanitas.

8. Sedet in atriis insidians, clam truncidat

cidat innocentem, oculi ejus ad inopum turbam intenti sunt.

9. Insidiatur in occulto, quemadmodum leo in lustris suis; insidias struit, ut corripiat afflictum, afflictum inquam corripiat, dum in rete suam pertraxerit.

10. Conteritur, opprimitur, accedit viribus ejus miserorum turba.

11. Dixit in corde suo, Deus oblitus est, avertit faciem suam ne unquam videat.

12. Exurge, ô Domine Deus, attolle manum tuam, afflictorum ne obliviscaris.

13. Cur enim impius blasphemaret Deum, diceretque in corde suo, te non requisitum?

14. At vidisti, etenim tu afflictionem & indignationem intueris, ut de manibus tuis: tibi miserorum turba se committit, qui pupillo soles esse adjutor.

15. Contere brachium impii, malumque cum impietate ejus inquires, nec invenies.

16. Do-

16. Dominus rex in sempiternum & ultrà, Gentes de terra ejus interierunt.

17. Vota pauperum audivisti, Domine; tu diriges cor eorum, auris tua illos, attendet.

18. Ut vindices pupillum & attritum: ne ultrà mortalis prognatus è terra grassetur.

11. *Davidis carmen, prefecto cantorum.*

IN Domino speravi: quomodo dicitis animæ meæ, devola è monte vestro, ceu volucris?

2. Nam ecce impii tetenderunt arcum, aptârunt sagittas suas ad nervum, ut integros corde in caligine jaculentur.

3. Quoniam retia fracta sunt, justus quid fecit?

4. Dominus in sacrosancta regia sua, Domini solium in cœlis est, oculi ejus inspiciunt, palpebræ ejus filios hominum explorant.

5. Do-

5. Dominus probat justum: impium autem & violentiæ amantem odit animus ejus.

6. Pluet super impios laqueos, ignem & sulphur, ventum tempestuosum ardentem: hæc fors calicis illorum.

7. Quoniam justus Dominus justitias diligit, rectum vultu suo intuetur.

12. *Carmen Davidis præfecto cantorum ad octavam.*

Serva, Domine, quoniam deest beneficus, quia veraces ac fideles inter mortales desierunt.

2. Vana loquuntur quisque cum proximo suo, labio blando, & corde duplici ac diverso loquuntur.

3. Excindet Dominus omnia labia falso blandiloqua, linguam grandiloquam.

4. Qui dicunt, Linguis nostris per-rumpemus: labia nostra nobiscum sunt; quis Dominus noster?

5. Propter vastitatem afflictorum,
propter

propter gemitum inopum nunc exurgam, dicit Dominus, salutique restitutam, & respirare eum faciam.

6. Eloquia Domini eloquia munda, ut argentum excoctum in catino terreo septies depuratum.

7. Tu, Domine, serva illos, custodi hunc à generatione ista in sempiternum.

8. Circumquaque enim oberrant impii, quum evehuntur qui inter homines perditissimi sunt.

13. *Præfetto cantorum carmen Davidis.*

Quousque obliviscêris mei, ô Domine, num perpetuò? quousque faciem tuam à me abscondes?

2. Quousque volutabo consilia in animo meo, laborem quotidie in corde meo? quousque superior me erit hostis meus?

3. Respice, responde mihi, Domine Deus meus, illumina oculos meos, ne in morte obdormiam.

4. Ne

4. Ne dicat hostis meus, Prævalui ei : ne gestiant qui me infestant, si nuta-
vero.

5. At ego tuâ bonitate nitor, hinc
exultat cor meum tua salute : cantabo
Domino, quoniam rependit mihi.

14. *Davidis, præfecto cantorum.*

Dixit stolidus in corde suo, non
est Deus; corrupta & abomi-
nanda studia sectantur, nemo est qui
quod bonum sit faciat.

2. Dominus è cœlis super filios
hominum prospexit, ut videret num
esset qui aut saperet, aut studiosus
Dei esset.

3. Sed cuncti defecerant, omnes
pariter corrupti erant, nullus erat qui
quod bonum est faceret, ne unus qui-
dem.

4. An non cognoverunt? omnes
facinorosi dévorant populum meum
ac si panem vorarent, Dominum non
invocant.

5. Illic pavore consternabuntur :
nam

nam Deus est in natione iustorum.

6. Consilium afflicti pudefacitis, quod Dominus sit spes ejus.

7. O utinam e Sion salus contingat Israeli, ut Dominus reducat captivitatem populi sui; ut lateatur Jacob, gaudeatque Israel.

15. *Carmen Davidis.*

Domine, quis habitabit in tabernaculo tuo? quis in monte tuo sancto requiescet?

2. Qui ambulat integer, & quod justum est operatur, quique in corde suo veritatem loquitur.

3. Non obtrectat linguâ suâ, nec malefacit proximo suo, nec sustinet probro indignè affici vicinum suum.

4. Contemptus est in oculis ejus reprobis; eos autem qui Dominum timent, honorat: quodque juraverit, etiam si id damnosum sibi fuerit, non mutat.

4. Pecuniam suam non exponit ad fœnus, munus adversus innocentem nullum

nullum accipit: qui his rebus stude-
 ruerit, is in æternum nunquam nu-
 tabit.

16. *Insigne aureolum Davidis.*

Serva me, Deus, quoniam in te spe-
 ravi.

2. Dixisti, ô anima mea, Domino,
 Dominus meus es tu, bonum meum
 nihil ad te.

3. Sanctis qui in terra sunt, & præ-
 claris, iis toto animo delector.

4. Multiplicent sanè idola sua, cu-
 pidè sectentur alienum, ego tamen
 non libabo libamina eorum quæ sunt
 de sanguine, neque assumam nomina
 eorum in labia mea.

5. Dominus est portio partis meæ,
 & calicis mei, tu sortem meam susti-
 nes.

6. Funiculi mensorii ceciderunt mi-
 hi in amœnis locis, quin insignis mihi
 hæreditas obvénit.

7. Laudabo Dominum qui mihi
 consuluit, sed & renes mei me noctu
 erudiunt.

8. Pro-

8. Propono mihi Dominum perpetuò, à dextris enim mihi est, ne nutem.

9. Propterea gaudebit cor meum, & exultabit lingua mea: quin & caro mea in tuto quiescet.

10. Neque enim deferes animam meam apud sepulchrum, neque permittes ut beneficus tuus videat foveam.

11. Ostendes mihi semitam vitæ, fatietas gaudiorum in conspectu tuo est, jucunditates in dextra tua perpetuò.

17. *Precatio Davidis.*

Audi, Domine, justitiam, attende clamorem meum, ausculta precationi meæ de labiis minime dolosis prodeunt.

2. Prodeat à conspectu tuo iudicium meum, oculi tui quæ recta sunt expendant.

3. Explorasti cor meum, invisisti nocte, excogitasti me, nihil deprehendisti: cogitationes meæ os meum non sunt transgressæ.

4. E-

4. Ego in humanis negotiis propter verbum labiorum tuorum cavi semitas grassatoris.

5. Firma gressus meos in orbitis tuis, ne pedes mei nutent.

6. Ego te invoco, nam soles mihi annuere, ô Deus: præbe aurem tuam mihi, exaudi sermonem meum.

7. Insigniter ostende mihi bonitatem tuam, tu qui servas dextera tua sperantes in te ab iis qui insurgunt.

8. Custodi me ut oculi pupillam, sub umbra alarum tuarum me absconde:

9. Ab impiis qui me devastare solent, ab hostibus meis qui animam meam circumvallant.

10. Pinguedine suâ concluserunt, ore suo fastuosa loquuntur.

11. Modo itinera nostra obsident, oculos suos intendunt, ut tendant in terra.

12. Ut leo est qui prædæ inhiat, & sicut leunculus qui in lustris latitat.

13. Surge, Domine, anteverte illum, deice illum, libera animam meam

am ab impio, qui gladius tuus est.

14. A mortalibus istis, qui manus tuae sunt, ô Domine, à mortalibus huic seculo addictis, qui partem suam in hac vita expetunt; & de tuo penu imple ventrem eorum, ut satis habeant filii eorum, sitque quod nepotibus suis relinquant.

15. At ego in iustitia contemplantor faciem tuam, satiabor quum evigilavero specie tuâ.

18. *Carmen prefecto cantorum, servi Domini, Davidis, qui loquutus est Domino verba carminis huius, eo die quo liberavit eum Dominus de manu cunctorum inimicorum ejus, de manu Saulis. Et dixit.*

EX intimis visceribus diligam te, Domine, robur meum.

2. Dominus petra mea, propugnaculum meum, & creptor meus.

3. Deus meus rupes mea, illo nitamur, clypeus meus & cornu salutis meae, arx mea.

4. Do-

4. Dominum laude dignum invocabo, & ab inimicis meis servabor.

5. Circumdederant me funes mortis, & torrentes quidam hominum perditorum terruerant me.

6. Circumcinxerāt me funes inferorum, laquei mortis anteverterant me.

7. Dum itaque angebar, invocabam Dominum, & ad Deum meum clamabam, & exaudivit de templo suo vocem meam, ut primum clamor meus ad aures ejus pervenit.

8. Commovebatur ac contremiscebatur terra, fundamenta montium concutiebantur & conquassabantur, quoniam ipse irascebatur.

9. Ascendebat fumus ex naribus ipsius, & vorans ignis ex ore ejus, ita ut de eo carbonem incenderentur.

10. Flectebat celos atque descendebat, sub pedibus ejus caligo.

11. Vehabatur super Cherub, ac volabat, latus super alas venti.

12. Circumquaque juxta se tenebras posuerat latibulo suo instar tabernaculorum, aquas atratas, densissimas nubes.

C

13. De

13. De fulgore qui coram eo erat, nubes ejus pertransierant, grando & carbones igniti.

14. Tonabat è cœlis Dominus, & Altissimus edebat vocem suam, grandinem atque carbones ignitos.

15. Sagittas suas ejaculabatur, difficiebatque eos: & fulgura multa, quibus consternatos eos reddidit.

16. Tum apparebant profundissima aquarum receptacula, retegebantur orbis fundamenta ab increpatione tua, Domine, à respiratione flatus nasi tui.

17. E sublimi demissa manu arripiebat me, atque ex aquis vehementibus extrahebat.

18. Eripiebat me ab hostibus potentibus, de osoribus meis qui me superiores erant.

19. Qui me tempore calamitatis meæ præverterant: at Dominus fuit mihi fulcrum.

20. Educebat me in locum spatiosum; eripiebat me, favebat enim mihi.

21. Rependebat mihi Dominus juxta

juxta justitiam meam, & juxta puritatem manuum mearum mihi retribuebat.

22. Observaveram enim vias Domini, neque impiè à Deo meo defeceram.

23. Coram me enim cuncta ejus instituta teneo, & mores ejus à me non abjicio.

24. Integrè & candidè versor coram illo, & servo me nequid pravi designem.

25. Rependit itaque mihi Dominus juxta justitiam meam, & juxta puritatem manuum mearum quæ fuit coram oculis ejus.

26. Qui bonitati studet ei benignè facis : & erga virum simpliciter integrum, integrum te exhibes.

27. Cum candido candidè agis : cum eo verò qui pravus & incurvus incedit, tu quoque perversè incedes.

28. Etenim populum afflictum tu servas, & oculos sublimes deprimis.

29. Quoniam tu illuminas lucernam meam, Dominus Deus meus te

nebras meas illustrat.

30. Quoniam in te militares cuneos
perrumpo, & in Deo meo murum
transilio.

31. Via Dei integra est, eloquium
Domini repurgatum: scutum est o-
mnium in se sperantium.

32. Quis enim Deus præter Do-
minum? aut quis est petra præter
Deum nostrum?

33. Deus est qui me instruit heroi-
câ virtutē, & viam meam expeditam
facit.

34. Pedes meos pares facit pedi-
bus cervarum, & in editis meis me
collocat.

35. Instruit manus meas ad pu-
gnam: datque ut arcum chalybeum
brachiis meis confringam.

36. Tu protendis mihi clypeum
salutis tuæ, dextera tua suffulcit me,
& ex mansuetudine tua augustum me
reddis.

37. Dilatas passum meum subtus
me, ne vertebræ meæ vacillent.

38. Persequebar inimicos meos, &
asse-

assequebar eos: nec revertēbar donec
eos interneeioni darem.

39. Concido eos quo min⁹ surge-
re possint, cadantque subtus pedes
meos.

40. Instruis me ad bellum virtute
heroicā, prosterne sub me quotquot
contra me insurgunt.

41. Efficis ut terga vertant mihi
hostes mei, & ut perdam ofores meos.

42. Clamabant, nec erat servator:
ad Dominum, nec respondit eis.

43. Contundo eos ut pulverem
ante ventum, ut lutum platearum eos
comminuo.

44. Tū eripis me de contentioni-
bus populi, & constituis me caput
Gentium: populus quem non novi
servit mihi.

45. Mox ut auribus percipiebant,
obsequebantur mihi, filii exteri men-
daciter se mihi subiciebant.

46. Alienigenæ marcescebant, pa-
vebantque in penetralibus suis.

47. Vivat Dominus, & laudetur
qui est petra mea, altus vehatur Deus
salutis meæ.

48. Deus

48. Deus est qui donat ut ulciscar me, & subjicit mihi populos.

49. Qui educit me ex hostibus meis: tu, ô Domine, in sublime ducis me ab his qui contra me insurgunt, ab eo viro qui mihi vim & injuriam intentat, eripis me.

50. Hanc ob causam celebrabo te in Gentibus, ô Domine, & nomini tuo canam.

51. Propter magnitudinem salutis qua regem tuum ditas, & beneficiis prosequeris Christum tuum Davidem, & semen ejus in perpetuum.

19. *Carmen Davidis præfecto
cantorum.*

Cœli enarrant gloriam Dei: & extensio opus manuum ejus annuntiat.

2. Dies diei succedens eloquitur sermonem, & nox nocti indicat scientiam.

3. Non est illis sermo, non verba, neque auditur vox eorum.

4. In

4. In omnem tamen terram exivit regula eorum, & in fines orbis terræ verba eorum: soli posuit tentorium in eis.

5. Et is velut sponsus ex umbraculo suo prodit, lætus velut heros quispiam ad decurrendam viam.

6. Ab extremo cœlorum egressus ejus, recursus ejus usque ad extrema eorum, nec est qui se ab æstu illius abscondat.

7. Lex Domini integra est, convertens animam: testimonium Domini verum, imperitis sapientiam suppeditans.

8. Decreta Domini recta sunt, cor exhilarantia: præceptum Domini repurgatum, illuminans oculos.

9. Timor Domini mundus, perstans perpetuò: judicia Domini vera, simulque justa.

10. Magis expetibilia, quàm sit aurum vel præstantissimum atque plurimum, & dulciora melle & favo stillantibus.

11. Etiam servus tuus perspicuè

illis admonetur; in illorum observantia multa merces est.

12. Errores quis animadvertat? ab occultis meis repurga me.

13. Quin & flagitia averte à servo tuo, ne dominantur mihi: tum integer ero, & innocens à quovis grandiori scelere.

14. Sint verba oris mei, & meditatio cordis mei grata in conspectu tuo, ô Domine, petra mea & vindex meus.

29. *Carmen Davidis prafello cantorum.*

EXaudiat te Dominus, quum in angustia fueris, in tuto collocet te nomen Dei Jacob.

2. E sanctuario suo auxilium tibi ferat, atque è Sion te suffulciat.

3. Memor sit omnium munerum tuorum, & holocaustum tuum pingue aestimet. Sela.

4. Det tibi juxta cor tuum, & omne consilium tuum perficiat.

5. Ova-

5
nom
erig
omn

6
unc
aud
fuo

7
dan
nost

8
nos
fum

9
die

2

E
per

ei,
nor

P S A L.

5. Ovabimus in salute tua, & in nomine Dei nostri signa triumphantes erigemus: perficiet enim Dominus omnes petitiones tuas.

6. Nunc agnosco quod Dominus unctum suum servavit, quodque exaudierit eum de cœlis ex sanctuario suo virtute salvifica dexteræ suæ.

7. Hi in curribus, illi in equis fidant, nos autem nominis Domini Dei nostri mentionem faciemus.

8. Illi succubuerunt & corruerunt: nos autem perstitimus & corroborati sumus.

9. Dominus servabit regem: quo die invocaverimus, nos exaudiet.

21. *Carmen Davidis præfecto cantorum.*

Domine, in virtute tuâ lætabitur rex, & in salutari tuo quam impendio gestiet.

2. Desiderium cordis sui dedisti ei, & quæ precatus est labiis suis, non negasti. Sela.

3. Nam benedictionibus optimis prævenisti meum, imposuisti capiti ejus coronam auream.

4. Vitam petiit abs te, & dedisti illi longitudinem dierum in seculum & ultra.

5. Magna est gloria ejus propter salutem quam ei contulisti, honorem & splendorem posuisti super eum.

6. Quoniam posuisti eum ut omni genere bonorum perpetuò affluat, exhilarasti eum gaudio vultus tui.

7. Nam rex fidit Domino, & in bonitate Altissimi non nutabit,

8. Offendit manus tua omnes hostes tuos, dextera tua offendit omnes qui te odio habuerunt.

9. Velut accensum fornacem reddidisti eos in tempore iræ tuæ, Dominus in ira sua devoravit eos, & ignis consumpsit eos.

10. Fructum eorum è terra perdidisti, & semen eorum de filiis hominum.

11. Quoniam moliti sunt adversus te malum, cogitarunt scelus quod per-

perficere non poterant.

12. Posuisti enim illos humerum,
& nervo tuo in faciem eorum colli-
masti.

13. Evehere Domine virtute tuâ,
canemus & celebrabimus potentiam
tuam.

22. *Præfeto cantorum carmen Davidis
de cerva matutina.*

DEus meus, Deus meus, cur dese-
ruisti me, ut longè abes à salute
mea, à verbis rugitus mei?

2. Deus meus, invoco per diem, &
non respondes, per noctem, nec est
silentium mihi.

3. Et tu sanctus fessor laudum Is-
raelis.

4. In te speraverunt patres nostri,
speraverunt, & liberaisti eos.

5. Ad te clamaverunt, & liberati
sunt, te fidebant, neque pudefacti
sunt.

6. Ego autem vermis sum, & non
vir, opprobrium hominum, & con-
temptus à populo.

7. Qui-

7. Quicumque me aspiciunt subsan-
nant me, distendunt labia, movent ca-
put, dicentes,

8. Retulit omnia ad Dominum, eri-
piat eum, liberet eum quoniam dea-
mat eum.

9. At tu is es qui me ex utero ex-
traxisti, in te filius sum pendens adhuc
ab uberibus matris meæ.

10. In te conjectus sum à partu,
ab utero matris meæ Deus meus es
tu.

11. Ne subducas te longius à me,
quoniam afflictio adest, nec est qui ad-
juvet.

12. Tauri multi circumdederunt
me, prævalidi ex Basan undique cin-
xerunt me.

13. Aperuerunt contra me os suum,
sicut leo rapiens & rugiens.

14. Effusus sum velut aqua, disso-
ciantur omnia ossa mea, factumque est
cor meum sicut cera, liquefactum in-
tra visera mea.

15. Exaruit ut testa virtus mea, lin-
gua mea adhærescit faucibus meis, &
in

in pulverem mortis redelegisti me.

16. Nam circumdederunt me canes, coetus malorum cinxit me, ceu leo manus meas & pedes meos.

17. Numerarem ossa mea, hi vero cum voluptate intuentur & aspi-
ciunt.

18. Partiti sunt sibi vestimenta mea,
& de veste mea fortiti sunt.

19. Sed tu, ô Domine, ne sis procul;
ô virtus mea, ut me adjuves prospera.

20. Eripe à gladio animam meam,
de manu canis unicam meam.

21. Serva me ab ore leonis, & à cor-
nibus unicornium eripe me.

22. Narrabo nomen tuum fratri-
bus meis, in media congregatione lau-
dabo te.

23. Qui timetis Dominum laudate
eum, omne semen Jacob celebrate e-
um, metuite eum omne semen Isra-
elis.

24. Quia non despexit nec aver-
fatus est afflictionem pauperis, neque
avertit ab eo faciem suam, sed quum
clamaret ad eum audivit.

25. De

25. Dete est laus mea in concione magna, vota mea coram timentibus ipsam persolvam.

26. Comedent humiles, & satiabuntur, laudabunt Dominum qui quærent eum, vivet cor vestrum in seculum.

27. Memores erunt & convertentur ad Dominum omnes fines terræ, prosternent se ante faciem tuam omnes familiæ Gentium.

28. Quia Domini est regnum, & ipse gentibus dominatur.

29. Comedent & adorabunt omnes pingues terræ, coram eo genua flectent omnes qui in pulverem descendunt, quia animam suam non in vita servavit.

30. Posteritas serviet ei, ac censebitur Domino ad nationem.

31. Venient & annuntiabunt populo nascituro justitiam ejus quam præstitit.

23. *Carmen Davidis.*

Dominus pastor meus est, non
egebo.

2. In pascuis herbidis accubare me
facit, & ad aquas tranquillas me mi-
nat.

3. Animam meam revocat, ducit
me in orbitis justitiæ propter nomen
suum.

4. Etiam si eundum mihi sit per
vallem umbræ mortalis, nihil mali ti-
mebo : nam tu mecum es, virga tua &
pedum tuum ipsa me consolantur.

5. Instrues coram me mensam è re-
gione hostium meorum, unguento ca-
put meum delibutum reddes, & calix
meus erit exuberans.

6. Sed & bonitas & benignitas tua
prosequetur me cunctis diebus vitæ
meæ, & habitabo in domo Domini
longissimis diebus.

24. *Carmen Davidis.*

Domini est terra ipsa, & quicquid
ea continet: orbis & qui eum in-
habitant.

2. Ipse enim super maria fundavit
eam, & super flumina præparavit
eam.

3. Quis conscendet montem Do-
mini? aut quis in loco sanctuarii ejus
consistet?

4. Qui innocentes habet manus,
& cor repurgatum, qui animum suum
ad vanitatem non extulit, inque frau-
dem non jurat.

5. Is accipiet benedictionem à
Domino, & justitiam à Deo servato-
re suo.

6. Hæc natio est eorum qui eum
inquirunt, Jacob sunt qui quærunt
faciem tuam. Sela.

7. Tollite, ô portæ, capita vestra,
attollimini fores sempiternæ, & in-
gredietur Rex ille gloriosus.

8. Quis est ille Rex, ille gloriosus?

Do-

Domini
virtut

9.
attoll
gredi

10
sus?
est ill

A
2.
defia
mei.

3
que
qui

4
min

sue
tor

ru

Dominus fortis & heros, Dominus
virtute bellica insignis.

9. Tollite, ô portæ, capita vestra,
attollimini fores sempiternæ, & in-
gredietur Rex ille gloriosus.

10. Quis est ille Rex, ille glorio-
sus? Dominus exercituum, is Rex
est ille gloriosus. Sela.

25. *Davidis.*

AD te, ô Domine, animum meum
attollo.

2. Deus meus, in te spero, ne pu-
defiam, ne lætentur de me inimici
mei.

3. Quin & non pudefient quicun-
que te expectant, pudefient autem hi
qui prævaricantur abs re.

4. Vias tuas notas mihi fac, ô Do-
mine, & assuefacito me semitis tuis.

5. Duc me in veritate tua, & as-
suefac me: quoniam tu Deus serva-
tor meus es, te expecto tota die.

6. Memor sis miserationum tua-
rum, ô Domine, & bonitatis tuæ,
quoniam

quoniam à seculo sunt.

7. Peccatorum adolescentiæ meæ ac scelerum meorum ne sis memor, memor autem mei sis juxta benignitatem tuam, propter bonitatem tuam, ô Domine.

8. Bonus & rectus est Dominus, propterea docebit peccatores in via.

9. Diriget mansuetos in iudicio, & assuefaciet mansuetos viæ suæ.

10. Cunctæ viæ Domini benignitas sunt & veritas, iis qui fœdus & testimonia ejus observant.

11. Propter nomen tuum, ô Domine, propitius sis iniquitati meæ, multa enim est.

12. Quicumque timet Dominum, hunc diriget in via quam eligit.

13. Animus ejus in bonis morabitur, & semen ejus hæreditariò possidebit terram.

14. Secretum Domini timentibus ipsum, & fœdus suum illis notum faciet.

15. Oculi mei perpetuo ad Dominum: ille enim explicat è reti pedes meos.

16. Re-

16. mei,

17. factæ me.

18. stiam mea.

19. mult me.

20. bera dem

21. ant

22. om

J
fifu

me

16. Respice in me, & miserere mei, nam unicus, & afflictus sum.

17. Angustiae cordis mei latissimae factae sunt, ex angustis meis educito me.

18. Aspice afflictionem & molestim meam, & aufer omnia peccata mea.

19. Considera hostes meos: nam multi sunt, & violento odio odiunt me.

20. Custodi animam meam & libera me: ne pudeam, quandoquidem spem in te colloco.

21. Integritas & aequitas custodiant me, quia te expecto.

22. Redime, ô Deus, Israelem ex omnibus afflictionibus suis.

26. *Davidis.*

Judica me, Domine, quoniam innocentem ambulavi: & Domino confisus non nutabo.

2. Explora me, Domine, & tenta me, excoque renes meos & cor meum.

3. Nam

3. Nam bonitas tua mihi ob oculos est, & ambulo in veritate tua.

4. Non sedeo cum hominibus vanis, & ad fucatos non ingredior.

5. Coetum malorum odi, & cum impiis non sedebo.

6. Lavabo in innocentia manus meas, & circumdabo altare tuum, Domine.

7. Ut edam vocem laudis, & enarrem omnia mirabilia tua.

8. Domine, dilexi habitationem domus tuae, & locum tabernaculi gloriae tuae.

9. Ne colligas cum peccatoribus animam meam, & vitam meam cum sanguinariis.

10. In quorum manibus scelus praemeditatum est, & dextera eorum plena est corruptorio munere.

11. At ego innocenter ambulo; redime me & beneficus mihi esto.

12. Pes meus in recto constat: in coetibus laudabo Dominum.

27. *Davidis.*

Dominus lux mea, & salus mea,
à quonam timerem?

2. Dominus robur vitæ meæ, à quo
expavescerem?

3. Dum aciem instruerent adver-
sum me mali, ut devorarent carnem
meam hostes mei atque inimici mei,
ipsi impegerunt & corruerunt.

4. Si obsideant me castra, non ti-
mebit cor meum: si ingruerit adver-
sum me prælium, hac re nitar.

5. Unum quiddam postulavi à Do-
mino, idque requiram, nempe ut ha-
bitem in æde Domini cunctis diebus
vitæ meæ, ut videam amœnitatem
Domini, & lustrem templum ejus.

6. Quoniam abscondet me in ta-
bernaculo suo, in die adversitatis: oc-
culet me in abdito tentorii sui, in ru-
pem extollet me.

7. Et nunc extollet caput meum
super hostes meos qui circum me
sunt, & sacrificabo in tentorio ejus
facri-

facrificia cum iubilo, canam, & hymnum dicam Domino.

8. Audi, ô Domine, vocem meam qua te invoco : beneficus esto mihi & exaudi me.

9. Tibi dixit cor meum,

10. O vultus mei, quærite Dominum : faciem tuam, Domine, placare conabor.

11. Ne abscondas ergo faciem tuam à me, neque averferis in ira servum tuum : tu es auxilium meum, ne derelinquas me, neque deferas me, Deus servator meus.

12. Nam ubi pater meus & mater mea destituunt me, Dominus colligit me.

13. Doce me, Domine, viam tuam, & ducito me in semita recta, propter eos qui mihi insidiantur.

14. Ne permittas me libidini eorum qui mihi infesti sunt : constiterunt enim contra me testes mendaces, & qui efflant injuriam.

15. Si non credidissem me visurum cum voluptate bonum Domini in terra viventium.

16. Ex-

16.
robore
minun

A
tescas
am de

2.
mear
tollo
rii tu

3.
inter
cum
quu
dibu

4.
dum
cun
illis

5.
mu
ad f
& r

16. Expecta Dominum, forte sit & roboretur cor tuum, & expecta Dominum.

28. *Davidis.*

AD te, Domine, o petra mea clamo, ne obsurdescas: ne si fortè obmutescas, similis reddar his qui in foveam descendunt.

2. Exaudi vocem deprecationum mearum dum clamo ad te, dum attollo manus meas ad adytum sanctuarii tui.

3. Ne me reputes inter impios, & inter eos qui patrant iniquitatem: qui cum proximis suis pacificè quidem loquuntur, sed malum meditantur cordibus suis.

4. Da illis juxta opus suum, & secundum malitiam studiorum suorum, secundum opus manuum eorum redde illis talionem dignam illis.

5. Quoniam non adverterunt animum operationibus Domini, neque ad facturam manuum ejus, diruet eos, & non extruet eos.

6. Lau-

6. Laudandus Dominus, quoniam exaudivit deprecationem meam.

7. Dominus robur meum, & clypeus meus, in ipso speravit cor meum, & adjutus sum: hinc gestit cor meum, & cantico meo eum celebroy.

8. Dominus robur est illorum, & robur salutum uncti sui ipse est.

9. Serva populum tuum, & benedic hereditati tuæ: pasce eos & evehe illos in sempiternum.

29. *Carmen Davidic.*

TRibuite Domino qui virtute præstatis, tribuite Domino gloriam & robur.

2. Tribuite nomini Domini gloriam, adore Dominum in decore sancto.

3. Vox Domini super aquas, Deus gloriosus tonat, Dominus super aquas multas.

4. Vox Domini in virtute, vox Domini in magnificentia.

5. Vox Domini confringit cedros, confringit inquam Dominus cedros Libani.

6. Et

6. Et subsilire facit eas sicut vitulum, Libanum quoque & Sirion sicut filium unicornium.

7. Vox Domini dissectas flammās ignis ejaculatur.

6. Vox Domini parturire facit desertum, parturire facit Dominus desertum Cades.

9. Vox Domini parturire facit cervas, renúdat filvas: at in templo ejus cuncti gloriā dicunt.

10. Dominus sedet in diluvio, sedetque Dominus rex in æternum.

11. Dominus dat fortitudinem populo suo, Dominus populum suum bonitate & pace prosequitur.

30. *Carmen dedicationis adis oda*

Davidis.

Exaltabo te, ô Domine, quòd me attrivisti, at non passus es ut de me hostes mei gauderent.

2. Domine Deus meus, clamavi ad te, & sanasti me.

3. O Domine, revocasti ab inferis

D

animam

animam meam, restituiſti me quò minus in foveam descenderem.

4. Canite Domino hymnum, qui experti estis bonitatem ejus: celebrem reddite memoriam sanctitatis ejus.

5. Nam momentanea est ira ejus, vita vero in beneplacito ejus, ad vesperam accedat fletus licet, sub auroram tamen redit lætitia.

6. Equidem ego dicebam quum essem in felicitate mea, in sempiternum numquam nutabo.

7. Tu enim, Domine, in benevolentia tua collocaveras robur monti meo: protinus ut abscondisti faciem tuam, conturbabar.

8. Hic ad te Dominum clamabam, & ad Dominum meum deprecabar.

9. Quis usus est sanguinis mei si in foveam descenderim? num celebrabit te, aut veritatem tuam annuntiabit pulvis?

10. Exaudi me, Domine, & beneficus esto mihi; ô Domine, sis mihi auxilio.

11. Convertisti mihi planctum meum in chorum, solvisti mihi faccum, & amicivisti me gaudio.

12. Propterea canet tibi quisque gloriam, & non filebit: Dominus Deus meus, in æternum celebrabo te.

31. *Præfecto cantorum carmen Davidis.*

In te, ô Domine, spero, ne unquam finas me pudefieri, eripe me in tua iustitia.

2. Inclina ad me aurem tuam, ilicò libera me: sis mihi rupes firma, domus munita, ut me serves.

3. Nam petra mea & arx mea tu es: ideò propter nomen tuum ducito, & minato me.

4. Educ me è reti quod absconderunt mihi: quoniam tu es robur meum.

5. In manum tuam committo spiritum meum, redemisti enim me, ô Domine Deus verax.

6. Odio habui observantes funes

vanitatis : ego autem in Domino speravi.

7. Exultabo & gaudebo de bonitate tua, qui respexisti afflictionem meam, & in angustiis animam meam agnovisti.

8. Nec in manu hostis me inclusisti, sed statuisti pedem meum in loco spatiofo.

9. Beneficus esto mihi, Domine, nam angustia mihi est : corrosus est præ indignatione oculus meus, anima, atque venter meus.

10. Detrita est præ dolore vita mea, & anni mei præ gemitibus : corruit præ iniquitate robur meum, & ossa mea contabuerunt.

11. A cunctis hostibus meis probrum factus sum, maximè etiam vicinis meis, familiaribus meis fui horro-ri, & qui me viderunt foris, à me fugerunt.

12. Oblivioni datus sum ex corde sicut mortuus : factus sum veluti vas quod perit.

13. Audivi enim crimina mihi à mul-

multis intendi: formido undique me circumstetit, dum illi unà contra me consultarent, & ut caperent animam meam callidè cogitarent.

14. Ego verò in te speravi, ô Domine, dixi, Deus meus es tu.

15. In manu tua sunt tempora mea, libera me de manu inimicorum meorum, & à persecutoribus meis.

16. Illumina vultum tuum super servum tuum, salvum me fac per bonitatem tuam.

17. Domine, ne patiaris me pude- fieri, quoniam te invoco: pudefiant potius impii, & compescantur apud inferos.

18. Obmutescant labia mendacia, quæ loquuntur veteratoriè, superbè, & contemptim adversus justum.

19. Quam ampla sunt, quæ me- tuentibus te, bona posuisti, & quæ jam effecisti coram filiis hominum qui in te sperant.

20. Abscondes illos in latibulo fa- ciei tuæ à conspirationibus cujuscun- que, abscondes eos in tabernaculo à

contentione linguarum.

21. Laudandus Dominus : nam insigniter bonitatem suam mihi in urbe munita ostendit.

22. Ego cùm præceps fugerem, cogitabam, projectus sub abs te : at tu exaudisti vocem deprecationis meæ, quum ad te clamarem.

23. Diligite Dominum omnes boni ejus : fideles tuetur Dominus , & rependit cumulatè superbe agenti.

24. Estote fortes, roborabit ille cor vestrum , quicunque speratis in Domino.

32. *Erudiens carmen Davidis.*

BEatus is est qui exoneratus est transgressione, & cujus peccatum tectum est.

2. Beatus homo cui Dominus iniquitatem non imputat, nec est in spiritu ejus dolus.

3. Dum quotidie nunc tacitus mecum cogito, nunc voce infremo, contabuerunt ossa mea.

4. Nam

4. Nam dies noctesque ingravescebat super me manus tua, versus est succus meus in siccitates æstivas. Sela.

5. At postquam peccatum meum tibi notum feci, & iniquitatem meam non celavi, posteaquam cogitâram, Fatebor contra me transgressionem meam Domino: tu protinus remisisti iniquitatem peccati mei. Sela.

6. Idcirco orabit ad te quisquis est bonus, in tempore dum invenire licet: equidem inundatio aquarum immanium ad eum non pertinet.

7. Tu latibulum es mihi, idcirco ab afflictione custodies me: jubilis quibus ovare solent elapsi, circumcinges me. Sela.

8. Erudiam te & docebo te viam qua gradiaris, oculo meo tibi consulam.

9. Ne sitis velut equus & mulus, quibus non est intellectus, quorum maxillas lupato ac freno nisi confringas, tibi non appropinquant.

10. Multi dolores impium, nitentem

tem autem Domino beneficentia circumdabit.

11. Gaudete in Domino, & exultate iusti: jubilate quotquot estis recto corde.

Psal. 33.

OVate iusti in Domino, laus decet rectos.

2. Celebrate Dominum cithara, nabo, decachor do psallite ei.

3. Canite ei carmen novum, suaviter ludite instrumentis musicis, cum clangore tubæ.

4. Quoniam rectum est verbum Domini, & omne opus ejus firmum.

5. Amat iustitiam & iudicium, terra bonitate ejus repleta est.

6. Nam verbo Domini cœli facti sunt, & spiritu oris ejus omnis exercitus eorum.

7. Congregat aquas maris ut cumulum, reponit in penetralia abyssos.

8. Timeat igitur Dominum omnis terra, metuant inquam ab eo universi qui habitant orbem.

9. Quia

9. Quia quum ipse dicit, fit: & quum præcipit, extat.

10. Dominus irritum facit consilium Gentium, & cogitationes Populorum dissipat.

11. Consilium autem Domini in sempiternum perstat, cogitata cordis ejus per omnia secula.

12. Felix ea gens quæ Dominum pro Deo habet, & populus quem ille sibi loco possessionis hæreditariæ elegerit.

13. E cœlis despicit Dominus, intuetur omnes filios hominum.

14. De firmo domicilio habitationis suæ cunctos habitatores terræ specularur.

15. Ipse omnium corda pariter finxit; propterea intelligit omnia opera eorum.

16. Haud servatur rex, eo quod multum habeat exercitum: heros nequaquam per multam virtutem suam pericula evadit.

17. Res fallax est equus ad præstandam salutem: quamlibet multo.

præditus robore, neutiquam eripiet.

18. Ecce oculus Domini intendit in eos qui se reverentur, & ad eos qui bonitatem ejus expectant;

19. Ut liberet à morte animas eorum, & alat eos in fame.

20. Animæ igitur nostræ expectent Dominum : ipse enim est auxilium nostrum, & clypeus noster.

21. Nam in ipso gaudebit cor nostrum, eò quod sancto ipsius nomine nitimur.

22. Sit bonitas tua, ô Domine, super nos, quemadmodum abs te pendemus.

34. *Davidis, cum mutaret habitum suum ante Abimelech, quumque cum expelleret, atque is abiret.*

Laudabo Dominum omni tempore, semper laus ejus in ore meo.

2. In Domino gloriabitur anima mea, audient afflicti, & lætabuntur.

Magnificate Dominum mecum, & extollamus unà nomen ejus.

4. Anxiè

4. Anxiè quærebam Dominum, & exaudivit me: ex omnibus pavoribus meis eripuit me.

5. Respicient ad illum, & confluent: nec suffundentur pudore facies eorum.

6. Afflictus iste invocavit, & Dominus exaudivit eum, & ex omnibus angustiis ejus servavit eum.

7. Castra figit angelus Domini circum eos qui ipsum timent, & eripit eos.

8. Gustate, videte quod bonus sit Dominus: felix ille vir qui sperat in eum.

9. Reveremini Dominum sancti ejus, quoniam nihil deest his qui eum timent.

10. Leunculi penuriâ & fame laborant: qui autem Dominum inquirunt nullo bono destituuntur.

11. Adeste filii, me audite, timorem Domini docebo vos.

12. Quicumque vitæ cupidus es, & videre dies bonos optas,

13. Observa linguam tuam à malo,

&

& labia tua ne dolum loquantur.

14. Recede à malo, & fac bonum : inquire pacem, & eam confectare.

15. Oculi Domini intenti sunt ad justos, & aures ejus ad eorum preces.

16. Vultus Domini contra eos qui malum faciunt, ut de terra memoriam eorum excindat.

17. Clamant justi, & Dominus exaudit, & ex omnibus angustiis eorum liberat eos.

18. Propè adest Dominus his qui sunt confrecto corde, & servat spiritu contritos.

19. Multa mala accidunt justo, ex omnibus tamen liberat illum Dominus.

20. Custodit omnia ossa ejus, ut ne unum ex eis confringatur.

21. At impium perdet malum : & qui justos odio habent, devastabuntur.

22. Redimet Dominus animam fervorum suorum, nec devastabuntur omnes qui in eo sperant.

35. Da-

35. *Davidis.*

Sulcipe, Domine, litem meam, oppugna oppugnantes me.

2. Arripe scutum & lanceam, & confurge ad auxilium meum.

3. Expedi hastam, & prodi obviam persecutoribus meis: dic animæ meæ, Salus tua ego sum.

4. Pudore afficiantur & ignominia qui quærent animam meam: agantur retrorsum & pudefiant qui mihi malum cogitant.

5. Fiant sicut pulvis ante ventum, & angelus Domini impellat eos.

6. Sit via illorum tenebris & lubricitate obsita, & angelus Domini persequatur eos.

7. Nam immeritò mihi absconderunt foveam retis sui, præter causam foderunt animæ meæ.

8. Eveniat ei calamitas quam non prævidit; & rete ei quod abscondit, capiat eum, cadat in calamitatem.

9. Anima autem mea exultabit in

Do-

Domino, in salute ejus lætabitur.

10. Omnia ossa mea dicent, Domine, quis est similis tibi, qui eripis afflictum ab eo qui prævalet ei, afflictum & inopem ab eo qui eum diripit?

11. Surgebant testes violenti, quæ nunquam cogitâram rogabant me.

12. Malum pro bono mihi rependebant, orbitatem animæ meæ.

13. At ego quum ipsi ægrotarent, sacro vestiebar jejunióque affligebam animam meam, & oratio mea in sinum meum vertebatur.

14. Perinde ac si amicus atque frater meus fuisset, sic incessi; uti qui lugebat matrem pullatus incurvabar.

15. At in claudicatione mea gaudebant & congregabantur, congregabantur inquam contra me claudi, quod minimè putâram: proscindebant me, nec filebant.

16. Cum hypocritis illusionum placentæ, qui frendebant contra me dentibus suis.

17. Domine, quousque aspicies?
re.

reduc animam meam à calamitatibus
eorum, à leunculis unicam meam.

18. Celebrabo te in cœtu magno,
in populo valido laudabo te.

19. Ne gaudeant de me qui immeri-
tò mihi hostes sunt : ne annuant ocu-
lis qui me absque causa odiunt.

20. Nam nihil pacificum loquun-
tur; quin contra eos qui quieti sunt in
terra, verba dolosa excogitant.

21. Distendunt contra me os suum,
dicunt, Hæ hæ, vidit oculus noster.

22. Vidisti & tu, Domine, ne dissi-
mules, ne velis abesse procul.

23. Exurge, evigila, ut jus mihi
dicas, Deus meus & Dominus meus,
ut causam meam asseras.

24. Jus mihi redde pro justitia, ô
Domine Deus, & ne patiaris ut de
me gaudeant.

25. Ne dicant in corde suo, Hæ
hæ, pro animi nostri sententia nobis
successit, ne dicant, voravimus eum.

26. Erubescant, & simul probro
afficiantur, qui de malo meo gaudent :
pudore & ignominiâ amiciantur, qui
magni-

magnifica contra me jactitant.

27. Ovent & gaudeant qui volunt
justitiam meam, & dicant, semper
magnificetur Dominus, qui vult pa-
cem servi sui.

28. Et lingua mea sedulo resona-
bit justitiam tuam, quotidie laudem
tuam.

36. *Præfesto Cantorum Davidis servi
Dei carmen.*

TEstatur in corde meo scelus im-
pii, nullum esse illi timorem Dei.

2. Nam sibi ipsi blanditur, donec
fummo odio digna iniquitas ejus eva-
dat.

3. Verba oris sui iniqua sunt &
dolosa: doceri renuit ut bene agat.

4. In lecto suo pravitatem excogi-
tat, statuit inde se in viam non bonam,
malum non averfatur.

5. Domine in cœlis bonitas tua,
& veritas tua ad æthera usque.

6. Justitia tua sicut montes Dei:
judicia tua abyffus magna quod homi-
nem

nem & jumentum serves, Domine.

7. Quam præclara est, ô Deus, bonitas tua: & filii hominum qui tuæ se fidei, velut umbræ alarum committunt,

8. Inebriabuntur ab ubertate Domus tuæ, & de torrente deliciarum tuarum potum dabis eis.

9. Penes te enim vitæ vena est, in luce tua videbimus lucem.

10. Obtende bonitatem tuam his qui te cognoscunt, & justitiam tuam his qui recto sunt corde.

11. Ne veniat mihi pes superbiæ, & manus impiorum ne commoveat me.

12. Ibi ceciderunt qui operantur iniquitatem, impulsæ sunt nec potuerunt stare.

37. *Davidis.*

NE succenseas ob malos, neque urat te æmulatio ob facientes iniquitatem.

2. Nam veluti fenum subito deciduntur, ac veluti virens herba marcescent.

3. Tu

3. Tu spera in Dominum, & quod bonum est facito: inhabita terram, & pascere fidem.

4. Tunc oblectaberis te in Domino, & is dabit tibi petitiones cordis tui.

5. Devolve super Dominum viam tuam, & eo nitere ut ipse faciat.

6. Et justitiam tuam seu lumen in apertum producet, & judicia tua ceu meridiem.

7. Sile Domino, & præstolare eum, ne succenseas ei viro cui institutum suum feliciter succedit dum scelus designat.

8. Remitte iram, missum fac furorem: ne succenseas ut malefacias.

9. Quoniam malefacientes excidentur: qui verò Dominum præstolati fuerint, illi terram hæreditario possidebunt.

10. Paululum adhuc, & nusquam erit impius, quumque adverteris locum ejus, nullus supererit.

11. Mansueti interim hæreditario terram possidebunt, & oblectabuntur

tur plurimo rerum successu.

12. Molitur impius contra justum, frendet contra eum dentibus suis.

13. At Dominus ridet illum, quoniam prospicit advenire diem ejus.

14. Gladium stringunt impii, intendunt arcum suum, ut afflictum & inopem dejiciant, ut rectè gradientes jugulent.

15. At gladius eorum cor ipsorum transverberabit, & arcus eorum confringentur.

16. Præstat pauxillum quod justus habet opibus multis impiorum insignium.

17. Nam brachia impiorum confringentur: justos autem fulcit Dominus.

18. Novit Dominus innocentium quoque tempus, & hæreditas eorum perpetua erit.

19. In adverso tempore haudquam pudefient, & fame invalescente satiabuntur.

20. Quum impii peribunt, & hostes Domini, ut pretiosi agni absumentur, in fumo absumentur.

21. Im-

21. Impius æs alienum conflat, nec dissolvit : justus verò beneficus est & dat.

22. Nam benedicti ipsius hæreditario possidebunt terram, & execrati ejus excidentur.

23. A Domino diriguntur gressus viri, & via ejus grata est ei.

24. Cum ruit, non corrui : Dominus enim suffulcit manum ejus.

25. Juvenis fui, & nunc senui, nec tamen vidi justum desertum, aut posteros ejus mendicantes panem.

26. Quotidiè beneficus est, & mutuum dat, & posteri ejus optimè habent.

27. Recede à malo, & facito quod bonum est, & habita perpetuò.

28. Quia Dominus amat judicium, nec deseret beneficos suos, in sempiternum custodientur, posteri autem impiorum excidentur.

29. Justi hæreditario possidebunt terram, & habitabunt super eam in seculum.

30. Os justi de sapientia differit, & lingua

lingua ejus judicium loquitur.

31. Lex Dei ejus in corde ipsius, idcirco non nutabunt gressus ejus.

32. Impius justum observat, & quærit ut eum occidat.

33. At Dominus non permittet eum manui illius, nec permittet eum impietatis convinci quum judicabitur.

34. Expecta Dominum, & viam ejus observa, & exaltabit te, ut hæreditariò terram possideas: quum impii excidentur, tu videbis cum gaudio.

35. Vidi impium violentum, & sese diffundentem instar lauri frondosæ.

36. Et transivi, & ecce non erat: quæsi eum, & non est inventus.

37. Observa integritatem, & specta id quod rectum est: nam ei viro tandem pax erit.

38. Scelerati autem pariter vastabuntur: & impii tandem excidentur.

39. Salus justorum à Domino, qui & fortitudo eorum est in tempore afflictionis.

40. Adjuvabit illos Dominus, & liberabit

berabit eos, liberabit eos ab impiis, & servabit eos, nam speraverunt in eum.

38. *Carmen Davidis ad commemorandum.*

Domine, ne in ira tua me arguas, neve castiges me in fervore tuo.

2. Quoniam sagittæ tuæ in me fixæ sunt, & depressa est super me manus tua.

3. Nihil integrum est in carne mea propter indignationem tuam, non est pax ossibus meis propter peccatum meum.

4. Nam iniquitates meæ transcendunt caput meum, ceu grave onus graviores sunt quam sim ferendo.

5. Computruerunt & sanie diffluunt ulcera mea, propter stultitiam meam.

6. Incurvus incedo & depressus admodum, quotidie atratus obambulo.

7. Quoniam coxendicem meum penitus occupavit fœdum ulcus, nec
in-

integ

8.

tus, p

9.

deriu

nimè

10

me r

meo

11

è reg

mei

12

quæ

lum

tates

13

ac co

14

aud

quo

15

resp

16

ten

me

integri quidquam in carne mea.

8. Jactatus sum, & nimium attritus, præ fremitu cordis mei rugio.

9. Domine coram te est omne desiderium meum, & suspiria mea te minime latent.

10. Cor meum palpitat, destituit me robur meum, & ipsum oculorum meorum lumen non est mecum.

11. Amici mei & sodales mei stant è regione plagæ meæ, & propinqui mei procul consistunt.

12. Laqueos interim tendunt, qui quærunt animam meam, & qui malum mihi inquirunt, loquuntur pravitates, & assidue dolos meditantur.

13. Et ego velut surdus nihil audio, ac ceu mutus qui os suum non aperit.

14. Similis sum inquam viro nihil audienti, & non habenti in ore suo quod pro se respondeat.

15. Teenim expecto, Domine, tu respondebis, Domine Deus meus.

16. Nam cogitabam, ne de me lætentur, qui simul atque nutat pes meus, magnifica jactitant contra me.

17. Quia

17. Quia jam ita comparatus sum, ut claudus vivam, & dolor meus à me nunquam recedat.

18. Quia iniquitatem meam fateor, & ob peccatum meum solitor.

19. At interim hostes mei vivunt, & robusti sunt, & crescunt qui me injuria odio habent.

20. Et qui maleficium rependunt pro beneficio, adversantur mihi, propterea quod bonum sector.

21. Ne deferas me, Domine, Deus meus ne procul à me absistas.

22. Propera ut me adjuves, ô Domine, salus mea.

39. *Præfæcto cantorum ipsi Jeduthun
carmen Davidis.*

DIcebam, observabo vias meas ne peccem lingua mea: cohibebo os meum capistro, dum coràm fuerit impius.

2. Factus sum diutino silentio mutus, ut ne de bonis quidem rebus loquerer: at interim dolor meus incrudescbat.

3. In-

3. Incalescebat cor meum intra me,
ignis quidam, dum mecum immur-
murarem, exardescibat, tandem lin-
gua mea loquutus sum.

4. Indica mihi, Domine, finem me-
um, & quisnam sit modus dierum
meorum, ut sciam quanto tempore
mihi in miseris vivendum sit.

5. Ecce tu constituisti dies meos
palmi minoris longitudine: quin æ-
vum meum sic est quasi non sit, præ-
fertim tibi collatum: revera prorsus
nihil est homo quivis, quamlibet fir-
mus consistere videatur. Sela.

6 Quin in imagine vadit homo, te-
merè tumultuatur, congerit, & nescit
cui ea congreget.

7. Et nunc quid expecto, Domine?
In te certè spes mea recumbit.

8. Ab omnibus sceleribus meis li-
bera me: ne exponas me ludibrio sto-
lidis hominibus.

9. Obmutui, nec aperui os meum:
tu enim istud fecisti.

10. Aufer ergo à me flagellum tu-
um: ab exagitatione manus tuæ

E

ego

ego exanimatus sum.

11. Etenim dum tu hominem ob iniquitatem objurgans castigas, illico tabescere facis, velut tineam, quidquid est in eo desiderabile: quin vanitas est omnis homo. Sela.

12. Audi precationem meam, o Domine, auribus accipe clamorem meum, ad lachrymam meam ne obsurdescas: peregrinus enim sum apud te, inquilinus, quales fuerunt omnes progenitores mei.

13. Deflece à me, ut me recipiam, priusquam obeam, & nusquam sim.

40. *Præfæcto cantorum carmen
Davidis.*

QUum diu sollicitè expectassem Dominum, tandem attendit me, exaudivitque clamorem meum.

2. Subduxit me è puteo illo calamitoso, & denso luto, in petra erectum me in pedes meos collocavit, gressus meos corroboravit.

3. Et inseruit ori meo carmen novum.

vum, laudem Deo nostro.

4. Videbunt id multi, & timebunt, atque sperabunt in Dominum.

5. Felix ille vir, qui Dominum tutelam suam posuerit, nec respexit ad fastuosos, & ad eos qui ad mendacium defleunt.

6. Plurima patraſti tu, Domine Deus meus: admirandorum facinorum, & consiliorum tuorum erga nos non potest iniri ratio: quæ si enarrare & eloqui coner, plura sunt quàm numerari queant.

7. Victimam & sacrificium cibarium non amas, aures autem perfodisti mihi, holocaustum & hostiam pro peccato non postulasti.

8. Tum dixi, en ipse adsum: in pagina libri scriptum est de me.

9. Ut faciam quæ tu probas, ô Deus meus: collibuit, & lex tua in medio viscerum meorum.

10. Deprædicavi iustitiam tuam in cœtu magno, en labia mea haudquaquam cohibui, nosti tu ipse, ô Domine.

11. Iustitiam tuam non ocului in medio cordis mei, sed constantiam tuam in promissis & salutem tuam annuntiavi: bonitatem tuam & veritatem tuam ebuccinare concioni frequenti minimè cessavi.

12. Neque tu, ô Domine, contuisti à me miserationes tuas: benignitas tua & veritas tua perpetuò me custodiunt.

13. Quoniam adobruerant me tot mala, ut ea nequirent numerari: occupaverant me iniquitates meæ, ut non potuerim ea videre: plura fuerunt quàm pili capitis mei: inde destituit me cor meum.

14. Libeat tibi, ô Domine, ut liberes me: ô Domine, prospera ut me adjuves.

15. Pudefiant & afficiantur opprobrio pariter qui quærunt animam meam ut extinguant eam: retrò agantur & pateant ignominiaë, quicunque malo meo delectantur.

16. Vastentur pro eo quòd me pudefacere conabantur, qui dicunt mihi Hehæ, hehæ.

17. Læ.

17. Lætentur & gaudeant in te quicunque te quærunt, & dicant perpetuo, magnificetur Dominus, qui amant salutem tuam.

18. Ego autem afflictus sum & inops, Dominus cogitat pro me, auxilium meum & liberator meus tu es, Deus meus ne moram feceris.

41. *Præfesto cantorum oda Davidis.*

BEatus est qui prudenter agit cum ægro: dum tempus fuerit adversum, eripiat eum Dominus.

2. Dominus custodiat eum, valetudinem restituat ei, ut secundis adhuc rebus fruatur in terra: nec enim permittes eum libidini inimicorum ejus.

3. Dominus fulciat eum in lecto ægritudinis decumbentem, totum stratum ejus commutabis in infirmitate ejus.

4. Hinc ego quoque dico, beneficus esto mihi, ô Domine, sana animam meam: nam adversum te peccavi.

E. 3.

5. Ini-

5. Inimici mei male precabantur mihi dicentes, quando tandem morietur, & interibit nomen ejus?

6. Cumque quispiam ex eis veniret me invisurus, vanum loquebatur, corde sibi prava colligebat, egressus foras ea eloquebatur.

7. Inter se osores mei contra me pariter mussabant, adversum me malum cogitabant, nempe,

8. Perfudit istum grave aliquod scelus: & iste decumbens haudquam posthac surget.

9. Quin & is quocum mihi artificissima fuit familiaritas, cui fidebam, quique cibo meo victitabat, sublato pede, velut calce, me petebat.

10. Tu ergo, Domine, beneficus sis mihi, & erige me, ut illis rependam.

11. In hoc cognovi favere te mihi, quod hostis meus de me non jubilat.

12. Quodque sum incolumis: suffulcies porro me, atque statues coram te in sempiternum.

13. Collaudetur Dominus Deus Israelis, à seculo usque in seculum. Amen, & Amen.

42. Pra-

42. *Præfeto cantorum, erudiens carmen filiorum Corah.*

UT cerva mugit ad torrentes aquarum, sic anima mea mugit ad te, ô Deus.

2. Sitit anima mea Deum, Deum vivum: quando demùm veniam, ut appaream in conspectu Dei?

3. Fuit mihi lachryma mea pro cibo dies noctesque, dum mihi dicerent quotidie, ubinam est Deus tuus?

4. Animam meam effundo, simul atque recordor qualiter in summa illos ovantes & collaudantes, festivantem scilicet ac celebrem cœtum, ad domum Dei deducebam.

5. Quid dejecta es, ô anima mea, & intra me tumultuaris? spera tantum in Deum, quia adhuc pro salute redditâ, coram conspectu ejus gratias agam.

6. Deus meus, dejicit se anima mea intra me, propterea quod tui recordor in terra trans Jordanem, atque

ab Hermonim monte pusillo.

7. Abyffus abyffum advocat, ad vocem cataractarum tuarum, cuncti fluctus tui, & procellæ tuæ super me tranfierunt.

8. Interdiu præcepit Dominus benignitati fuæ, & nocte canticum ejus mecum, oratio ad Deum vivum.

9. Dicam Deo petrae meæ, quare oblivifceris mei? cur hoſte opprimente atratus ingredior?

10. Perinde eſt ac ſi adigerent gladium in oſſa mea, dùm hoſtes mei contumeliis me afficiunt, dicuntque ad me quotidie, ubi eſt Deus tuus?

11. Quid dejecta es, ô anima mea, & cur ſic intra me tumultuaris? ſpera tantum in Deum: quia adhuc celebrabo eum pro ſalute ante conſpectum meum reddita, & quod Deum meum ſe eſſe oſtendit.

Pſal. 43.

Judica me, Deus, & ſuſcipe cauſam meam à gente parum pia, à viro doloso & pravo eripe me.

2. Nam

2. Nam tu, Deus meus, es robur meum, quare depulisti me? quare pullatus ingredior, inimico obterente?

3. Mitte lucem tuam, & veritatem tuam, hæc deducant me, ad montem sanctum tuum me introducant, atque ad habitacula tua.

4. Ut ingrediar ad aram Dei, ad Deum, qui est gaudium, & exultatio mea, & celebrem te cithara, Deus, Deus meus.

5. Quid dejecta es, ô anima mea, & cur tumultuaris intra me? spera in Deum, quoniam adhuc celebrabo eum de salute qua faciem meam exhilarabit, Deumque se meum declarabit.

44. *Carmen erudiens filiorum Corab præfecto Cantorum.*

Auribus nostris audivimus, ô Deus, patres nostri commemoraverunt nobis, opera illa quæ temporibus illorum operatus es, retróque temporibus.

2. Tu manu tua Gentes expulisti, & eos p'antasti : afflixisti populos, nos autem germinare fecisti.

3. Nec enim gladio suo terram occupârunt, nec ipsorum brachio salus eorum parta est : sed dextera tua, & brachio tuo, & luce vultus tui, quia illos amabas.

4. Tu ipse Rex meus es, ô Deus, tu dispone salutes ipsi Jacob.

5. Per te infestos nobis excutiemus, per nomen tuum conculcabimus eos qui in nos insurgunt.

6. Non enim sperabo in arcu meo, & gladius meus minimè me servabit.

7. Sed tu servas nos ab adversariis nostris, & pudefacis eos qui nos odio prosequuntur.

8. In Deo gloriamur quotidie, & nomen tuum in sempiternum celebramus. Sela.

9. At tu depulisti nos, & ignominia affecisti, nec inter copias nostras unà e rederis.

10. Vertis nos in fugam coram hoste : & qui odio nos prosequuntur,

tur, auferunt sibi prædam.

11. Posuisti nos velut oves cibo selectos, & inter Gentes illas nos dispersisti.

12. Vendidisti populum tuum nullis opibus, nec auxisti pretia eorum inlicitando.

13. Exponis nos probro vicinis nostris, illusioni & ludibrio his qui circum nos habitant.

14. Facis ut fabula simus Gentibus, & fanna populis.

15. Quotidiè ignominia mea coram me est, & pudor obtegit faciem meam.

16. Propter vocem exprobrantis, & convitiantis, & propter inimicum, & ulciscendi avidum.

17. Hæc omnia eveniunt nobis, at tamen nequaquam tui obliviscimur, nec perfidi sumus in foedere tuo.

18. Non deflexit retro cor nostrum, nec declinaverunt à semitis tuis gressus nostri;

19. Quum attereres nos in loco draconum, atque umbrâ mortali nos obtegeres.

20. Si

20. Si oblivisceremur nominis Dei nostri, & expanderemus animas nostras ad Deum alienum:

21. Annon Deus hoc inquireret? ipse enim novit abscondita cordis.

22. Sed propterte occidimur quotidie, æstimamur ceu grex mactationi destinatus.

23. Evigila, quare obdormis, Domine? evigila inquam, ne depellas perpetuò.

24. Quare abscondis faciem tuam? cur afflictionis nostræ, & oppressio- nis nostræ oblivisceris?

25. Quoniam dejecta est ad pul- verem anima nostra, terræ adhæret venter noster.

6. Confurge, adjuva nos, & redime nos propter bonitatem tuam.

45. *Carmen amatorium erudiens, filio- rum Corah, præfælo cantorum, de liliis.*

ERuſtat cor meum boni quippiam, dedico ego opera mea regi: lingua mea ceu ſtylus eſt ſcribæ expediti.

2. Pe-

2. Perelegans es præ cunctis mortalibus, effusa est gratia in labia tua, eò quod Deus te sempiternis ornavit beneficiis.

3. Cinge, ô heros, gladio tuo femur tuum, decore tuo & magnificentia tua.

4. Et in magnificentia tua prosperè inequitas super verbum veritatis, mansuetudinis & justitiæ, docebitque te tunc dextera tua admiranda.

5. Sagittæ tuæ præcutæ; cor hostium regis penetrabunt, populi sub te cadent.

6. Solium tuum in sempiternum & perpetuo stabit, ô Deus: sceptrum regni tui est sceptrum æquitatis.

7. Amas justitiam, impietatem odis, propterea quod te Deus, Deus tuus unxit oleo lætitiæ præ consortibus tuis.

8. Myrrham, aloën, & cassiam redolent omnia vestimenta tua, è palatiis eburneis deprompta, ut te exhilarant.

9. Fe-

9. Filiæ regum inter nobiles tuas:
astat conjux ad dexteram tuam orna-
ta auro ex Ophir optimo.

10. Audi filia, & vide, inclina
aurem tuam, obliviscere populi tui,
& domus patris tui.

11. Et concupiscet rex formam tu-
am: quia ipse est Dominus tuus,
ipsum adorabis.

12. Filia quoque Tyri cum munere,
& quique opulentiores populi faciem
tuam precabuntur.

13. Omnis gloria filiæ regis intus
est, indumentum ejus ex auro intexto.

14. In vestibus acu pictis adduce-
tur regi, virgines pedisequæ ejus,
fodales ejus unâ tibi adducentur.

15. Adducentur inquam cum gau-
dio & lætitia, & venient in palatium
regis.

16. In locum patrum tuorum suc-
cedent tibi filii, quos principes in
omni terrâ constitues.

17. Memorabo nomen tuum per
omnia secula, propterea celebrabunt
te populi in sempiternum & perpe-
tuo.

46. Pra-

46. *Præfeto canturum, carmen filiorum
Corah ad Almoth.*

DEUS nobis suffugium & robur est,
premente adverſitate auxilium
præſentiſſimum.

2. Propterea nihil timebimus, eti-
amſi loco moveatur terra, & nutent
montes ſiti in medio mari.

3. Infremant & limum egerant un-
dæ ejus, contremiſcant montes in ele-
vatione ejus. Sela.

4. Rivi tamen fluminis exhilara-
bunt civitatem Dei, ſacrarium taber-
naculorum Altiffimi.

5. Deus eſt in medio ejus, ideo
minimè nutabit, opem illi feret Deus
ante auroram.

6. Tumultuentur Gentes, motus
concitent regna, & tellus dato fra-
gore defluat.

7. Dominus tamen exercituum à
nobis ſtat, arx ſublimis eſt nobis De-
us Jacob. Sela.

8. Huc agite, & contemplamini
opera

opera Domini, quasnam solitudines fecerit in terra.

9. Facit cessare bella ad fines usque terræ, confringit arcus, detruncat hastas, igni currus exurit.

10. Remittite, & agnoscite quod ego sum Deus excelsus in Gentibus, excelsus in terra.

11. Dominus exercituum nobiscum, arx sublimis nobis Deus Jacob. Sela.

47. *Carmen filiorum Corah, præfecto cantorum.*

OMnes populi plaudite manibus, jubilate Deo voce ovante.

2. Excelsus enim est Dominus, tremendus, rex magnus super omnem terram.

3. Subjicit populos nobis, & nationes sub pedes nostros.

4. Selegit nobis hæreditatem nostram, præstantiam Jacob quam diligit. Sela.

5. Ascendit Deus cum júbilo, Dominus.

minus cum sonitu buccinarum;

6. Psallite Deo, psallite: psallite Regi nostro, psallite.

7. Quoniam rex universæ terræ Deus, psallite eruditè.

8. Regnat Deus super Gentes, Deus sedet in solio suo sancto.

9. Munifici populorum adjunguntur populo Dei Abrahæ: quoniam diis protectoribus terræ longè superior est.

48. *Canticum, Psalmus filiorum*

Corah.

Magnus Dominus & laudatus plurimum, in civitate Dei nostri, in monte sancto ejus.

2. Mons Sion, in cujus Aquilonari latere urbs magni Regis est, elegans est regio, & gaudium universæ terræ.

3. Deus in palatiis ejus agnitus est, quod sit suis arx sublimis.

4. Nam ecce reges convenerant, transierant unà.

5. Quùm vidissent, sic obstupuerunt,

runt, perterriti sunt, & in præceptis acti sunt.

6. Sic corripuit eos illic trepidatio & dolor, ut parturientem.

7. Quomodo ventus Orientalis confringere solet marinas naves.

8. Quemadmodum audivimus, ita vidimus, in civitate Domini exercituum, in civitate Dei nostri, Deus illam formavit in seculum. Sela.

9. Animo concipiebamus, ô Deus, bonitatem tuam in medio templi tui.

10. Uti nomen tuum, ô Deus, ita & laus tua pertingit usque ad fines terræ, nam iustitia dextera tua abundat.

11. Gaudet mons Sion, & exultant filiæ Juda propter iudicia tua.

12. Circumite Sion, cingite eam, numerate turres ejus.

13. Adhibete animum ad propugnaculum ejus, videte ut sint celsa palatia ejus, ut enarretis generationi posteræ.

14. Nam hic est Deus, Deus noster est in sempiternum, & perpetuo

tuo, ipse diriget nos ad mortem usque.

49. *Carmen filiorum Corah prefecto
cantorum.*

Audite hoc omnes populi, ascultate his omnes qui orbem inhabitatis.

2. Tam plebei quam dignitate aliqua pollentes, una dives cum paupere.

3. Os meum sapientiam loquetur: & meditatio cordis mei prudentiam.

4. Accommodabo ad parabolam aurem meam, exponam adhibita cithara ænigma meum.

5. Cur timeam in adverso tempore, cur iniquitas calcaneorum meorum circundaret me?

6. Ex illis qui nituntur opulentia sua, & in multitudine divitiarum suarum gloriantur,

7. Nemo fratrem suum ulla ratione redimere potest, neque Deo pretium redemptionis ejus persolvere.

8. Nimiti

8. Nimii siquidem pretii est redimi à morte animas illorum, ut ævo vivant perpetuo,

9. Et vitam in sempiternum proferant sepulchrum nunquam visuri.

10. Equidem videre est ut sapientes æquè moriantur ac stulti, & stupidi intendant, & opes suas aliis relinquunt.

11. Sepulchrum domus eorum in perpetuum, & habitacula eorum per secula, nomina sua vocârunt in terris,

12. At homo in pretio non diu permanet, similis erit pecudibus quæ prorsus intereunt.

13. Hoc illorum institutum planè stultitia illorum est: & tamen posterorum quod illi dictant approbant. Sela.

14. Ut greges apud inferos collocabuntur, mors pascet eos, manè recti in eos dominabuntur: forma eorum inveterascet, fovea est eorum domicilium.

15. At Deus animam meam de potestate inferorum liberabit: nam suscepit me. Sela.

16. Ni-

16. fuerit domus

17. cum

jus erit

18. sua b

ris erit

19. patr

frue

20. & n

erit

om

D

tu

tuo

fin

ce

m

16. Nihil metuas quum ditatus fuerit quispiam, aut quum gloriam domus suæ auxerit.

17. Haud enim sumet omnia secum quum morietur, neque gloria ejus eum comitabitur.

18. Quoniam animam suam in vita sua beatam dicet, & quum benefeceris ei celebrabunt te.

19. Concedent isti ad nationem patrum suorum, & nunquam luce fruentur.

20. At homo quum sit pretiosus & nobilis, non expendit: similis ergo erit jumentis quæ prorsus intereunt.

50. *Carmen ipsi Asaph.*

Deus judicum Dominus loquutus est, & convocavit terram ob ortu solis usque ad occasum ejus.

2. De Sion consummata pulchritudinis Deus illustris emicabit.

3. Veniet Deus noster, neque dissimulabit, ignis vorax ante ipsum præcedet, circa eum undique turbo vehemens.

4. Ad-

4. Advocabit cœlum desuper & terram, ut iudicio contendat cum populo suo.

5. Congregate mihi bonos meos, & qui mecum inierunt fœdus de sacrificandi ratione.

6. Et annuntiabunt cœli iustitiam ejus : nam Deus ipse iudex erit. Sela.

7. Audi popule mi, nam loquar ; ô Israel, nam te contestabor : ego sum Deus, Deus tuus.

8. Non reprehendam te sacrificio-
rum tuorum causa : holocausta enim tua jugiter sunt coram me.

9. Non est ut accipiam de domo tua juvenicum, nec de caulis tuis hircos.

10. Meæ siquidem sunt omnes feræ silvarum, pecudes in mille montibus.

11. Novi cunctas in montibus volucres, penes me sunt animantes agrestes.

12. Si esuriero, non est ut tibi indicem : quùm meus sit orbis, & quidquid ille continet.

13. Num

13. Num comesturus sum carnem
taurorum, & sanguinem hircorum bi-
biturus?

14. Sacrifica Deo laudem, & per-
solve Altissimo vota tua.

15. Premente adversitate, invoca
me: & quum te eripio, gloriam me-
am celebra.

16. Impio autem dicit Deus, quid
tibi vis quòd commemoras ceremo-
nias meas? cur ore tuo fœdus meum
jactas?

17. Quum odio habeas discipli-
nam, & verba mea post te abjicias?

18. Si furem usquam videris, eo
oblectaris, & cum adulteris est pars
tua.

19. Os tuum addixisti malo, &
lingua tua dolum concinnat.

20. Sedes, & contra fratrem tu-
um loqueris, filium matris tuo pro-
bro afficis.

21. Hæc fecisti, quumque ego dissi-
mulo, fingis me p' anè tui similem esse:
disceptabo itaque tecum, & ordine
proponam ante oculos tuos.

22. Istuc

22. Istuc quæso intelligite, qui ob-
liti estis Dei: ne quum rapiam, non
sit qui eripiat.

23. Qui laudem sacrificat, is me
glorificat: & hæc est via per quam
ostendam ei salutem Dei.

51. *Carmen Davidis præfecto cantorum
quum ad eum venisset Nathan prophe-
ta, posteaquam ingressus fuerat ad
Bath-sabam.*

Miserere mei, Deus, pro bonitate
tua, pro ingenti misericordia
tua dele scelera mea.

2. Lava me plurimum ab iniqui-
tate mea, & à peccato meo munda
me.

3. Nam transgressionem meas ag-
nosco, & peccatum meum assidue mi-
hi obversatur.

4. In te, in solum te peccavi, &
malum hoc in oculis tuis admisi: pro-
pterea verè justus agnoscêris in ver-
bis tuis, & purus quum judicaveris.

5. En ego in iniquitate formatus
sum,

sum, & in peccato concepit me mater mea.

6. Ecce veritatem diligis in intimis, & in abstruso sapientiam mihi manifestam facis.

7. Expia me hyssopo, & mundus ero: lava me, & nive ero candidior.

8. Fac ut audiam lætitiā & gaudium, exultent ossa quæ tu contrivisti.

9. Absconde faciem tuam à peccatis meis, & omnes iniquitates meas dele.

10. Cor mundum crea mihi, Deus, & spiritum firmum intra me innova.

11. Ne abicias me à facie tua, nec spiritum tuum sanctum à me auferas.

12. Restitue mihi lætitiā salutaris tui: & spiritu principali fulci me.

13. Docebo transgressores vias tuas, & peccatores ad te convertentur.

14. Libera me de sanguinibus, Deus, Deus salutis meæ, tunc lingua mea resonabit cum ovatione iustitiarum tuarum.

F

15. A-

15. Aperi, Domine, labia mea, ut os meum laudem tuam prædicet.

16. Nam hostiis non delectaris, alioqui eas obtulissem: holocaustum non vis.

17. Sacrificia Deo spiritus confractus: cor confractum & contritum Deus non despicias.

18. Benignè fac ex benevolentia tua Sioni, ædifica muros Jerusalem.

19. Tunc delectaberis hostiis, sacrificio & holocausto iustitiæ: tunc aræ tuæ vitulos imponent.

52. *Præfeto cantorum erudiens carmen Davidis; quum venisset Doeg Idumæus ad Saulem, eique nuntiasset atque dixisset, venit David ad domum Abimelech.*

Quid gloriaris in malitia potens? bonitas Dei extat quotidie.

2. Corruptelas cogitat lingua tua, perindè ut novacula exacuata aberrans.

3. Amas nocere potius quàm bene-

nefacere, mentiri potius quàm quod
justum est loqui. Sela.

4. Amas loqui quæcunque perni-
ciem afferunt, lingua dolosa.

5. Etiam te Deus dissipabit in æ-
ternum, tollet te, & abradet te de ta-
bernaculo tuo, ac radicem tuam è ter-
ra viventium. Sela.

6. Quod quum videbunt iusti, ti-
mebunt, deque illo ridebunt.

7. En, dicent, virum qui non po-
suit Deum robur suum, sed in mul-
titudine divitiarum suarum spem po-
suit, & roboravit se pravitatibus suis.

8. At ego ero similis oleæ frondo-
sæ in domo Dei, quia spem posui in
bonitate Dei in sempiternum & per-
petuò.

9. Celebrabo te in seculum, quo-
niam fecisti : & præstolabor nomen
tuum, quoniam ante bonos tuos bo-
num est.

53. *Præfetto cantorum carmen erudiens
Davidis de miseria.*

DIxit stolidus in corde suo, non est
Deus : ob id consceleratam &
abominandam designarunt iniquita-
tem : non est qui quod bonum est fa-
ciat.

2. At Deus è cælo prospexit super
filios hominum, ut videret num esset
prudens aliquis, & qui Deum qua-
reret.

3. Cuncti pariter deflexerunt, cor-
rupti sunt : nemo est qui quod bo-
num est faciat, ne unus quidem.

4. An non cognoverunt operarii
iniquitatis, qui populum meum vo-
rant, ut qui panem devorant, & De-
um non invocant ?

5. Illic pavore consternantur, ubi
pavor non est, quia Deus dissipat ossa
obsidentis te : pudefecisti eos, quo-
niam Deus aversatus est illos.

6. O utinam è Sion salus Israeli
contingat, ut Deus captivitatem po-
puli

puli sui finiat, ut lætetur Jacob, gaudet Israel.

54. *Erudiens carmen Davidis, præfecto cantorum ad instrumenta musica, quum Ziphæi venirent & dicerent Sauli, Annon David apud nos latitat?*

DEus per nomen tuum saluum me fac, & virtute tua vindica me.

2. Deus audi precem meam, sermoni oris mei ausculta.

3. Nam alieni contra me insurrexerunt, & tyranni quærunt animam meam, non habentes ob oculos Deum. Sela.

4. En Deus adjuvat me, Dominus cum iis adest qui me suffulciunt.

5. Rependet malum istud adversariis meis; in veritate tua extermina eos.

6. Voluntarium sacrificium faciam tibi, & celebrabo nomen tuum, Domine, quoniam bonum est.

7. Nam ex omni afflictione eripuit me, & in hostibus meis optata videbit oculus meus.

55. E.

55. *Erudiens carmen Davidis, profecto
cantorum ad instrumenta musica.*

Ausculta, Deus, precationi meæ, à
deprecatione mea ne te subdu-
cas.

2. Attende, & responde mihi, que-
rulo in prece mea, & infremo;

3. Propter vociferationem hosti-
um, propter divexationem impiorum,
qui mihi iniquitatem obtrudunt, & in
ira mihi adversantur.

4. Propterea cor meum intra me
afflictatur, & terrores mortis irru-
runt in me.

5. Timor & tremor inciderunt in
me, & horror me adobruit.

6. Et dixi, utinam essent mihi ala-
tam celeres quàm sunt columbæ: a-
volarem enim, & quiescerem.

7. Et longè profugerem, commo-
rarer in ipso deserto. Sela.

8. Properarem ut à vento turbi-
noso & tempestate evaderem.

9. Degluti eos, ô Domine, & fin-
de

de linguas eorum : quoniam vidi violentiam, & lites in ipsa civitate.

10. Hæc illam dies noctesque in muris ejus circumeunt, intra eam iniquitas & molestia.

11. Corruptelæ intra eam, à plateis ejus in postura & dolus nunquam declinant.

12. Neque enim hostis erat qui me probro afficiebat, alióqui tulissem : neque extulit se contra me, qui præ se ferebat odium mihi, abscondissem enim me ab illo :

13. Sed tu eras homo æqualis mihi, dux meus, & notus meus.

14. Mutuò enim & suaviter secreta communicabamus : in domum Dei in cœtu unà ibamus.

15. Derepentè mors super illos irruat, descendant vivi ad inferos : nam mala sunt in habitaculis eorum, in intimis eorum.

16. Ego ad Deum clamabo, & Dominus servabit me.

17. Vespere & manè & meridiè precor, & importunus sum, &

ipse vocem meam exaudivit.

18. Redemit animam meam à praelio quod mihi intentatur, pacemque donavit: nam plurimi fuerunt mecum.

19. Audiet Deus, & affliget eos qui sedet ab initio. Sela.

20. Nam non est spes quòd illi mutentur, nec Deum timeant.

21. Injecit ille manum suam in eos quibuscum pacem simulaverat, & profanavit fœdus suum.

22. Os habet butyro mollius, sed corde bellum gerit: verba ejus oleo magis lenia, quum sint stricti gladii.

23. Rejce in Dominum sarcinam tuam, & ipse te suffulciet: non permittet ut justus perpetuò labascatur.

24. Tu interim, ô Deus, detrudes sanguinarios istos, & fraudulentos in puteum interitus: non perducent ad dimidium dies suos, ego autem spem meam in te collocabo.

56. *Præfata cantorum de vexatione
manipuli alienigenarum: in signe au-
reolum Davidis, quum eum Philis-
tini comprehendiſſent in Gath.*

Miſerere mei, Deus, nam me ho-
mo ſerè abſorpsit, quotidie op-
pugnans me obtrivit.

2. Abſorbent me hoſtes mei omni
tempore, multi namque pugnant con-
tra me, ô Exceſſe,

3. Quocunque tempore timor me
invadit, ego ſpem meam in te col-
loco.

4. In Deo laudabo verbum ejus;
in Deum ſperavi, nihil metuo quid
mihi caro faciat.

5. Perpetuo verba mea calumnia-
bantur: omnes cogitationes eorum
in hoc erant, ut malum mihi para-
rent.

6. Concurrunt, ſpeculantur ipſi,
& veſtigia mea obſervant, quando-
quidem animæ meæ inhiant.

7. Vanitate ſperant ſeſe evaſuros:

at Deus est qui in ira populos dejicit.

8. Fugas meas tu numeratas habes, lachrymas meas repone in lagunculam tuam, annon in rationario tuo?

9. Quoties te invoco, hostes mei retrocedunt: in hoc certus fio quod tu es Deus meus.

10. In Deo laudabo verbum, in Domino laudabo sermonem.

11. In Deum spero, non metuum quid faciat mihi homo.

12. Vota nuncupabo tibi, ô Deus, reddam laudes tibi:

13. Quoniam eripuisti animam meam à morte, annon & pedes meos à lapsu? ut incedam in conspectu Dei in luce viventium.

57. *Præfeto cantorum, ne perdas, insigne aureolum Davidis, quum à Saule fugisset in specum.*

Miserere mei, Deus, miserere mei, quoniam in te confisa est anima mea & in umbra alarum tuarum spero donec transeat corruptela.

2. In-

2. Invocabo Deum excelsum,
Deum qui me perficit.

3. Is è cœlo mittet, & liberabit
me opprobrio me absorbente. perpe-
tuò, mittet Deus suam bonitatem &
fidem suam.

4. Anima mea est in medio leonum,
jaceo inter homines qui flammis exu-
runt, quorum dentes velut lanceæ &
sagittæ sunt, & lingua gladius acu-
tus.

5. Extolle te, ô Deus, super cœ-
los, super omnem terram gloria tua.

6. Rete parârunt gressibus meis,
incurvata est anima mea: foderunt
ante me foveam, & inciderunt in eam.
Sela.

7. Paratum est cor meum, ô Deus,
paratum est cor meum: cantabo &
psallam.

8. Expergiscere, ô gloria mea, ex-
pergiscere nablum & cithara, mature
surgam.

9. Celebrabo te in populis, ô Do-
mine, canam te in nationibus.

10. Quoniam bonitas tua ingens
est,

est, ad cœlos usque pertingit, & fides tua ad æthera usque.

11. Extolle te, ô Deus, super cœlos, & per omnem terram gloria tua.

58. *Præfeto cantorum, ne perdas, insigne anreolum Davidis.*

NUm verè, ô manipule, quod iustum est pronunciatis, rectè iudicatis mortalibus?

2. Quin potius iniquitates in corde concinnatis in terra: violentiam manus vestræ appendunt.

3. Abalienati sunt impii isti ab eo tempore quo vulvâ egressi sunt: errant jam inde ex quo è ventre prodierunt, loquentes mendacium.

4. Virus est illis ut virus serpentis, ut aspidis surdæ, aurémque suam obturantis;

5. Ne cogatur audire vocem incantantium, incantatoris inquam artibus magicis præstantis.

6. Contere, ô Deus, dentes oris istorum, maxillares dentes juvenum istorum

fides

ce-

tua.

in-

ju-

ju-

de

na-

eo

er-

e-

s,

-

-

-

istorum leonum contunde, ô Domi-
ne.

7. Liqueant ceu aquæ quæ dila-
buntur, ut cui tenso arcu sagittæ dif-
fringuntur.

8. Instar limâcis colliquescentis
diffuant, velut abortivum mulieris,
quod solem nunquam aspexit.

9. Priusquam spinæ vestræ in rha-
mnum adulescant, repentè vivos sicut
acerrimo furore tollat eos turbo.

10. Lætabitur justus quum viderit
ultionem, pedes suos in sanguine im-
pii lavabit.

11. Et dicet homo, certè justum
manet suus fructus, cerè est Deus
judicans in terra.

59. *Præfæcto cantorum, ne perdas, in-
signe aureolum Davidis, quum misisset
Saul ad observandum domum ejus, ut eum
occideret.*

ERipe me ab inimicis meis, Deus
meus, ab iis qui contra me insur-
gunt protege me.

2. Eripe

2. Eripe me ab his qui sceleratè agunt, & à viris sanguinariis serva me.

3. Nam ecce animæ meæ insidiantur, conspirant adversum me feroces: non ob iniquitatem meam, nec ob peccatum meum, ô Domine.

4. Nulla iniquitate mea adducti accurrunt, instruxerunt sese: exurge ergo ut mihi succurras, & respice.

5. Et tu, ô Domine Deus exercituum, Deus Israelis, evigila, ut visites omnes Gentes, neque misericordem te exhibeas omnibus sceleratè prævaricantibus. Sela.

6. Revertuntur ad vesperam, fremunt ut canes, & urbem circuncursant.

7. Ecce loquuntur ore suo, & gladii sunt in labiis eorum: nam quis audiat?

8. At tu, ô Domine, ridebis eos, cum sanna cunctas Gentes excipies.

9. Robur illi, at te observabo; nam Deus vice arcis sublimis est mihi.

10. Bo-

10. Bonitas tua, ô Deus meus,
antevertat me: fac Deus optata in ho-
stibus meis videam.

11. Ne subito interimas illos, ne
fortè obliviscatur populus meus: red-
de eos vagos in populo tuo, & deice
eos, protector noster Domine.

12. Propter peccatum oris eorum,
& ob sermonem labiorum ipsorum,
in superbia sua capiantur, ob[perju-
rium, & mendacium quod loquun-
tur.

13. Consume in furore, consume
ut non sint, ut sciant omnes, quod
Deus in Jacob, & usque ad fines terræ
dominetur. Sela.

14. Et ad vesperam revertuntur,
fremunt ut canes, & urbem circum-
cursant.

15. Hi ipsi pro cibo vagabuntur,
nec satiati cubabunt.

16. Ego autem cantabo fortitudi-
nem tuam, manè ovabo de bonitate
tua, quod arx sublimis mihi fueris, &
dum premeret me adversitas, perfu-
gium.

17. O

17. O robur meum, tibi canam,
quoniam Deus arx sublimis mihi es,
& Deus bonitatis meae.

60. Prefecto cantorum super rosa testi-
monii, in signe aureum Davidis ad do-
cendam, dum bellum gereret contra eam
partem Syria, quae Mesopotamia vo-
catur, & contra Syria partem quae vo-
cata est Zoba: & quum Joab rever-
sus percussisset Edomitaram in Valle
salis duodecim millia.

DEus repuleras nos, disjeceras nos,
iratus eras, ac redhibebas rursus
te nobis placatum.

2. Concusseras terram, & dirupe-
ras eam: cura fracturas ejus, vacillat
enim.

3. Dura fecisti experiri populum
tuum: potum dedisti nobis vinum
lethale.

4. At sustulisti rursus timentibus
te signum, ut triumpharent, idque
propter veritatem. Sela.

5. Ut eripiantur dilecti tui, serva
dextera

dexter
6.

rio su
dam S
tiar.

7.
Man
mei,

8.
supe
meu
mea

9
nita
duc

1
pul
bar

fti
est

ip

dextera tua, & exaudi me.

6. Deus loquutus est in sanctuario suo quòd lætabor, & quòd dividam Sichem, & vallem Succoth dimittiar.

7. Meus est Gilead, & meus est Manasses; Ephraim robur capitis mei, Juda legislator meus.

8. Moab lebes ablutionis meæ: super Edom projiciam calceamentum meum, ambi ô Palesthina amicitiam meam.

9. Quis ducet me in civitatem munitam? quis me usque in Edom deducet?

10. Annon tu, ô Deus, qui nos repuleras, & tu Deus qui non egrediebaris cum exercitibus nostris?

11. Fer nobis auxilium in angustia, nam hominûm auxilium inane est.

12. In Deo fortiter faciemus, & ipse conculcabit hostes nostros.

61. *Præfeto cantorum ad instrumenta
musica, carmen Davidis.*

Audi, Deus, clamorem meum,
orationi meæ ausculta.

2. Ab extremo terræ ad te clama-
bo, dum cor meum ferè exanimatum
est; in rupem altiore, quàm ut in
eam possim conscendere, subduc me.

3. Tu enim es asylum meum, tur-
ris prævalida, qua ab hoste servor.

4. Fac habitem in tentorio tuo per-
petuò, tutus agam in latibulo alarum
tuarum. Sela.

5. Tu enim Deus exaudisti vota
mea, dedisti hæreditatem timentibus
nomen tuum.

6. Dies diebus regis adjicies, an-
nos ejus in multa secula produces.

7. Sedebit coram Deo in seculum,
bonitatem & veritatem para, qua
cum custodiant.

8. Sic psallam nomini tuo in per-
petuum, ut persolvam vota mea per
singulos dies.

62. *Præ-*

62. *Præfetto cantorum pro Iedaïum,
oda Davidis.*

Utique ad Deum silens respicit
anima mea, quia ab ipso salus
mea.

2. Utique ipse est petra mea, & sa-
lus mea; ipse arx sublimis mea: ideo
non labascam admodum graviter.

3. Quousque insidias struitis qui-
busvis? tandem vos omnes interficie-
mini, perinde ut paries inclinatus, &
maceria impulsæ.

4. Utique ne ipse exaltetur con-
sultant ut impellatur: diligunt men-
dacium, ore suo benè precantur, cor-
de devovent. Sela.

5. Veruntamen respice ad Deum
silens, ô anima mea: nam ab ipso
pendet spes mea.

6. Utique ipse est petra mea, &
salus mea, arx mea, non nutabo.

7. A Deo pendent salus mea & glo-
ria mea; petra fortitudinis meæ, re-
fugium meum in Deo est.

8. Col-

8. Collocate spem in eum omni tempore, ô populi, effundite ante conspectum ejus cor vestrum, Deus refugium nobis. Sela.

9. Veruntamen filii hominum vani sunt, mendaces filii viri: si simul ponantur in balance, ipsa vanitate leviores erunt.

10. Ne collocetis spem in injuria & rapina; nolite vos dedere vanitati: opes si affluunt, ne cor apponatis.

11. Semel atque iterum loquutus est Deus, idque audivi, Deo esse robor;

12. Quòd & tibi Domine bonitas adest: quodque tu rependis cuique juxta opus suum.

93. *Psalmus Davidis quum esset in deserto Juda.*

DEus, Deus meus tu, summo diluculo te quæro: te sitit anima mea, te concupiscit caro mea, in hac terra torrida & siticulosa, cui desunt aquæ.

2. Sic ut te contempler in sanctuario

etuario tuo, ut videam virtutem tuam
& gloriam tuam.

3. Nam bonitas tua ipsâ vitâ opta-
bilior est, ideò labiis meis te laudabo.

4. Sic benedicam te in vita meâ,
in nomine tuo attollo manus meas.

5. Tanquam adipe & pinguedine
satiabitur anima meâ, unde ovabunt
labia meâ, laudabit os meum.

6. Simul atque tui memor fuero in
lecto meo, de te meditatus fuero in
vigiliis nocturnis.

7. Tu etenim es qui mihi fers auxi-
lium, & in umbra alarum tuarum
ovabo.

8. Tibi adhæsit anima meâ : quia
dextera tua me suffulcit.

9. Isti verò qui animam meam de-
vastare quærunt, subibunt infima ter-
ræ.

10. Adigent eos in aciem gladii,
fors vulpibus erunt.

11. Rex autem in Deo lætabitur,
gloriabitur quisquis per ipsum jura-
verit : nam os illorum qui mendacium
loquuntur obstruetur.

64. Pre-

64. *Præfæto cantorum oda Davidis.*

Audi Dens vocem meam in que-
rimonia mea, ferva vitam meam
ab hostis formidine.

2. Absconde me à consilio malo-
rum, & à tumultu operantium ini-
quitatem.

3. Qui linguam suam instar gla-
dii exacuunt, & ceu tenso arcu amara
verba pro sagittis ejaculantur.

4. Ut in absconditis innocentem
feriant, subito feriant eum, nec quic-
quam metuant.

5. Corroborant se in re mala, com-
mentantur inter se de abscondendis
laqueis: dicunt enim, quis videbit
eos?

6. Vestigant malitias, pervestiga-
tam vestigationem absconderunt quis-
que in intimo, cordeque profundo.

7. At Deus sagitta illos subito fe-
riet, quâ plagis afficientur.

8. Prostermentque super se linguam
suam: quicunque aspexerint eos stu-
pefacti facessent.

9. Vi-

9. Videbunt id cuncti mortales,
& narrabunt opus Dei, & opera ejus
prudenter expendent.

10. Lætabitur justus in Domino,
& se fidei illius committet: & omnes
recti corde gloriabuntur.

65. *Præfæcto cantorum Psalmus Davi-*
dis & canticum.

Tibi, ô Deus, silentium laus, in
Sion tibi persolvetur votum.

2. Tu exaudis precem: hinc omnis
caro ad te venit.

3. Ratio iniquitatum superârat
nos, tu verò transgressionem nostras
expiasti.

4. Beatus quem tu elegeris, quem
tibi adhibueris: habitabit enim ille in
atriis tuis: satiabitur bonis domus
tuæ, & sacris templi tui.

5. Terribilia in justitia responde-
bas nobis, ô Deus salus nostra, ô a-
sylum omnium finium terræ, quique
remoti in mari degunt.

6. Qui montes virtute sua firmat,
accinctus potentia.

7. Qui

7. Qui compescit strepitum marium, & strepitum undarum eorum, & fremitum populorum.

8. Et timebunt à signis tuis, quicunque extremos fines inhabitant: facis ovare exitus matutini & vespertini temporis.

9. Visitaſti terram, & irrigaſti eam, ditastaſti eam ampliter, rivus Dei aquis exuberat, tu paraſ eis frumentum, quandoquidem ſic illam inſtruſ.

10. Irrigaſ liras ejus, & quieſcere facis ſulcos ejus: facis eam guttis colliqueſcere, & germen ejus feliciter provenire facis.

11. Coronas annum tuis bonis, & vehicula tua ſtillant pinguedinem.

12. Stillant pinguedine ſpecioſa paſcua deſerti, colléſque exultatione accinguntur.

13. Veſtiantur campi gregibus, & valles amicientur frumento, jubila-bunt atque canent.

66. *Præfetto cantorum canticum
Psalmi.*

Jubilate Deo omnis terra, canite
gloriam nomini ejus, reddite glo-
riam laudi ejus.

2. Dicite Deo, quàm suspicien-
dus es in operibus tuis! ob amplitu-
dinem virtutis tuæ supplices tibi e-
runt licet falso hostes tui.

3. Te adorabunt omnes habitato-
res terræ, & psallent tibi, psallent no-
mini tuo. Sela.

4. Huc agite, contemplantini ope-
ra Dei, quam stupenda sint ejus con-
silia super filios hominum.

5. Mutavit mare in aridam, fecit
ut pedibus flumen transierint, ibi in
eo lætabamur.

6. Virtute sua ab æterno imperat:
oculi ejus Gentes contemplantur, de-
fectores haudquaquam sese exalta-
bunt. Sela.

7. Prædicate, ô populi, Deum no-
strum, & effcite ut audiat vox lau-
dis ejus.

G

8. Hic

8. Hic est qui animam nostram servavit in vita, nec permisit vacillare pedes nostros.

9. Etiam si explores nos, ô Deus, & excoquas nos ut argentum excoquitur,

10. Inducas nos in laqueum, catenam ponas in lumbis nostris,

11. Patiaris ut homines super capita nostra inequitent, veniamus in ignem & aquam: educis tamen nos in refrigerium.

12. Ingrediar ergo domum tuam cum holocaustis, vota mea tibi persolvam.

13. Quæ effecerunt ut aperirem labia mea, & ut loqueretur os meum, quum essem in angustiis.

14. Holocausta pingua offeram tibi cum incenso arietum, faciam bobus & hircis. Sela.

15. Venite, audite quotquot Deum timetis, narrabo quænam animæ meæ fecerit.

16. Ad ipsum ore meo clamavi, & linguâ meâ exaltatus est.

17. Si

17. Si iniquitatem respexissem in corde meo, non exaudisset me Dominus.

18. Jam autem exaudivit Deus, & vocem preceationis meæ attendit.

19. Laudandus Deus, qui nec precem meam repulit, nec bonitatem suam à me subduxit.

67. *Præfeto cantorum Psalmus, & carmen ad instrumenta musica.*

DEus misereatur nostri, & benedicat nobis, atque illustret inter nos lumen vultus sui. Sela.

2. Ut cognoscatur in terra via tua, & in omnibus gentibus salus tua.

3. Celebrent te populi, ô Deus, celebrent te populi universi.

4. Gaudeant nationes, & ovent, quod jus reddas ex æquitate populis, & nationes in terra deducas. Sela.

5. Celebrent te, ô Deus, populi, celebrent te populi universi.

6. Terra verò reddat proventum suum, & benedicat nobis Deus, Deus inquam noster.

7. Be-

7. Benedicat nobis Deus, & metuant eum quicunque ad fines orbis usque habitant.

68. *Præfatio cantorum Psalmus, & Canticum Davidis.*

Simul atque exurgit Deus, inimici Sejus disperguntur, & fugiunt à conspectu ejus qui ipsum odio habent.

2. Quemadmodum dispellitur fumus, tu dispellis eos: & sicut cera colliquescit ab igne, sic dispereunt impii à conspectu Dei.

3. Justi autem coram Deo gaudent & lætantur, & præ gaudiogestunt.

4. Cantate Deo, psallite nomini ejus: munite viam ejus, qui supremo cœlo inequitat in Janomine ejus, exultate coram illo.

5. Pater est pupillorum, & causam agit viduarum Deus, quamvis habitet in habitaculo sanctitatis suæ.

6. Deus qui orbis restituit familiam

liam, educit qui vincti tenentur ca-
tenis: desertores autem terram tor-
ridam inhabitabunt.

7. Deus quum iui ante populum
tuum progredereis, quum incederes
per desertum, Sela.

8. Terra movebatur, & cœli di-
stillabant coram Deo, quemadmodum
tremuit iste Sinai coram Deo, Deo
inquam Israelis.

9. Ex munificentia, ô Deus, plu-
viam destillabas hæreditatis tuæ, &
laborantem confirmabas.

10. Ut in ea habitaret grex tuus,
præparasti pro bonitate tua pauperi,
ô Deus.

11. Dominus dabat verbum an-
nuntiatrixibus magni exercitus.

12. Reges ingentibus copiis in-
structi fugerunt, fugerunt inquam,
qui domi desidebant diviserunt spo-
lia.

13. Etiam si hætenus habitastis in-
ter ollas, eritis posthac ut pennæ co-
lumbæ argento obductæ, cujus alæ
fulvæ sunt auro purissimo.

14. Quum dissiparet Omnipotens in ea reges, candescebas veluti nix in Salmon.

15. Mons Dei est sicut Bafan: mons qui caseis abundat, mons Bafan.

16. Quare invidetis vos montes quantumvis cli vosi monti huic, quum Deo volupe sit habitare in eo? quin hunc perpetuò inhabitabit Dominus.

17. Equitatus Dei habet bis decem millia, inò multa millia angelorum: Dominus inter eos sicut in Sinai, in sanctuario.

18. Ascendisti in altum, cepisti captivitatem, accepisti dona in hominibus, etiam defectores, ut habitet Dominus Deus.

19. Laudandus Dominus, qui nos quotidie cumulat beneficiis, Deus salutis nostræ. Sela.

20. Deus noster Deus ad salutes, Domino Deo exitus mortis:

21. Veruntamen vulnerat Deus caput hostium suorum, verticem capillatum eorum qui in deliciis suis ambulant.

22. Di-

22. Dixerat Dominus, restituiam
meos, velut olim ex Bafan, restitui-
am ut olim ex profundis maris.

23. Propterea pes tuus, & lingua
canum tuorum sanguine rubet ab in-
imicis, ab ipso.

24. Viderunt incessus tuos, ô Deus,
incessus Dei mei, regisque mei, qui
est in sanctuario.

25. Præcedebant cantores, post
hos ludentes musicis instrumentis: in
medio puellæ tympana pulsantes.

26. Vos qui estis de vena Israelis,
in cœtibus laudate Dominum Deum.

27. Ibi Benjamin parvulus, qui
potestate inter eos fungebatur: prin-
cipes Juda lapis illorum, principes
Zebulon, principes Naphtali.

28. Mandavit Deus tuus robur
tuum; robora, ô Deus, quod fecisti
nobis.

29. A templo tuo Jerosolymis, tibi
offerant reges munera.

30. Increpa cœtum hastatorum,
cœtum validorum cum vitulis popu-
lorum, qui sese contumaces præbent

ut cum fragmentis argenti veniant:
dissipa gentes, quibus bella cordi
sunt.

31. Venient propter hoc optimates
ex Ægypto, Æthiopia celeriter manus
suas Deo protendet.

32. Regna terræ cantate Deo, psal-
lite Domino, Sela.

33. Equitanti super cœlos cœlo-
rum: ab initio en edit vocem suam,
vocem prævalidam.

34. Tribuite Deo fortitudinem, cu-
jus magnificentia est super Israellem,
cujus fortitudo est in æthere.

35. Tremendus es, ô Deus, de
sanctuariis tuis, Deus Israelis ipse dat
robur populo, propterea laudandus
Deus.

69. *Præfatio cantorum super liliis, car-
men Davidis.*

Servato me, Deus, quoniam pene-
strârunt aquæ ad animam usque.

2. Demersus sum in limum pro-
fundissimum, in quo non est fundum:
decidi

decidi in profundissimas aquas, & undæ obruunt me.

3. Delassatus sum vociferando, aridum factum est guttur meum: defecerunt oculi mei, suspiciendo ad Deum meum.

4. Qui me immerito odio prosequuntur, plures sunt quàm capilli capitis mei: prævaluerunt qui absque causa me obterunt inimici mei, ut quæ non rapui, rependere cogar.

5. Tu nosti, ô Deus, quæ per ignorantiam admisi, & delicta mea te haudquaquam latent.

6. Ne pudefiant in me, ô Domine, Domine exercituum, qui te expectat, ne ignominia afficiantur in me, ô Deus Israelis, qui te studiosè quærunt.

7. Nam tui causa hoc opprobrium fero, faciem meam ignominia obtexit.

8. Alienus factus sum fratribus meis, extraneus filiis matris meæ.

9. Æmulatio enim pro domo tua exedit me, & probra eorum qui te probro afficiunt, in me reciderunt.

10. Si quando fletu & jejunio affligebam me, idipsum quoque probro mihi vertebatur.

11. Sacco me pro veste involvebam: sic quoque fabula illis fiebam.

12. De me fabulantur qui desident in porta, & carmina canunt qui sicerum bibunt.

13. At ego precem meam ad te, ô Domine, si quando tempus sit, ô Deus, quo ob multam bonitatem tuam propitium te exhibeas, annue mihi pro fide tua qua opem ferre soles.

14. Eripe me è luto ne demergar, fac eripiar ab his qui me odio prosequuntur, & ab aquis profundis.

15. Ne me adobruant undæ aquarum, néve deglutiat vorago, neque super me os suum puteus claudat.

16. Annue mihi, ô Domine, quandoquidem benigna est bonitas tua: respice ad me juxta multitudinem miserationum tuarum.

17. Et ne faciem tuam à servo tuo ab ondas, nam affligor: propera, annue mihi.

18. Ac-

18. Accedito propius ad animam meam ut eam adferas : libera me propter inimicos meos.

19. Tu nosti quid feram opprobrii, quid pudoris, quid ignominiae : coram te sunt qui me infestant.

20. Opprobrium frangit cor meum, afflictor : & expecto si quis mei causa circumcursitet, sed nemo est : consolatores expecto, nec invenio.

21. Et dederunt in cibo meo fel : & quum sitirem, potârunt me aceto.

22. Sit illis mensa sua laqueus : & ubi pacem sperant, illic impingant.

23. Obtenebrentur oculi eorum ne videant, & lumbos eorum fac semper labascere.

24. Effunde super eos furorem tuum, & æstus iræ tuæ apprehendat illos.

25. Palatium eorum desolatum reddatur, nec sit qui tabernacula eorum inhabitet.

26. Nam eum quem tu percussisti, persequuntur, & ad dolorem vulneratorum tuorum admetiuntur.

27. Fac

27. Fac ut illis iniquitas iniquitati accumuletur, nec unquam veniant in justitiam tuam.

28. Deleantur de libro viventium, & inter justos non scribantur.

29. Me verò, quandoquidem afflicti sum & dolens, salus tua protegat, ô Deus.

30. Laudabo nomen Dei cum cantico, & extollam illud celebri laude.

31. Gratius id erit Domino, quam si bovem offeram, aut vitulum cornua producentem & ungulas.

32. Videbunt hæc mansueti, & gaudebunt: &, qui sedulo quæritis Deum, vivet cor vestrum.

33. Nam audit inopes Dominus: & vinctos suos minime spernit.

34. Laudent eum cœli & terra, maria, & quicquid reptat in illis.

35. Nam servabit Deus Sionem, & urbes Juda instaurabit: ibi habitabunt, terramque istam jure hæreditario possidebunt.

36. Posteriores servorum ejus in hæreditatem illam accipient: quicumque

que diligunt nomen ejus, in illa habebunt sedem suam.

70. *Præfetto cantorum Davidis ad commemorandum.*

DEus ut me liberes, accelera: Domine, ut me adjuves, propere.

2. Pudore & probro afficiantur qui vitæ meæ infidiantur: agantur retrò, & ignominia pateant, qui malis meis delectantur.

3. Repellantur eo quod me pudefacere conantur, qui dicunt, Hæ hæ, hæ hæ.

4. Exultent & lætentur in te quicumque te sedulo quærunt: & qui amant salutem tuam, dicant jugiter, magnificetur Deus.

5. Ego autem, ô Deus, afflictus sum, & inops, propere ad me, nam adjutor, & ereptor meus tu es, Domine ne morêris.

Pfal.

Psal. 71.

IN te, Domine, speravi, ne sinas ut
unquam pudeam.

2. Pro tua iustitia erue me, & libera me; inclina ad me aurem tuam, & me serva.

3. Sis mihi vice robustissimæ rupis, ad quam jugiter confugiam: constituisti ut me servares, nam petra mea, & arx mea tu es.

4. Eripe me, ô Deus meus, de manu impii, de vola perversi & violenti.

5. Quoniam tu es à quo pendeo, Domine Deus tu is es, quo à puero nitor.

6. Te nitor ab utero, ex visceribus matris meæ tu es extractor meus, de te laus mea jugiter.

7. Factus sum ceu portentum multis, at tu asylum meum es prævalidum.

8. Replebitur os meum laude tua, quotidie magnificentia tua.

9. Ne abjicias me tempore senectutis,

Et utis,

stutis, quàm defecerit robur meum,
ne me deseras.

10. Quoniam hostes mei de me
loquuti sunt : quique observant ani-
mam meam, unà consultârunt.

11. Dicunt, Deus deseruit eum,
persequimini, apprehendetis eum :
nec enim erit qui eripiat.

12. Deus, ne sis procul à me : De-
us mi, ut me adjuves propera.

13. Afficiantur pudore, pereant,
qui vitæ meæ adversantur : obtegan-
tur probro, & ignominiâ quotquot
student me malo afficere.

14. At ego jugiter expectabo, &
omnibus laudibus tuis adjiciam.

15. Os meum enumerabit justi-
tiam tuam, quotidie salutem tuam :
neque enim numerum novi.

16. Veniam in fortitudinibus Do-
mini Dei, memor ero justitiæ tuæ so-
lius.

17. Deus tu docuisti me à puero,
& usque in præsens admiranda faci-
nora tua deprædicabo.

18. Quin & in senectam usque &
canos

canos haudquaquam deseres me, ô Deus, donec prædicem brachium tuum generationi præsentī, fortitudinem tuam omni posteritati.

19. Et justitiam tuam, ô Deus, in altum efferam, qui tam ingentia patraſti: quis tibi, ô Deus, conferendus?

20. Qui fecisti experiri me afflictiones multas & malas: rursus conversus vitæ me restitues, & ex abyſſis terræ rursus subduces me.

21. Augebis dignitatem meam, & rursus me consolaberis.

22. Et ego quoque celebrabo tibi instrumento nablio fidem tuam, Deus meus, psallam tibi citharâ, ô Sancte Israelis.

23. Ovabunt labia mea quum canam tibi, & anima mea quam redemisti.

24. Quin & lingua mea quotidie de tua justitia loquetur, quum pudore & probro affecti fuerint, quicumque malo me afficere student.

72. Salomoni, vel Solomonis.

DA, Deus, regi iudicia tua, & iustitiam tuam filio regis.

2. Ut ius dicat populo tuo ex iustitia, & afflictis tuis in iudicio.

3. Ferant montes pacem populo, & colles iustitiam.

4. Vindicabit afflictos in populo, servabit pauperes, & violentum calumniatorem contundet.

5. Timebunt te dum sol & luna lucebunt, in omne ævum.

6. Descendat ceu pluvia super desertum pratum, ut guttæ imbris sensim irrigantis terram.

7. Floreant ipso regnante iusti, multaue pax sit, donec luna defuerit.

8. Imperitet à mari ad mare usque, & à flumine usque ad terminos terræ.

9. Coram illo procumbant accolæ deserti, & inimici ejus pulverem lingant.

10. Reges mediterranei maris & insularum munera afferant, reges Scheba,

Scheba, & Seba honoraria adducant.

11. Et adorent eum omnes reges,
omnes gentes serviant ei.

12. Nam liberabit pauperem clamantem, & afflictum cui deest adiutor.

13. Beneficus erit in attritos & inopes: & animas pauperum servabit.

14. Redimet animas eorum à fœnore & violentia, & pretiosus erit sanguis eorum in oculis ejus.

15. Et vivet, & dabitur ei de auro Scheba: orabunt pro eo jugiter, & quotidie eum laudabunt.

16. Et erit pugillus frumenti in terram in verticibus montium projectus, ita ut fructus ex eo prognatus agitetur ut Libanus: progerminabuntque è civitate instar herbæ terræ.

17. Nomen ejus perpetuò celebre erit, dum sol luxerit propagabitur nomen ejus: beatosque se censebunt in eo cunctæ gentes, & beatum eum prædicabunt.

18. Laudandus Dominus Deus,

Deus

Deus Israelis, qui solus mira edit facinora.

19. Et nomen gloriæ ejus perpetuò laudetur, & impleatur gloriâ ejus universa terra. Amen & Amen.

§. Finem habent preces
Davidis filii Jessi.

73. Oda Asaph.

AT tamen bonus est Deus Israelis, his nempe qui mundo sunt corde.

2. Parum abfuit quin nutârint pedes mei, ferè effusi sint gressus mei.

3. Nam urebat me æmulatio propter stultos, quum prosperitatem impiorum viderem.

4. Neque enim sunt eis nexus ad mortem: quin pingues sunt & prævalidi.

5. Nulla eos, ut reliquos mortales, premit molestia: malorum, quibus alii homines afficiuntur, immunes sunt.

6. Hinc fit ut superbia eos toros possideat,

possideat, & conueste involvantur
violentia.

7. Præ pinguedine oculi eorum
exeunt, in imaginationibus cordi
pergunt.

8. Contabuerunt, loquuntur vio-
lentiam & injuriam, è sublimi lo-
quuntur.

9. Protendunt os suum in cœlum,
& lingua eorum orbem pervagatur.

10. Propterea revertitur populus
eius huc, & aquæ fecundi calicis ex-
primuntur eis.

11. Quin & dicere audent, quo-
modo hæc cognosceret Deus? estne
cognitio apud Altissimum?

12. En isti, impii sunt, & tamen
felices sunt in hoc seculo, assequeuti
divitias.

13. Profectò purum servavi cor
meum, & frustrà manus meas inno-
centia abluo.

14. Plagâsque quotidie pertuli, sin-
gulisque diebus manè reprehensus.

15. Quum ad hunc inquam modum
mecum reputarem, parum absuit
quin

quin à natione filiorum tuorum defecerim.

16. Instituebam cogitationem, si possem hæc cognoscere, sed id ipsum molesta res erat in oculis meis.

17. Donec in secretoria Dei adyta penetravi, & donec intellexi ut potestremò essent quique habituri.

18. Certè velut in lubrico constitisti eos, dejicies illos præcipites, ut planè vastentur.

19. Quàm subita calamitate oppressi sunt, perierunt, & terroribus consumpti sunt?

20. Non aliter quàm somnium, quod avolat posteaquam quis evigilaverit, Domine, despicias reddes in civitate imagines illorum.

21. Quum effervesceret fermenti instar cor meum, & renes mei acuebantur.

22. Bardus eram, nec quicquam intelligebam, & eram apud te velut pecus.

23. Semper tamen tecum eram, manum autem dexteram meam tu apprehendisti.

24. Con-

24. Consilio tuo me deduxisti, & postea in gloriam me recipies.

25. Quis mihi in cœlis? & in terra tecum nullo oblector.

26. Consumitur caro mea & cor meum, Deus autem petra est cordis mei, & portio mea in æternum.

27. Nam ecce, qui à te procul recedunt, peribunt: perdes omnem illum qui à te deficit.

28. Ego itaque bonum mihi duxi Deo meo adjungere, posui Dominum Deum asylum meum, ut euarrem omnia opera ejus.

74. *Erudiens carmen Asaphi.*

ECquare Deus perpetuò nos repellis? cur inquam fumat nasus tuus in gregem pascuæ tuæ?

2. Memor sis cœtus tui, quem jam pridem comparavisti; & sortis hæreditariæ, quam venditasti, montis Sionis, in quo habitare es solitus.

3. Leva gressus tuos, ut funditus vastes omnes hostes, qui malum inferunt sanctuario.

4. Ru-

4. Rugierunt adversarii tui in medio synagogarum tuarum : signa sua posuerunt pro signis.

5. Ut olim eorum qui securibus cædebant densa arborum ad structuram templi , insigne & nobile opus erat :

6. Ita habetur modò , si quis sculpturas ejus pariter bipenni & malleis comminuit.

7. Sanctuaria tua igni incenderunt : ad terram affligentes tabernaculum nominis tui profanârunt.

8. Dixerunt in cordibus suis , Sæviamus in eos pariter, exusserunt cunctas synagogas Dei in terra.

9. Signa nostra non videmus, nullus superest propheta: nemòque nobiscum qui sciat quousque tandem.

10. Quamdiu , ô Deus , probra in nos jacet hostis , blasphemabit hostis nomen tuum perpetuò ?

11. Quare manum tuam & dexteram tuam retraxisti ? è sinu plenè profer eam.

12. Equidem Deus rex meus ab initio,

initio, qui salutes in medio terræ operatur.

13. Tu virtute tua mare dissipasti, capita draconum in aquis confregisti.

14. Tu confregisti capita ceti grandis, & in cibum tribuisti eum populo desertum incolenti.

15. Tu excidisti fontem & fluvium, tu fluvios prævalidos exiccasti.

16. Tuus est dies, tua etiam nox, tu lucem & solem præparasti.

17. Tu cunctos fines orbis constituisti, æstatem & hyemem tu finxisti.

18. Sis memor huius, nempe quod hostis probis afficit Dominum, & populus stolidus nomen tuum execratur.

19. Ne obicias animam turturis tuæ coetui hostium, coetus afflictorum tuorum ne perpetuo obliviscaris.

20. Respice ad fœdus, quoniam tenebricosæ habitationes terræ violentia & injuria repletæ sunt.

21. Ne pateant ignominia, qui contriti sunt repulsam à te passi, afflicti & inopes potius laudent nomen tuum.

20. Ex-

22. Exurge Deus, defende causam tuam, memor sis opprobrii, quo te quotidie stolidi homines afficiunt.

23. Ne oblivioni tradas vocem infestorum tuorum: tumultus eorum qui contra te insurgunt jugiter crescit.

75. *Præfæcto cantorum oda carminis
Asaphi, ne perdas.*

Celebrabimus te, Deus, celebrabimus, etenim propè est nomen tuum illis qui miranda facinora tua enumerant.

2. Quum statutum tempus nactus fuero, ego quod æquum & rectum est judicabo.

3. Difflexerat terra, & quicunque eam inhabitabant: ego columnas ejus suffulsi. Sela.

4. Dixi stolidis, Nolite insanire: & impiis, nolite attollere cornu.

5. Nolite in sublime attollere cornu vestrum, Nolite collo præfracto loqui.

6. Nam nec ab oriente, nec ab oc-
H cidente,

cidente, neque à meridie exaltatio contingit.

7. Deus siquidem iudex est: is hunc dejecit, illum extollit.

8. Nam calix in manu Domini est vino meraco plenè adornatus, è quo fundet: attamen sæces ejus exugent, ac epotabunt omnes impii in terra.

9. Ego autem in perpetuum annuntiabo, psallamque Deo Jacob.

10. Confringam quoque omne cornu impiorum, cornua verò justorum erigentur.

76. *Oda carminis Asaphi ad instrumenta musica, præfecto cantorum.*

NOtus in Juda Deus, præclarum nomen ejus in Israele.

2. In Salem est tabernaculum ejus, & mansio ejus in Sione.

3. Illic confregit ignita jacula arcus, clypeum, gladium & bellum. Sela.

4. Illustrior es & magnificentior quàm montes in quibus laceratur.

5. Præ-

5. Prædæ se exposuerunt magnanimi, consopiti sunt somno suo, nihil virium invenientes in manibus suis omnes viri fortes.

6. Ab increpatione tua, Deus Jacob, consopitus est currus & equus.

7. Tu terribilis es, tu inquam, & quis consistet coram facie tua, simul atque ira tua exarserit.

8. E cœlo fecisti audire iudicium: terra timuit, & siluit;

9. Quum exurgeret ad iudicandum Deus, ad servandum omnes afflictos terræ. Sela.

10. Etenim furor hominis cedit in laudem tuam, quódque reliquum est irarum constringes.

11. Nuncupate vota, & persolvite ea Domino Deo vestro: quotquot estis in circuitu ejus, offerte munera terribili.

12. Qui intercipit spiritum principum, & est terribilis regibus terræ.

77. *Psalmus Asaphi pro feduthum
præfecto cantorum.*

VOce mea quum clamarem ad
Deum, ad Deum quum clama-
rem voce mea, aurem præbebat mihi.

2. Quo tempore angustum mihi
erat, Dominum quærebam, manus
mea noctu sparsa erat sine cessatione,
renuebat consolari anima mea.

3. Dei memoriam quum repete-
rem infremebam, querulabar, & de-
ficiebat spiritus meus. Sela.

4. Tu tenebas vigilias oculorum
meorum; attonitus eram, ut loqui non
possem.

5. Tunc repetebam retro tempora,
& annos priorum seculorum.

6. In memoriam revocabam car-
mina mea, noctu cum corde meo col-
loquebar, spiritus meus rimatus est.

7. Num perpetuo repudiabit Do-
minus? num unquam placidus fiet
ultrà?

8. Peritne in perpetuum bonitas
ejus?

ejus? finémne habet in omnes ætates
oraculum?

9. Oblitus estne misereri Deus?
continebitne in ira misericordias suas?
Sela.

10. Tandem cogitabam, Hæc mea
est infirmitas, dextera Excelsi vices
mutat.

11. Recordabar operum Domini,
memoriâ repetebam mirabilia faci-
nora tua quæ olim edidisti.

12. Meditabar quoque in omni-
bus operibus tuis, & de consiliis tuis
loquebar.

13. O Deus, viæ tuæ sunt in san-
ctitate: ob id dico, quis Deus ma-
gnus ut Deus?

14. Tu Deus es qui admiranda
facis, claram reddidisti in populis vir-
tutem tuam.

15. Vindicâsti in brachio populum
tuum, filios scilicet Jacob & Joseph.
Sela.

16. Viderunt te aquæ, ô Deus, vi-
derunt te aquæ, & viribus destitutæ
sunt, contritæ etiam sunt abyssi.

17. Densæ nubes nimbos depluerunt, nubes ediderunt tonitru, quin & sagittæ tuæ discurrerunt.

18. Vox tonitrus tui in rota, fulgura in orbem emicuerunt, tremuit ac mora est tellus.

19. In mari viæ tuæ, & semitæ tuæ in aquis prævalidis: & vestigia tua non deprehensa sunt.

20. Ducebas velut gregem populum tuum per manum Moïsis & Aaronis.

78. *Erudiens carmen Asaphi.*

Ausculta popule mi institutionem meam, inclinate aures vestras ad sermones oris mei.

2. Aperiam ad insignia quædam facta os meum, eloquar abstrusa quædam temporis prisca.

3. Quæ audivimus, quæque cognovimus, & quæ patres nostri narraverunt nobis.

4. Neque nos ergo celabimus ea filios eorum, ætatibus posteris narrabimus laudes Domini, robur ejus, flu-

stupendâque opera ejus quæ gessit.

5. Constituit enim contestatione quadam in Jacob, & legem tulit in Israele, quâ præcepit patribus nostris, ut ea nota facerent filiis suis :

6. Ut cognoscat ætas postera, filii qui nascituri sunt, quum adoleverint, narrent eadem filiis suis :

7. Indèque in Deo fiduciam suam ponant, nec obliviscantur operum Dei, mandatâque ejus observent :

8. Nec evadant similes patribus suis, nationi deficienti & rebeli, nationi quæ rectè cor suum haudquam instituit, & cujus spiritus nunquam verè Deo credidit.

9. Filii Ephraim armati, & jaculantes arcu, verterunt terga in die belli.

10. Non observârunt scædus Dei, & in lege ejus noluerunt ambulare.

11. Sed obliti sunt factorum ejus, & admirandorum facinorum ejus quæ illis ostenderat.

12. Coram patribus eorum stupenda opera fecit in terra Ægypti, in campo Soan.

H 4

13. Se-

13. Secuit mare, & traduxit illos: consistere iussit aquas velut acervum.

14. Et deduxit eos interdiu nube, & singulis noctibus per lumen ignis.

15. Secuit rupes in deserto, & potum eis dedit ut ex magno abyssu.

16. Et eduxit rivos e petra; & fecit decurrere tanquam flumina aquas.

17. Adhuc tamen peccarunt ei, & exasperarunt Excelsum in solitudine.

18. Et tentaverunt Deum in corde suo, quum poscerent cibum animabus suis.

19. Et contra Deum loquuti sunt, dicentes, num potest Deus mensam instruere in deserto?

20. En dicebant, petram percussit, & effluerunt aquae, & fluvii inundarunt, num & panem dare poterit? num parare carnes poterit populo suo?

21. Idcirco Dominus hæc audit, & exarsit, & succensus est ignis contra Jacob, & ira contra Israelem ascendit.

22. Quod

22. Quòd non credidissent Deo,
& in salutem ejus non speravissent.

23. Et mandavit nubibus supernè,
& ostia cœli aperuit.

24. Et depluit illis Man^{na} ut ede-
rent, & frumentum cœleste dedit
eis.

25. Panem fortium edit homo, de-
misit illis commeatum ad saturitatem
usque.

26. Cœlo movit Eurum, & vir-
tute sua Africum adduxit.

27. Et depluit super eos carnem
tanquam pulverem, & alas volu-
cres, velut arenam maris.

28. Quas dejecit in medium ca-
strorum illorum, & circum taberna-
cula eorum.

29. Et ederunt saturatique sunt a-
bundè, & satisfecit gulæ eorum.

30. Non sunt fraudati desiderio
suo; eratque adhuc cibus eorum in
ore ipsorum:

31. Quùm ira Dei defœvit in eos,
occiditque pingues eorum, atque se-
lectiores in Israele dejecit.

32. Super hæc omnia iterum contra eum peccaverunt, nec stupendis ejus factis fidem habuerunt.

33. Temerè ergo finivit dies eorum, & annos eorum celeriter.

34. Quum trucidaret eos, quærebant ipsum, ac maturè ad Deum supplicando revertebantur.

35. Tum recordabantur, Deum esse ipsorum petram, & Deum excelsum esse eorum redemptorem.

36. Ore suo blanditi sunt ei, lingua autem sua ei mentiebantur.

37. Cor eorum non erat rectum erga illum, nec fidi fuerunt in fœdere ejus.

38. Ipse tamen ad misericordiam propensus, propitius fuit iniquitati eorum, nec disperdidit, & sæpenumero revocavit iram suam, nec omnem suam excandescentiam excitavit.

39. Memor quòd caro essent ipsi, & ventus qui abit, nec redit.

40. Quoties exasperârunt eum in deserto, & molesti ei fuerunt in solitudine:

41. Ut

41. Ut averſi tentarent Deum,
ſanctumque Iſraelis circumſcriberent?

42. Non fuerunt memores manus
ejuſ, nec temporis illius quo eos ex
angustiis redemit.

43. Signorum quoque ejus quæ
fecit in Ægypto, & portentorum quæ
edidit in territorio Soan.

44. Quum lacus eorum verteret in
ſanguinem, & rivos eorum, ne bibe-
rent.

45. Immiſit in eos turbam infe-
ſtorum quæ vorarunt illos, & ranas
quæ eos perdiderunt.

46. Et dedit brucho proventum
eorum, & laborem eorum locuſtis.

47. Perdidit vineas eorum gran-
dine, & ſycomoros eorum concretis
ex nube lapidibus.

48. Tradidit quoque grandini ju-
menta eorum, & pecora eorum ignitis
jaculis.

49. Immiſit in eos æſtum naſi ſui,
impetum, indignationem, & angu-
ſtiam, cacodæmonum incurſiones.

50. Libravit ſemitam iræ ſuæ, ani-
mæ

mæ illorum à morte non pepercit, sed vitam eorum pesti devovit.

51. Percussitque omne primogenitum in Ægypto, primitias dolorum in tentoriis Cham.

52. Et traduxit populum suum tanquam gregem, minavit eos ut gregem per desertum.

53. Deduxit eos tutò ut non expavescerent: hostes verò eorum mare obtexit.

54. Et introduxit eos ad terminum sanctuarii sui: ad montem istum quem vindicavit dextera ejus.

55. Expulit ante eos Gentes, admensus est eis hæreditatem fune, & fecit habitare in tentoriis illorum tribus Israel.

56. Attamen tentârunt & exasperârunt Deum excelsum, & testimonia ejus non servârunt.

57. Sed deflexerunt, & perfidè egerunt, quemadmodum patres eorum, retroacti, ut arcus qui fallit.

58. Provocaverunt eum ad iram excelsis suis, & sculptilibus suis eum
ad

ad æmulationem accenderunt.

59. Audivit Deus, & commotus est,
& admodum averſatus eſt Iſraelem.

60. Ita ut defereret tabernaculum
Silo, tentorium in quo inter homines
habitabat.

61. Permiſit capi virtutem ſuam,
& dedit magnificentiam ſuam in ma-
num hoſtis.

62. Tradidit populum ſuum in gla-
dium, & contra hæreditatem ſuam
indignatus eſt.

63. Juvenes ejus voravit ignis, &
virgines ejus non ſunt laudatæ.

64. Sacerdotes ejus gladio ceci-
derunt: & viduæ ejus non fleve-
runt.

65. Et evigilavit ſacſi dormiſſet
Dominus, tanquam heros aliquis for-
tis præ vino jubilans.

66. Et percuffit hoſtes ſuos in po-
dicem: ſempiterno opprobrio eos af-
fecit.

67. Et repudiavit tentorium Jo-
ſeph, & tribum Ephraim non elegit.

68. Sed tribum Juda elegit, montem
Sion quem dilexit.

69. Et

69. Et extruxit sanctuarium suum
tanquam excelsa palatia, veluti ter-
ram quam fundavit ut perpetuo sub-
sistat.

70. Et elegit Davidem servum,
caulis ovium tulit eum.

71. Post foetas euntem abduxit
eum, ut pasceret Jacob populum su-
um, & Israelem hæreditatem suam.

72. Pavit igitur eos pro integra-
te cordis sui, & minavit eos manibus
suis in prudentia.

79. *Psalmus Asaphi.*

Venerunt, Deus, Gentes in hæ-
reditatem tuam, polluerunt re-
giam sanctuarii tui, redegerunt Jeru-
salem in acervos lapidum.

2. Dederunt cadavera servorum
tuorum cibum volucribus coelorum,
& carnem beneficorum tuorum bestiis
terræ.

3. Effuderunt sanguinem eorum
circa Jerusalem velut aquam: nec est
qui sepeliat.

4. Pro-

4. Probro fuimus vicinis nostris,
irrisioni & ludibrio his, qui circum
nos habitant.

5. Quousque tandem, ô Domine?
succensebísne perpetuò? ardebitne
cen ignis æmulatio tua?

6. Effunde iram tuam in Gentes,
quæ te non agnoscunt: & in regna,
quæ nomen tuum non invocant.

7. Nam vorârunt Jacob, & habita-
culum ejus vastârunt.

8. Ne sis nobis memor iniquitatum
priorum, subito antevertat nos mise-
ricordia tua: nam vehementer atte-
nuati sumus.

9. Auxiliare nobis, ô Deus salu-
tis nostræ, propter gloriam nominis
tui: & libera nos, & propitius sis
peccatis nostris propter nomen tuum.

10. Cur dicerent Gentes, Ubi est
Deus eorum? nobilis evadat inter
Gentes nobis videntibus ultio san-
guinis fervorum tuorum qui effusus
est.

11. Penetret in conspectum tuum
gemitus victorum: pro magnitudi-
ne

ne brachii tui fac superstites eos qui morti jam addicti sunt.

12. Repende vicinis nostris septuplum in sinum eorum, opprobrium eorum quo te, ô Domine, affecerunt.

13. Et nos populus tuus, & greges pascuorum tuorum te celebrabimus in seculum, & per omne ævum predicabimus laudes tuas.

80. *Testimonium & Psalmus Asaphi præfecto cantorum super liliis.*

O Pastor Israelis ausculta: ô tu qui minas, velut gregem, Joseph, quique insides Cherubim, asfulge.

2. Ante Ephraim, Benjamin, & Manasse potentiam tuam excita, & veni ad servandum nos.

3. Deus restitue nos, & fac illucescere faciem tuam, & salvi erimus.

4. Domine Deus exercituum, quousque tandem excandesces in orationem populi tui?

5. Lacrymis velut pane cibasti eos,
&

eos qui & pro potu propinasti eis lacrymas
maxima mensura.

6. Posuisti nos ut materia simus
vicinis nostris iurgandi: utque hostes
nostri nobis illudant.

7. Deus exercituum restitue nos,
fac illucescere faciem tuam, & salvi
erimus.

8. Vitem ex Ægypto traduxisti,
quam ejectis Gentibus plantasti.

9. Repurgasti diligenter superfi-
ciem ejus, & quum radices suas egis-
set, terram occupavit.

10. Umbra ejus montes obtexit,
rami ejus cedros Dei.

11. Extendebat ad mare palmites
suos, & usque ad fluvium pampinos
suos.

12. Quare rupisti sepem ejus, ut
ex ea decerpant quicunque illac tran-
seunt?

13. Aper è saltu eam vastat, & o-
mnis generis feræ quæ in agris de-
gunt, eam depascuntur.

14. Deus exercituum redi obsecro,
intuere è coelis, aspice, & invise vi-
neam istam.

15. Vi-

15. Vitivarium quod plantavit dextera tua, & propaginem ipsam quam tibi roborasti.

16. Exusta est igni, amputataque: ab increpatione vultus tui peribunt.

17. Sit manus tua cum viro dexterae tuae, cum filio hominis quem tibi corroborasti.

18. Et non retroflectemus a te: dum vitam nobis restituis, in nomine tuo invocabimus.

19. O Domine Deus exercituum, restitue nos, fac illucescere faciem tuam, & salvi erimus.

81. *Asaphi praefecto cantorum super chorcularibus.*

Jubilate Deo robori nostro, cum canite Deo Jacob.

2. Sumite psalmum, date tympanum, citharam suavem cum nabo.

3. Clangite cornu nova luna, statodie sacrificii nostri.

4. Hic enim ritus est Israel, ius Deo Jacob.

5. Testi-

5. Testimonium hoc posuit in Joseph, quum exiret de terra Ægypti, ubi labium quod non cognoram, au-
diebam.

6. Subduxi oneri humerum ejus : & manus ejus ab ollis conficiendis transibant.

7. In angustiis invocabas me, & eripiebam te; clam per tonitru responderebam tibi : periculum tui faciebam ad aquas jurgii. Sela.

8. Audi, popule meus, contestabor enim te, ô Israel, si me audieris.

9. Non erit in te Deus alienus, neque adorabis Deum peregrinum.

10. Ego sum Dominus Deus tuus, qui eduxit te de terra Ægypti : dilata os tuum, & implebo illud.

11. At populus meus vocem meam non audivit, & Israel noluit me.

12. Permissi igitur eos libidini cordis ipsorum, ut irent juxta consilia sua.

13. O si populus meus audisset me, si Israel in viis meis ambulasset;

14. Quàm brevi inimicos eorum de-

jecissem, & contra infestantes eos vertissem manum meam.

15. Qui odio habent Dominum, essent illis serviliter supplices, ipsorum autem lævum perpetuum esset.

16. Et cibaret eum medulla tritici, & melle de petra te satiassem.

82. *Oda Asaphi.*

DEus constitit in cœtu Dei, in medio deorum judicem agit.

2. Quousque tandem inquires judicabitis iniquè, & facies impiorum fuscipietis? Sela.

3. Vindicate pauperem & pupillum, afflictum & miserum absolcite.

4. Eripite tenuem, & inopem de manu impiorum liberate.

5. Nihil nōrunt, nec intelligunt, in tenebris ambulant: nutant cuncta fundamenta terræ.

6. Equidem dixeram, vos dii estis, & vos omnes filii Excelsi:

7. Veruntamen sicut reliqui homines moriemini, & sicut unus ex principibus cadetis.

8. Sur-

8. Surge Deus, judica terram :
nam tibi universæ gentes hæreditario
jure debentur.

83. *Carmen Psalmi Asaphi.*

NE te in silentio contineas, ô Deus,
ne dissimules, neve cesses, ô De-
us.

2. Ecce enim hostes tui tumultu-
antur: & qui te odio habent, extollunt
caput.

3. Adversus populum tuum vafre
consultarunt, contra absconditos tuos
inierunt consilium.

4. Dixerunt, Agite, deleamus eos;
ne sint amplius gens, ut ne mentio
quidem sit ultra nominis Israelitici.

5. Quoniam unà ex corde conspi-
rarunt, foedus adversus te icêrunt.

6. Tentoria Edom, & Ismaelita-
rum, Moabitarum & Hagarenorum:

7. Gebalitæ, Ammonitæ, & Amale-
kitæ, Palæsthini cum Tyriis.

8. Assyrii quoque illis juncti sunt,
brachium fuerunt filiis Lot. Sela.

9. Fac

9. Fac illis ut Madianitis, ut Sisera
ut Jabin ad torrentem Kison.

10. Qui fracti sunt in Endor, facti
sterquilinium terræ.

11. Fac ut ipsi principesque eorum
habeant sicut Oreb & Zeeb, sicut Ze-
bah & Salmuna cuncti illorum duces.

12. Qui dixerunt, Vindicemus
nobis habitacula Dei.

13. Deus meus, redige huc illos
ut sint ceu rota, & ut stipula coram
vento.

14. Ut ignis incendens silvā, &
ut flamma montes comburens.

15. Sic persequitor eos procellis
tuis, & turbine tuo consterna illos.

16. Perfunde facies eorum igno-
minia, ut requirant nomen tuum, Do-
mine.

17. Pudefiant & consternantur in
omne ævum, pudore afficiantur &
pereant.

18. Ut cognoscant, quod tu, cujus
nomen Dominus, solus es excelsus
super omnem terram.

84. *Psalmus filiorum Corah prefecto cantorum ad torcularia.*

Quam sunt amabilia, ô Domine exercituum, tabernacula tua!

2. Ardet & etiam deperit anima mea ad atria Domini, cor meum & caro mea clamant ad Deum vivum.

3. Etiam passer invênit sibi domicilium, & hirundo nidum ubi reponat pullôs suos, nempe altaria tua; ô Domine virtutum, rex meus & Deus meus.

4. Beati qui in domo tua habitant; perpetuò te laudabunt. Sela.

5. Felices illi homines, quorum robur in te situm est, in quorum cordibus semitæ tuæ sunt.

6. Transeuntes vallem fletus, fontibus abundantem reddent, etiam piscinas replebit pluvia.

7. Ibunt de virtute in virtutem, comparebit quisque eorum apud Deum in Sion.

8. Domine Deus exercituum, exaudi

audi orationem meam, ausculta Deus Jacob. Sela.

9. Clypeus noster aspice Deus, & intuerere faciem uncti tui.

10. Quia potior est dies in atribus tuis quàm alibi mille: malo ad lumen desiderare domus Dei mei, quàm habitare in tentoriis impiorum.

11. Nam sol & clypeus est Dominus Deus, dabit Dominus gratiam & gloriam: nullo bono destituit eos qui in integritate ambulant.

12. O Domine exercituum, felix homo qui in te confidit.

85. *Psalmus filiorum Corah, præfatus
cantorum.*

PROPITIUS eris, ô Domine, terræ tuæ, captivitatem Jacob avertes.

2. Auferes iniquitatem populi tui, obteges cuncta ipsorum peccata. Sela.

3. Tolles omnem æstum tuum: fervorem iræ tuæ sedabis.

4. Restitue nos, Deus salutis nostræ, solve tuam erga nos indignationem.

5. Num

5. Num continenter succensebis nobis? ~~extrahes~~ **furorem** tuum in omne ævum?

6. An non miseres, qui conversus ~~vitæ~~ **nos restitues**, & populus tuus in te letabitur?

7. **Offende nobis, ô Domine, bonitatem tuam**, & salutem tuam da nobis.

8. **Audiam quid Dominus Deus loquatur**: quoniam loquetur pacem ad populum suum, & ad beneficos suos, ne recidat ad stultitiam.

9. Profecto salus ejus propè adest **is qui ipsam timeant**, ut inhabitet gloria in terra nostra.

10. Bonitas & veritas sibi invicem occurrent, **justitia & pax semutro osculabuntur**.

11. Fides è terra progerminabit, & **justitia è cælis prospiciet**.

12. Etiam Dominus dabit bonitatem, & **terra nostra reddet proventum suum**.

13. **Justitia anteambulat coram eo**, & ponet in via gressus suos.

86. *Precatio Davidis.*

PRæbe mihi, Domine, aurem tuam,
& annue mihi: nam afflictus sum
& miser.

2. Custodi vitam meam, quoniam
beneficus sum: serva tu, Deus meus,
servum tuum, qui in te confidit.

3. Beneficus esto mihi, ô Domine,
quoniam te quotidie invoco.

4. Exhilara animum servi tui:
nam ad te, ô Domine, animum meum
attollo.

5. Etenim tu, Domine, bonus es &
propitius, ampla bonitate in omnes
qui te invocant.

6. Ausculta, Domine, precationi
meæ, & attende voci deprecationis
meæ.

7. Quo die in angustiis sum, te in-
voco: nam soles mihi annuere.

8. Non est tibi, ô Domine, inter
Deos quisquam conferendus, nec est
qui faciat opera qualia tu facis.

9. Cunctæ Gentes quas fecisti ve-
nient,

nient, & adorabunt coram facie tua,
ô Domine, & nomen tuum cum gloria
prædicabunt.

10. Quandoquidem magnus tu,
quique stupenda edis facinora, tu
solus es Deus.

11. Dirige me, Domine, in viis tuis,
tunc ambulabo in veritate tua: coge
pectus meum, ut timeat nomen tuum.

12. Celebrabo te, Domine Deus
meus, ex toto corde meo, & nomen
tuum perpetuo cum gloria celebrabo.

13. Magna siquidem est in me bo-
nitas tua, & liberaſti animam meam
ex inferno inferiori.

14. Deus superbi inferreſerunt
adverſus me, & cœtus violentorum
quærunſt animam meam, & non pro-
poſuerunt te in conſpectu ſuo.

15. At tu, Domine Deus, pronus
es ad miſericordiam, propenſus ad
beneficentiam, tardus ad iram, multæ
bonitatis & fidei.

16. Reſpice ad me, beneficus eſto
mihi: da robur tuum ſervo tuo, &
ſerva filium arcillæ tuæ.

17. Ede signum aliquod bonitatis erga me tuæ: ut qui me odio habent, pudore suffundantur, quum viderint quod tu, ô Domine, me iuveris, & consolatus sis me.

87. *Psalmus & canticum filiorum Corah.*

Fundamenta ejus in montibus sanctis.

2. Diligit Dominus portas Sionis, præ omnibus tabernaculis Jacob.

3. Præclara in te dicuntur, ô civitas Dei. Sela.

4. Faciam meminisse Rahab & Babylonis, hos qui me noverunt, in Palæstina & Sor cum Æthiopibus, ille natus est in ea.

5. At de Sione dicetur, vir & vir natus est in ea, & ipse excelsus confirmat eum.

6. Dominus conscribendo numerabit populos, insignis ille natus est in ea. Sela.

7. Cantores simul cum ducentibus chorum, omnes scaturigines meæ in te.

88. Car.

88. *Carmen Psalmi filiorum Corah, prefetto cantorum de miseria ad affligendam, erudiens carmen ipsius Heman, Ezrahita.*

Domine Deus salus mea, die ac nocte clamo coram te.

2. Veniat precatio mea in conspectum tuum, inclina aurem tuam clamori meo.

3. Nam anima mea satiata est malis, & vita mea usque ad sepulchrum pertingit.

4. Quin jam reputor inter eos qui in foveam subeunt, sum ut vir cui nihil est virtutis.

5. Ut liber à rebus hujus vitæ annumeratus sum mortuis, velut interempti qui dormiunt in sepulchro, quorum nulla amplius superest memoria, quiq; à manu tua abscessi sunt.

6. Collocasti me in foveam inferiorem, in loca tenebrosa atque profunda.

7. Incubuit in me fervens indignatio tua, omnibus fluctibus tuis dejecisti me. Sela.

8. Effe-

8. Effecisti ut noti mei procul à me discederent : reddidisti me illis abominandum : conclusus sum, ut egredi non possim.

9. Dolet oculus meus præ afflictione ; invoco te, ô Domine, tota die, ad te expando manus meas.

10. Edísne admiranda facinora mortuis ? num mortui resurgent & celebrabunt te ? Sela.

11. Num annuntiabitur in sepulchro, bonitas tua ? aut fides tua in interitu ?

12. Num cognoscentur mirabilia tua, in tenebris, aut justitia tua in terra, ubi omnium rerum est oblivio ?

13. At ego ad te, ô Domine, clamavi, & oratio mea manè te præveniet.

14. Cur repellis animam meam, ô Domine, & abscondis à me faciem tuam ?

15. Afflictus ego sum, & tantum non animam ago ab adolescentia : & animi dubius terrores tuos fero.

16. Super me transierunt furores

tui, & terrores tui me confecerunt.

17. Circumdederunt me inquam
velut aquæ quotidie, cinxerunt me
pariter.

18. Effecisti ut procul à me sint
amici & proximi, ut noti mei sint in
tenebris.

89. *Erudiens Ethan Ezrahitæ.*

Bonitates Domini perpetuò ca-
dam, fidem tuam ore meo notam
faciam in omne ævum.

29. Sic enim apud me statui, Boni-
tas tua perpetuò ædificabitur, in ipsis
cœlis fidem tuam confirmasti.

3. Repigi fœdus cum electo meo,
juravi Davidi servo meo.

4. Semen tuum in æternum con-
firmabo, & stabiliam folium tuum ad
omnem posteritatem. Sela.

5. Cœli admiranda facinora tua
celebrant, ò Domine, quin & fidem
tuam in cœtu sanctorum.

6. Quis enim in æthere æquabitur
Domino? aut quis inter filios fortium
Domino assimiletur?

7. Deus vehementer formidandus in concilio sanctorum, & tremendus super omnes qui circum ipsum sunt.

8. Domine Deus exercituum, quis ut tu, præstans virtute, ô existens? omnia circum te, fides sunt.

9. Tu potestatem exerces in fastum maris; quum attollit fluctus suos, tu compescis eos.

10. Tu contudisti tanquam cadaver superbum: brachio roboris tui disperdisti inimicos tuos.

11. Tui sunt cœli, & tua est terra, orbem, & quidquid in eo est, tu fundasti.

12. Aquilonem & Meridie tu condidisti, Tabor & Mermon in nomine tuo ovabunt.

13. Tu brachium habes omnipotentia præditum, roboras manum tuam, attollis dexteram tuam.

14. Justitia & æquitate stabilitum est regale solium tuum: bonitas & fides antecedunt faciem tuam.

15. O igitur felicem populum, qui agnoscit clangorem: ô Domine, ra-

les in lumine vultus tui incendent.

16. In nomine tuo quotidie exultabunt, & in iustitia tua sese attollent.

17. Tu enim dedus es fortitudinis eorum, & pro benevolentia tua extolles cornu nostrum.

18. Quoniam Domini est elypeus noster, & Sancti Israelis rex noster.

19. Tum loquutus es per visum bonis tuis, & dixisti:

20. Auxilium suppeditabo heroi, extuli electum è populo.

21. Inveni Davidem servum meum, oleo mico sancto unxi eum.

22. Ut manus mea firma esset eum, & brachium meum roboraret eum.

23. Hostis non imponent ei, pravus non affliget eum.

24. Imo conteram ante faciem ejus hostes ejus, & odientes illum conficiam.

25. Fides mea & bonitas mea cum ipso erit.

26. Penam in mari manuum ejus, & in fluminibus dexteram ejus.

27. Ipse

27. Ipse invocabit me, dicens, Pater meus es tu, Deus meus, & petra salutis meæ.

28. Etiam ego primogenitum constituam illum, celliorem regibus terræ.

29. In sempiternum custodiam illi bonitatem meam, & fœdus meum firmum ei permanebit.

30. Efficiam ut perpetuum sit semen ejus, & folium ejus sicut dies cœli.

31. Si filii ejus legem meam deseruerint, & in judiciis meis non ambulaverint;

32. Si statuta mea profanarint, & præcepta mea non custodierint;

33. Prævaricationes eorum virga visitabo, & iniquitates eorum flagellis.

34. At bonitatem meam non auferam ab eo, nec fallam illi fidem meam.

35. Non profanabo fœdus meum, quódque egressum est de labiis meis, nunquam mutabo.

36. Se-

36. Semel per sanctitatem meam
juravi, haudquaquam Davidem fese-
leram.

37. Semen ejus in æternum erit,
solum ejus coram me ut sol persta-
bit.

38. Firmum ut luna manebit, quæ
est certus in æthere testis, Sela.

39. At tu repulisti, averfatus es,
succensusque irâ contra Christum tu-
um.

40. Dissolvisti foedus quod cum
servo tuo pepigisti, humi contaminasti
diadema ejus.

41. Dirupisti omnes sepes ejus,
munitiones ejus contrivisti.

42. Diripiunt eum quicunque tran-
seunt viam, opprobrio factus est vici-
nis suis.

43. Extulisti dexteram eorum qui
ei infesti sunt, cunctos hostes ejus ex-
hilarasti.

44. Etiam retudisti aciem gladii
ejus, nec superiorem fecisti eum in
in prælio.

45. Effecisti ut cessarit dignitas e-
jus,

jus, & folium ejus in terram collidisti.

46. Præcidisti dies juventutis ejus, obtexisti eum ignominia. Sela.

47. Quousque absconderis, ô Domine, anne in perpetuum? ardebitne ut ignis fervens indignatio tua?

48. Memor sis quantuli ævi ego sim: num frustra condideris universos homines?

49. Quis enim vir est qui vivat, & non moriatur? qui eripiat vitam suam à violentia sepulchri? Sela.

50. Ubi sunt, ô Domine, bonitates tuæ pristinae, quas Davidi ex fide tua jurasti?

51. Memor sis, ô Domine, opprobrii quod ferunt servi tui: tuli in sinu meo cuncta opprobria multorum populorum.

52. Quibus nos affecerunt inimici tui, ô Domine, quibus affecerunt vestigia Christi tui.

53. Laudandus Dominus in æternum. Amen & Amen.

90. *Oratio Moſis viri Dei.*

Domine tu habitaculum nobis
fuiſti per omnia ſecula.

2. Priuſquam montes naſcerentur,
& terra formaretur ac orbis, à ſecul-
lis uſque ad ſecula tu es Deus.

3. Tu reduciſ hominem donec con-
teratur, ac tum dicis, Revertimini, &
mortales.

4. Nam mille anni coram te ſunt
ut dies heſternus qui præterit, inſiſtunt
noctis vigilia.

5. Ceu nimbum dilabi illos impe-
tu quodam facis, ſunt velut ſomnium,
manè velut herba immutantur;

6. Quæ manè floret, ac vires ac-
cipit, veſperi arefacta reſecatur.

7. Etenim irâ tuâ deficimus, & fer-
vente indignatione tuâ terremur.

8. Iniquitates noſtras in conſpec-
tum tuum collocaſti, occulta noſtra
in lumen faciei tuæ.

9. Nam cuncti dies noſtri te iras-
cente dilabuntur, annos noſtros fini-
mus dicto citiùs.

10. Dies

10. Dies annorum nostrorum quibus vivimus, anni sunt septuaginta, aut ad summum octoginta: iam praestantissimum horum labor est & molestia: velociter transiit, nosque avolumus.

11. Quis vim irae tuae novit? utte quique timent, ita in eos indignatio tua saevit.

12. Ut ergo dierum nostrorum numerum sciamus, tu nobis planè indica, ut sapientiae animam intendamus.

13. Redi, ô Domine, quousque? placare servis tuis.

14. Saria nos mane bonitate tua, ovabimus & lætabimur cunctis diebus nostris.

15. Exhilara nos pro diebus quibus nos afflixisti, pro annis quibus mala sumus experti.

16. Effulgeat in servis tuis opus tuum, gloriâque tua in filiis eorum appareat.

17. Et decor Domini Dei nostri adsit nobis, & opus manuum nostrarum

rum in
manu

SEd
Sbr

2.

& arx

3.

peste

4.

eius t

quam

5.

tibi a

gitta

6.

grassa

meri

7.

& a

tame

8.

vide

quon

rum in nobis confirma, opus inquam
manuum nostrarum confirma.

Psal. 91.

Sedens in abdito Excelsi, sub um-
bra omnipotentis commoratur.

2. Dicam Domino, Asylum meum
& arx mea, Deo meo nitar.

3. Nam is à laqueo venatoris, & à
peste exitiali te liberabit :

4. Alis suis te obteget, sub pennis
ejus tutus eris, tectus fide ejus tan-
quam lanceâ & parmâ.

5. Ut neque nocte metuendum sit
tibi à terroribus, neque interdiu à sa-
gitta volante.

6. Non à peste quæ in obscuro
grassatur, non ab exterminio vastante
meridie.

7. Cadant licet à latere tuo mille,
& à dexteris tuis decem millia, ad te
tamen non pertinet.

8. Duntaxat talionem impiis reddi
videbis, & inspicies tuis ipsius oculis:
quoniam tu, ô Domine, asylum mihi

es

es quo nitor, in edito collocasti habitationem tuam :

9. Non accidet tibi malum, neque plaga tabernaculo tuo. appropinquabit.

10. Nam angelis suis tuâ causâ præcipiet, ut in omnibus viis tuis te custodiant.

11. Manibus te gestabunt, ne ad lapidem pes tuus impingat.

12. Pardum calcabis & aspidem, conculcabis leunculum atque draconem.

13. Quandoquidem me amplexus est, eruiam eum, superiorem eum faciam : agnovit enim nomen meum.

14. Me invocabit, ideo eum exaudiam, adero ei in afflictione : eripiam eum, & gloriosum eum reddam.

15. Vitâ longævâ satiabo eum, & exhibebo ei salutem meam.

Psal. 92. Oda carminis ad diem sabbathi.

Commodum nunc est celebrare Dominum, & psallere nomini tuo, ô Altissime; 2. Præ-

2. Prædicare manè bonitatem tuam, & fidem tuam in noctibus,

3. Ad decachordum, ad nablum, ad higgsion, cum cithara.

4. Tu enim, ô Domine, operibus tuis me exhilaras, in factis manuum tuarum ovabo.

5. Quàm magna sunt facta tua, ô Domine, vehementer profunda confilia tua,

6. Vir stupilus istuc non cognoscit, neque stultus intelligit.

7. Quòd quum impii sicut herba germinant, in hoc floreant cuncti facinorosi, ut in perpetuum excindantur.

8. Tu autem excelsus es in sempiternam, ô Domine.

9. Nam ecce inimici tui, ô Domine, ecce inquam inimici tui pereunt, disperduntur quicunque dediti sunt iniquitati.

10. Meum verò cornu extolletur ut monocerotis, tunc delibutus ero oleo virenti:

11. Et videbit optata oculus meus.

in

in insidiantibus mihi: audiet de his
qui in me insurgunt, grata auris mea.

12. Justus ut palma florebit, & sicut cedrus in Libano in altum succrescet.

13. Plantati in domo Domini, in atriis Dei nostri florebunt.

14. Adhuc in fenestra germinabunt, succulenti & virentes.

15. Ad prædicandum, quod æquus sit Dominus, petra mea, neque ulla sit in eo pravitas.

Psal. 93.

Dominus rex est, induit celsitudinem, induit inquam Dominus robur, seque accinxit: quin & orbis sic firmatus est, ut non nutet.

2. Jam inde ab exordio constitutum est solium tuum: nam tu ab æterno es.

3. Sustulerunt flumina, ò Domine, sustulerunt inquam flumina strepitum suum, sustulerunt flumina fluctus suos.

4. At

4. rum in
ris ad
nus, qu

5. C
domo
firma
longiss

D
2. A
tatione

3. usque
4. jactab

5. runt,
dicat

6. pupil
7. videt

4. At plus quàm strepitus aquarum immanium, procellarumque maris admirabilium, potens est Dominus, qui in excelso præsidet.

5. Quæ enim tu testatus es super domo tua pulchra & sancta, vera, & firma permanebunt, ô Domine, in longissima tempora.

Psal. 94.

Domine Deus scelerum ultor, Deus ultor, conspicuus appare.

2. Attolle te, ô iudex terræ, redde talionem superbis.

3. Quousque impii Domine, quousque impii petulanter exultabunt,

4. Effugient, loquentur grandia, jactabunt sese omnes flagitiosi.

5. Populum tuum, Domine, attulerunt, & quos tibi hæreditario jure vendicasti, affligunt.

6. Viduas & advenas occidunt, & pupillos interimunt.

7. Interim dicunt, Dominus non videt, neque Deus Jacob intelligit.

8. In-

8. Intelligite stupidi in populo, & stulti quando demum sapietis?

9. Is qui aurem condidit, quomodo non audiret? qui oculum finxit, quo pacto non videret?

10. Qui toties Gentes corripit, quique homines scientiam docet, vos non argueret?

11. Novit Dominus cogitationes hominum vanas esse.

12. Felix vir quem tu, ô Domine, castigaveris, & quem in lege tua institueris.

13. Ut tranquillitatem illi pares a tempore adverso, dum interiam impius foditur fovea.

14. Non enim abiciet Dominus populum suum: & quos sibi in hereditatem assumpsit, non deseret.

15. Donec ad iustitiæ normam restituat iudicium, hanc sectabuntur omnes qui recto sunt corde.

16. Quis consurgat pro me contra impios? aut quis consistat mecum contra sceleratos?

17. Nisi Dominus auxillo mihi fuisset,

isset, anima

18. est pes me sust

19. auram meam

20. est cur dione

21. iusti, tatis d

22. Deus

23. ipsos eos pr

oil

A

2. mus,

isset, brevius apud inferos habitasset
anima mea.

18. Quam dicerem, nunc lapsus
est pes meus, bonitas tua, ô Domine,
me sustentabat.

19. Pro æstu multarum cogitatio-
num intra me, recreârunt animam
meam consolationes tuæ.

20. Num tibi quidquam commune
est cum solio tyrannico, quod afflic-
tionem fingit prætextu legis?

21. Concurfant adversus animam
iusti, & sanguinem innoxium impie-
tatis damnant.

22. At Dominus pro arce est mihi,
Deus meus petra in qua fido.

23. Et rependet illis iniquitatem
ipsorum, & in malitia eorum perdet
ipsum; Dominus inquam Deus noster
eos perdet.

Psalm. 95.

Adeste, oremus Domino, petras
salutis nostræ jubilemus.

2. Laude faciem ejus anteverta-
mus, odium ei jubilemus.

3. Nam

3. Nam Dominus Deus magnus est, & rex magnus præ omnibus diis.

4. In cujus manu sunt abstrusissima terræ, ejus sunt montium cacumina.

5. Cujus est mare: nam fecit illud, & continentem manus ejus finxerunt.

6. Agite ergo prosternamur, incurvi procumbamus, genua submitramus, ante conspectum Domini factoris nostri.

7. Nam ipse est Deus noster, nos verò populus pascuorum ejus, & grex manus ejus: si hodiè vocem ejus auscultaveritis.

8. Ne induretis cor vestrum, ut in Meriba, ut in die Nasa in deserto.

9. Quùm patres vestri me tentarunt, explorârunt me, ac etiam viderunt opera mea.

10. Annos quadraginta cum tædio pertuli gentem illam, ita ut dicerem, Populus iste corde errat ipsique vias meas ignorant.

11. Qui.

Quibus iuravi iratus, nunquam ingredientur in requiem meam.

Psal. 96.

Canite Domino canticum novum,
canite Domino quicunque habitatis terram.

2. Cantate Domino, laudate nomen ejus, evangelizate singulis diebus salutem ejus.

3. Gloriam ejus inter Gentes ipsas narrate, stupenda ejus facta in omnibus populis.

4. Nam magnus est Dominus, & plurima laude dignus, tremendus ipse præ omnibus diis.

5. Siquidem cuncti dii populorum nihili sunt: at Dominus cælos condidit.

6. Coram ipso decus est & honor, potentia & magnificentia in sanctuario suo.

7. Propterea tribuite Domino familiæ populorum, tribuite Domino gloriam ac potentiam.

8. Tribuite Domino gloriam nomine

mine ejus dignam, ferte munus, & venite in atria ejus.

9. Prostermite vos Domino in magnifico & splendido sacrario ejus, metuite ab ipso quotquot in terra habitatis.

10. Dicite in Gentibus, Dominus regnat, & orbis firmabitur ne nutet, jus dicet populis cum æquitate.

11. Lætentur coeli, exultet terra, reboet mare, & quidquid est in eo.

12. Exultet ager, & quidquid in eo continetur: tum quoque euntes arbores saltus ovent;

13. Coram Domino, quoniam venit: nam venit ut terram judicet, & dicet orbem in iustitia, & populos ex fide.

Psal. 97.

Dominus regnat, exultet terra, insularum multitudo lætetur.

2. Nubes & caligo circum eum sunt: iustitia & æquitas sunt firmamentum throni ipsius.

3. Ignis ante eum præcedet, ut circum-

circum-

4. F.

vidit &

5. M.

inqua-

inqua-

6. A.

jus, &

derunt

7. F.

idola c-

tur, pro-

8. L.

exulta-

judicia

9. N.

inibus

super o-

10.

um, o-

animas

castodi-

eripit.

11.

tegro f-

12.

circumquaque hostes ejus inflammet.

4. Fulgura ejus orbem illustrant: vidit & dolore consternata est terra.

5. Montes à conspectu Domini inquam cera colliquecebant, à facie inquam Dominatoris universæ terre.

6. Annuntiaverunt coeli justitiam ejus, & cuncti populi gratiam ejus viderunt.

7. Pudeant propterea quotquot idola colunt, & in diis nihili gloriantur, procumbite coram eo dii universi.

8. Audivit, & gavisa est Sion, exultaveruntque filiae Juda propter judicia tua, o Domine.

9. Nam tu, Domine, excellior es omnibus quæ in terra sunt, plurimam super omnes Deos exaltatus.

10. Propterea qui amatis Dominum, odio habere malitiam: nam ille animas suorum qui bonitati student custodit, neque manum impiorum eos eripit.

11. Lux facta est justis, & iis qui in tenebris sunt corde lætitia.

12. Lætamini iusti in Domino, &

K

gratu-

gratulamini in commemoratione sanctitatis eius.

Psal. 98. Canticum.

CANITE Domino canticum novum: Cnam admiranda facinora patravit, salutem sibi paravit sola dextra sua, & brachio suo sancto.

2. Notam fecit Dominus salutem suam, in Gentium oculis iustitiam suam revelavit.

3. Memor fuit bonitatis suæ & fidei erga Domum Israelis: vident omnes fines terræ Salutem Dei nostri.

4. Jubilate Domino omnis terra, erumpite in vocem: ovate & psallite.

5. Psallite Domino cithara, citharæ vocem psalmi jungite:

6. Psallite inquam tubis & sonitu buccinæ, jubilate coram rege Domino.

7. Reboet mare & quidquid in eo continetur: orbis & qui eum inhabitant.

8. Flumina manu plaudant, & mulque montes ovent,

9. Coram

9.
judic
ex ju

D
rubin

2.
& sup

3.
gnum
sancti

4.
tu æq
strum

5. I
strum
pedur

6.
dotes
cant r

minu

7.
cos,

9. Coram Domino, quia venit ad
judicandum terram, judicabit orbem
ex iustitia, & populos ex æquitate.

Psal. 99.

Domino regnante, cum tumultu
populi concurrunt: insidet Che-
rubin, terra movetur.

2. Dominus in Sion magnus est,
& super omnes populos sublimis.

3. Celebrent nomen tuum: ma-
gnum enim & tremendum, quia sacro-
sanctum est.

4. Robur regis æquitatem diligit:
tu æquitates præparasti, tu quod ju-
stum & æquum est facis in Jacob.

5. Exaltate Dominum Deum no-
strum, & prosternite vos ad scabellum
pedum ipsius: sanctus enim est.

6. Moses & Aharon inter sacer-
dotes ejus, Samuel inter eos qui invo-
cant nomen ejus: clamabant ad Do-
minum, & exaudiebat eos.

7. E columna nubis alloquebatur
eos, quia contestationem & ceremo-

nias quas dederat eis, observabant.

8. Domine Deus noster tu exaudiebas eos, tu eras eis Deus indulgens, studia quoque eorum vindicans.

9. Exaltate Dominum Deum nostrum, & prosternite vos ad montem sanctitatis ejus: est enim sacrosanctus Dominus Deus noster.

Psal. 100. Psalmus ad laudem.

Jubilate Domino omnis terra.

2. Colite Dominum in lætitia, venite in conspectum ejus ovantes.

3. Agnoscite quod Dominus est Deus, ipse nos fecit, & non ipsi, nos: sumus populus ejus, & grex pascuorum ejus.

4. Ingredimini portas ejus gratias acturi, & atria ejus cantaturi laudes; celebrate illum, & nomen ejus laudate.

5. Quoniam bonus est Dominus, bonitasque ejus infinita est; fidesque ejus in omnes ætates.

101. *Psalmus Davidis.*

Bonitatem & iudicium canam, tibi
Domine psallam.

2. Prudenter me geram in via integra, donec ad me venias, domi meæ in cordis integritate versabor.

3. Scelus nefarium ante oculos meos quod designem, non proponam: defectores odio prosequari, nec unquam mihi adhærescent.

4. Cor perversum faceſſat à me, malitiosum non agnoscam.

5. Qui clàm obtreſcat proximo ſuo, eum funditus perdam: qui clatis eſt ſuperciliis, animoque arroganti, hunc non feram.

6. Oculi mei intenti erunt ad eos qui in terra veritati ſtudent, ut mecum verſentur: qui in via innocentiae ambulat, mihi miniſtrabit.

7. Non habitabit domi meæ qui dolum facit: qui mendacia loquitur, nihil firmi apud me habebit.

8. Mature perdam omnes impios
K 3 terræ,

terræ, ut è civitate omnes facinorosi excindantur.

*Psal. 102. Precatio humili congruens;
quum anxius est, ac suam querimoni-
am effundit coram Domino.*

Domine, exaudi precationem meam, & clamor meus ad te perveniat.

2. Ne mihi abscondas faciem tuam, sed præbeas aurem tuam quum angustia me premit, & citò mihi annue quum te invoco.

3. Dies enim mei absumpti sunt ut fumus, & ossa mea ut focus exusta sunt.

4. Effectum est ut cor meum percussum exarescat sicut fœnum, usque adeò ut sim oblitus cibum capere.

5. Ossa etiam mea & caro mea co-hærescunt præ gemitibus meis :

6. Similisque factus sum onocrotalo gaudenti solitudine, ac buboni agenti in locis desertis.

7. Vigilo equidem, & similis sum passeri

passeris seorsim agenti in tecto.

8. Quotidiè namque inimici mei
probris me incessunt, & glorientes de
me per me jurant.

9. Nam cinerem ut panem come-
di, & potum meum fletu miscui.

10. Ob indignationem tuam &
iracundiam tuam, quia me altè sub-
latum afflixisti.

11. Mei dies inclinaverunt tan-
quam umbra, & ego ut fœnum exa-
rui.

12. Tu autem, Domine, in æternum
permanes, & memoria tua sempi-
ternis temporibus.

13. Tu itaque exurgens miserea-
ris ipsius Sion: quia tempus illi be-
nefaciendi, quia præfinitum tempus
advenit.

14. Nam servi tui afficiuntur fa-
vore in lapides ejus, & pulverem e-
jus evehere cupiunt.

15. Timeantque Gentes nomen
Domini, & omnes reges terræ maje-
statem tuam.

16. Quia Dominus ædificabit Si-

on, & visus est in sua maiestate.

17. Ac rationem habuit precationis humilium, neque precationem eorum spreuit.

18. Quod quidem literarum monumentis transmittetur ad posteros, & populus, qui creabitur, laudabit Deum.

19. Siquidem prospicit & sublimis sanctuario suo, & terram intuetur Dominus ex cælo.

20. Ut audiat gemitum victi, & vinculis eripiat morti addictos.

21. Ut celebrent homines nomen Domini in Sion, & laudem ejus in Jerusalem.

22. Quando simul congregabuntur populi & regna, ut colant Dominum.

23. Afflixit autem in via meas vires, atque præscidit dies meos.

24. Dicam ergo, mi Deus, ne tol-las me in media ætate mea: Nam tui quidem anni sempiternis temporibus existunt.

25. Nam primum terræ fundamen-

ta jec-
tuar-
26.
stas;
cent;
tur.

27.
& an-
28.
moru-
metu-

PR
or
sanct-
2.
& ne-
tulit.

3.
tes t-
tuos.
4.
tuam
tate
5.

ta iecisti, & coeli sunt opus manuum
tuarum,

26. Quæ interibunt, tu autem per-
stas; & universa quæ vestis veteras-
cent, teque immutante illa immutan-
tur.

27. Verum tu idem es perpetuo,
& anni tui non finiuntur.

28. Permaneant & filii servorum
tuorum, eorumque semen ante te fir-
metur.

Psal. 103. Davidis.

Prædica Dominum anima mea, &
omnia viscera mea nomen ejus
sanctissimum.

2. Prædica Dominum anima mea,
& ne obliviscere omnia quæ in te con-
tulit.

3. Qui condonat omnes iniquita-
tes tuas, qui sanat omnes morbos
tuos.

4. Qui vindicat ab interfici vim
tuam, & undique te cumulat benigni-
tate & misericordia.

5. Et os tuum suavitate implet, ut

recuperes juventam tuam sicut aquila.

6. Dominus iudicium & iustitiam reddit omnibus oppressis.

7. Et monstravit Mosi vias suas, suaque studia filiis Israel.

8. Misericors est & beneficus Dominus, patiens etiam, & magnæ benignitatis :

9. Qui non perpetuò solet litigare, neque æternum retinet memoriam acceptæ injuriæ.

10. Non tractat nos pro peccatis nostris, neque rependit nobis quod iniquitates nostræ merentur.

11. Nam quanto intervallo cælum altius est terrâ, tantum prævalet benignitas ejus erga timentes ipsum.

12. Et quàm longè distat Ortus solis ab Occasu, tam longè removit à nobis scelera nostra.

13. Utque pater miseretur liberorum, ita Dominus miseretur timentium eum.

14. Ipse enim novit conditionem nostram, recordans quòd simus pulvis.

15. Ho.

15. Hominis ætas scæno similis est,
florétque ut flos in agro;

16. Qui nullus erit, quum eum
ventus pervaserit, neque homines lo-
ci ejus agnoscent eum.

17. Domini autem benignitas er-
ga timentes eum durat ab æterno in
sempiternum tempus, & ejus justitia
usque ad filios filiorum;

18. Qui servant fœdus ejus, &
memores sunt constitutionum illius,
ut eas perficiant.

19. Dominus in cœlo paravit so-
lium suum, ejusque regnum domina-
tûr omnibus.

20. Prædicate Dominum Angeli
ejus, qui pollentes virtute exequimini
ejus negotia obediendo voci verbo-
rum ejus.

21. Prædicate Dominum omnes
illius exercitus, qui quum administri
ejus sitis, perficitis ipsius voluntatem,

22. Prædicate Dominum omnia
ipsius opera in omnibus locis sui Do-
minii: anima mea prædica Domi-
num.

Psal.

Psal. 104.

A Nima mea prædica Dominum:
Domine Deus meus rebus ge-
stis maximus es, & gloriam atque
decus induisti.

2. Luce namque amictus esti tan-
quam vestimento, & cœlos ut corti-
nam extendit.

3. Qui cœnacula sua contignavit
in aquis, posuitque naves suum vehi-
culum, & volat pennis venti.

4. Qui legatos efficit spiritus, &
ministros suos ignem flammantem.

5. Terramque fundavit suis basi-
bus, ut sempiternis temporibus non
moveatur.

6. Abyssum quoque occultavit
quasi vestimento, ut supra montes
stent aquæ.

7. Quæ fugiunt ab increpatione
tua, & à sono tonitrus tui præcipites
feruntur.

8. Ascenduntque montes, & in val-
les descendunt, ad eum locum quem
eis fundasti.

9. Ter-

9. Terminumque præstitisti illis aquis, quem transgredi nequeunt, ne iterum terram operiant.

10. Et emittis fontes qui fiant torrentes, ut inter montes decurrant :

11. Ut potent feræ omnes, & onagri levant sitim suam;

12. Et juxta eos fontes degant aves cœli, quæ inter ramos arborum vocem edunt.

13. Qui rigat montes è suis cœnaculis, & de fructu operum ejus saturabit terra;

14. Et producit fœnum pecori, & herbam ad usum hominis, ut proferat panem de terra;

15. Et vinum, quod exhilaret cor hominis, & oleum quod nitidam reddat faciem, & panem qui cordi vires subministret.

16. Arboreſque Domini succo abundant, & Cedri in Libano quas plantavit;

17. Ubi aves nidificant, & ciconiæ, quarum domus est in abietibus.

18. Celfos montes ibicibus, & petras

tras dedit confugium alpinis muribus.

19. Lunam fecit ut tempora distinguat, & sol novit suum occasum.

20. Quum tenebras inducit, fit nox, in qua omnes feræ silvestres prodeunt.

21. Quemadmodum leonis catuli rugiunt ad prædam, & ut quærant cibum suum à Deo sibi paratum.

22. Ubi sol ortus est, sese recipiunt, & in cubilia sua cubitum eunt.

23. Homo autem aggreditur opus suum, & negotio suo instat usque ad vesperam.

24. Quanta sunt opera tua, Domine, quæ universa fecisti per sapientiam! estque terra plena tuis possessionibus.

25. Ipsum mare vastum & latissimum est, ubi reptilia innumera sunt, animalia tum parva, tum magna.

26. Illic eunt naves, & ista balena quam formasti ut in eo ludat.

27. Universa autem ex te pendent, ut eis cibum suum des suo tempore:

28. Té-

28. Téque dante colligunt, & te
manum aperiente satiantur bonis.

29. Si autem abscondas faciem
tuam turbantur: sique spiritum eis
eripias expirant, & revertuntur in
suum pulverem.

30. Rursum animalia creantur, si
tuum spiritum mittas, & renoves
terræ faciem.

31. Sit Domini majestas æterna, &
gaudeat Dominus operibus suis.

32. Quo prospiciente in terram,
illa tremit, quo tangente montes, illi
fumant.

33. Canam igitur Domino quoad
vivam, & psallam Deo meo quam-
diu superstes ero.

34. Eritque sermo meus de illo
dulcis, & ego de Domino gaudebo.

35. Conficientur autem peccato-
res de terra, neque amplius impii su-
pererunt; prædica igitur Dominum
anima mea: hallelu-ja.

Psal. 105.

Confitemini Domino, invocate nomen ejus, & studia illius edoce te inter populos.

2. Ipsum canite, & ipsi psallite, deque illius miraculis sermones habete.

3. Gloriamini in ejus sanctissimo nomine: sitque lætum cor quærentium Dominum.

4. Inquire Dominum & ejus potentiam, semperque faciem ejus quærite.

5. Cogitate res mirandas quas gessit, & illius portenta, & judicia oris ejus.

6. O semen Abrahami cultoris ipsius, ô filii Jacobi, homines ipsius electissimi.

7. Ipse est Dominus Deus noster, ejus judicia extant in tota terra.

8. Perpetuò enim meminit sui fœderis: & verbi quod mandavit, in mille ætates.

9. Quod sanxit fœdere ic̃to cum Abra-

Abra
obstr
10
esset
fœdu
11
naor
ria fo
12
pauc
ca in
13
alian
ad al
14
ut q
rege
15
bom
mali
16
bora
com
17
ven
18

Abrahamo, & juramento quo se Isaac obstrinxit.

10. Namque rem confirmavit, ut esset Jacobo decretum, & Israeli in foedus sempiternum:

11. Dicens, Tibi tradam Chananaeorum terram, ut sit tibi hæreditaria fors.

12. Itaque quum essent numero pauci, & exigua familia, & peregrinica in terra,

13. Et migrarent de una gente ad aliam gentem, & de regno quopiam ad alium populum;

14. Non permisit homini cuiquam ut eos opprimeret, ac propter eos reges coarguit:

15. Cum diceret, Ne attingatis homines mihi consecratos, & nihil mali prophetis meis inferatis.

16. Et evocavit famem, ut eam laboraret terra, & omnem annonam compressit.

17. Eisque præmisit virum; Joseph venditus est in servitutem.

18. Cujus pedes constrinxerunt

com-

compede, & in ferro periclitata est anima ejus :

19. Donec venit verbum ejus, & eloquium Domini conflando exploravit eum.

20. Tunc enim nuntio misso rex eripuit eum, & dominator populorum solvit eum :

21. Eumque dominum constituit domus suæ, & qui dominaretur in universa ipsius possessione :

22. Ut vinciret principes ejus pro suo arbitratu, & seniores ipsius sapientiam doceret.

23. Itaque Israel ingressus est Ægyptum, & Jacob peregrinus egit in terra Cham.

24. Et valdè quidem Deus auxit populum suum, & potentiorē fecit eum suis hostibus.

25. Vertitque cor eorum in odium sui populi, ut dolum commolirentur in servos ipsius.

26. Misit autem Moſen servum suum, & Aharonem quem elegerat.

27. Qui prodigiosa ipsius negotia gesse-

gesser
terra

28
omnia
verbo

29
nem,

30
ranas
trans

31
mnis
omne

32
grana
in ipſ

33
ficus
per

34
locu

35
in i
sunt

36
mog

gesserunt inter eos, & portenta in terra Cham.

28. Et immisit tenebras quibus omnia obscuravit, neque reluctati sunt verbo ejus.

29. Aquas eorum vertit in sanguinem, & ita occidit pisces eorum.

30. Edidit quoque terra eorum ranas, in regum arcanissima loca penetrantes.

31. Ejus etiam jussu venerunt omnis generis insecta, & pediculi per omnes fines eorum.

32. Et pro pluviis eorum dedit grandinem, & ignem flammantem in ipsorum terra.

33. Percussitque vites eorum & ficus eorum, & confregit arbores per ipsorum fines.

34. Ejus quoque jussu venerunt locustæ & innumeri bruchi;

35. Qui depasti sunt omnes herbas in ipsorum regione, depasti etiam sunt fructus telluris ipsorum.

36. Occidit denique omnia primogenita in regione ipsorum, primitias

mitias videlicet universæ virtutis eorum.

37. Et eduxit eos onustos argento & auro, nec quisquam fuit infirmus in tribubus ejus Israelis.

38. Estque Ægyptus lætata quum exirent, quia forinido eorum invaserat eos.

39. Expandit quoque nubem pro velo, & ignem qui noctu luceret.

40. Populo petente adduxit Deus coturnices, & pane cœlesti saturavit eos.

41. Postremo aquæ profluxerunt a pecto saxo, quæ decurrerunt per loca arentia ut flumen.

42. Memor enim fuit sui verbi sanctissimi ad Abrahamum cultorem suum.

43. Et eduxit populum suum cum lætitia, & delectos suos homines cum júbilo.

44. Actradidit eis regiones Gentium, ut possiderent labore populorum conquisita.

45. Nimirum ut servarent decreta
ejus,

ejus,
lu-ja

C
ipfius

2.
Don
fam

3.
& fa

4.
vore
ratio

5
hom
diur
cum

6.
ftri

7.
ter
gyp
mor

ejus, & leges ipsius tenerent: hallelu-
ja.

Psalm. 106. Halleluja.

Confitemini Domino quoniam bonus est, quoniam sempiterna est ipsius benignitas.

2. Quis enuntiaret fortia facta Domini? aut quis promeret universam laudem ipsius?

3. O beatos qui servant iudicium, & faciunt semper quod justum est.

4. Memento mei, Domine, per favorem erga tuum populum, meique rationem habeto per tuam salutem.

5. Ut videam bonum electis tuis hominibus paratum, & gaudeam gaudium gentium tuarum, & glorier cum hæditarario tuo populo.

6. Peccavimus æquè ut patres nostri, egimus iniquè, impia gessimus.

7. Nam patres nostri non prudenter perpendêrunt miracula tua in Ægypto, neque memores fuerunt maximorum beneficiorum tuorum, & im-
morigeri

morigeri fuerunt ad mare, ad mare inquam rubrum.

8. Servavit tamen eos propter nomen suum, ut notiozem faceret fortitudinem suam.

9. Increpuitque Mare rubrum, ut exaresceret, ac traduxit eos per abyssum tanquam per desertum:

10. Et servavit eos eripiens manu hostili, ac vindicavit eos à manu inimici.

11. Aquæ autem operuerunt hostes eorum, ita ut ne unus quidem superstes relinqueretur.

12. Tuncque fidem adhibuerunt verbis ejus, ut decantarent laudem ipsius.

13. Verùm confestim obliti sunt opera ejus, neque morati sunt consilium ejus.

14. Et concupiscentiâ exarserunt in ipso deserto, ac tentaverunt Deum in solitudine.

15. Ac dedit quod poposcerunt, sed simul immisit macilentiam ipsorum animæ.

16. In-

16
stris,
mini.

17
abfor
gatio

18
istori
ripui

19
tem
dora

20
Dei
bam

21
eos
gesti

22
resq

23
nisi
fisse

24
der
op
ipfi

16. Inviderunt etiam Mosi in castris, & Aharoni sacro-sancto Domini.

17. Quamobrem terra se aperiens absorpsit Dathan, & operuit congregationem Abiramicam.

18. Ignis etiam exarsit in cœtu istorum, & flamma quæ impios corripuit.

19. Fecerunt & vitulum apud montem Horeb, & fusile simulachrum adoraverunt.

20. Et permutaverunt majestatem Dei sui effigie bovis comedentis herbam;

21. Sûntque obliti Deum, qui eos servaverat, quique res magnas gesserat in Ægypto,

22. Et miracula in terra Cham, resque terrificas ad Mare rubrum.

23. Decreverat autem delere illos, nisi Moses vir ipsius electus intercessisset ei, sedans iram ipsius ne perderet.

24. Respuerunt etiam terram exoptatam, non tribuentes fidem verbo ipsius.

25. Et

25. Et obmurmurârunt in suis tentoriis, neque obediverunt voci divinæ.

26. Quare juravit eis se prostraturum esse ipsos in deserto :

27. Prostraturum etiam sobolem eorum inter Gentes, & eventilaturum eos in regiones.

28. Initiati sunt etiam velut sub jugum ipsius Baal-pêor missi, & comederunt immolata mortuis diis.

29. Suisque studiis iram Dei conflârunt, ita ut grassaretur per eos cædes.

30. Quando Phinehas stetit, ac vindicandum iudicâvit, & cædes prohibita est.

31. Quod ei est imputatum pro justitia sempiternis temporibus.

32. Laceraverunt etiam apud Meriba, & Moſen Deus affecit malo propter ipsos.

33. Ita enim divexârunt animum ejus, ut perperam aliquid loqueretur suis labiis.

34. Præterea non deleverunt populos,

pulo
lere

3
cum
ipso

3
quæ

3
ma

38

noxi

& fil

victi

terra

lerib

3

suis,

40

popu

hære

41

in ma

rentu

42

rum,

43

pulos, quos Dominus iusserat eos delere.

35. Et commercium habuerunt cum Gentibus, ac didicerunt facta ipsorum.

36. Ut colerent simulachra eorum, quæ fuerunt eis laqueus.

37. Nam filios suos & filias suas mactaverunt victimas dæmonibus.

38. Et ita fuderunt sanguinem innoxium, sanguinem filiorum suorum & filiarum suarum, quos mactaverunt victimas simulachris Chananæorum, terræque polluta est capitalibus sceleribus.

39. Ac fuerunt immundi factis suis, & scortati sunt studiis suis.

40. Et excanduit irâ Dominus in populum suum, abhorruitque à sua hæreditate.

41. Ita ut traderet eos Gentibus in manus, & inimici eorum dominarentur eis.

42. Quos afflixerunt hostes ipsorum, & subegerunt eos suæ potestati.

43. Aliquoties liberavit eos, ve-

I.

rùm

rùm ipsi laceſſiverunt ſuo conſilio, & in paupertatem devenerunt per ſuam iniquitatem.

44. Tamen quum cerneret eos in anguſtiis, & audiret clamorem ipſorum:

45. Memor fuit ſui fœderis iſti cum eis, & pœnituit eum; ut maxima eſt ejus benignitas.

46. Et fecit eos gratioſos apud viſtores ſuos univerſos.

47. Serva nos, Domine Deus noſter, & congrega nos ex Gentibus, ut confiteamur nomini tuo ſanctiſſimo, & celebremus te laudibus tuis.

48. Prædicandus eſt Dominus Deus Iſraelis ab æterno in æternum tempus; & univerſus populus dicat, Amen, hallelu-ja.

Pſal. 107.

CONfitemini Domino, quoniam bonus eſt, quoniam æterna eſt ejus benignitas.

2. Laudibus celebrate Dominum.

3. In

3. In libertatem vindicati à Domino dicant, quòd eos vindicaverit à manu hostili :

4. Quòdque congregaverit eos ex regionibus, ab Oriente, & Occidente, Aquilone, & à Mari.

5. Dum errabant in deserto & in solitudine, per itinera quibus oppidum habitatum non inveniebant,

6. Famelici & sitibundi, adeò ut deficerent animo.

7. Clamaverunt ad Dominum in periculis suis, & eripuit eos ex angustiis ipsorum :

8. Eòsque deduxit in viam rectam, quâ pervenirent ad oppidum habitatum.

9. Confiteantur ergo Domino tribuentes suam benignitatem, & miracula sua inter homines.

10. Quia saturat animam avidam, & animam famelicam explet rebus bonis.

11. Sedentes in tenebris, & densissima caligine, constricti miseria & ferro compede.

12. Quia sermonibus divinis reluctati sunt, & floccipendêrunt consilium summi Dei.

13. Unde molestias imposuit, ita ut desponderent animum & impingerent, nemine ferente opem.

14. Hi clamaverunt ad Dominum in suis periculis, qui eripuit eos è suis angustiis:

15. Eósque duxit ex tenebris & densissima caligine, ac perrupit eorum vincula.

16. Confiteantur ergo Domino tribuentes suam benignitatem & miracula sua inter homines:

17. Quia effregit valvas æreas & refellit obices ferreos.

18. Stulti qui scelerato vitæ instituto, & iniquitatibus suis morbos sibi accersiverunt:

19. Ita ut anima ipsorum fastidiat omnem cibum, & pertingant ad portas mortis:

20. Clamaverunt etiam ad Dominum in suis periculis, qui eripuit eos è suis angustiis.

21. Misit

21. Missóque verbo suo sanavit eos, & asseruit ab ægrotationibus ipsorum.

22. Confiteantur ergo Domino tribuentes benignitatem suam, & miracula sua inter homines,

23. Et immolent victimas confessionis, ac narrent facta ejus cum jubilo.

24. Qui mare navibus ingrediuntur, quique negotium suum peragunt in vastissimis aquis;

25. Illi viderunt opera Domini, & ipsius miracula in profundo mari.

26. Qui suo imperio ciet ventum procellosum, qui ventus altè fluctus ipsius attollit.

27. Ita ut modò in cœlum ascendant, modò in abyssum descendant, usque adeò ut anima ipsorum malis pressa colliquescat.

28. Et eant in orbem, ac oberrent ut ebrii, omnisque sapientia illis eripiat.

29. Hi etiam clamaverunt ad Dominum in suis periculis, & eripuit eos è suis angustiis.

30. Et

30. Et sedatâ tempestate reddit mare tranquillum, ita ut desinant fluctus quibus jactabantur :

31. Et tunc lætantur quòd quieverint fluctus, ac Deus in portum optatum eos deduxerit.

32. Confiteantur ergo Domino tribuentes suam benignitatem, & miracula sua inter homines.

33. Eúmque extollant in cœtu populi, & laudent eum in confessu seniorum.

34. Qui flumina vertit in desertum, & venas aquarum in loca siticulosa ;

35. Et terram fugiferam in sterile solum, propter incolarum vitiositatem.

36. Qui contra vertit desertum in stagnum aquarum, & torridam terram in venas aquarum :

37. Ibique collocat famelicos, ut urbem celebrem extruant ;

38. Ac sementem faciant in arvis, & colant vineas quæ copiosum fructum proferant :

39. Eôs-

39. Eósque fortunat, ita ut valde
crescant, nec pecus eorum minuit.

40. Minuuntur etiam & decidunt
per angustiam, & malum, & laborem.

41. Nam Deus effundit contem-
ptum in principes, & errare facit eos
per vastitatem inviam.

42. In arce autem collocat paupe-
rem extra miseriam, & familias tra-
ctat velut oves.

43. Quæ quum vident probi gau-
dent, nec habent ulli iniqui quod vi-
tuperent, aut querantur.

44. Quisquis igitur sapit custodiet
hæc, & beneficia Domini considera-
bit.

*Psal. 108. Carmen, hymnus
Davidis.*

PAratum est cor meum, ô Deus,
ita ut canam, & psallam etiam, ô
gloria mea.

2. Expergiscere nablum & citha-
ra: evigilabo equidem in aurora,

3. Tibique confitebor inter popu-
los, & te psallam inter Nationes.

L 4

4. Tua

4. Tua enim benignitas usque adeo magna est ut cœlos superet, tuâque veritas usque ad æthera pertingit.

5. Sublimior cœlo sis, ô Deus, & majestas tua sublimior sit totâ terrâ.

6. Ut liberentur tui delecti, servato nos per dexteram tuam, & annue mihi.

7. Deus locutus est in sanctuario suo, quod exultabo, & partiar Sichem, ac metiar vallem Sucoth.

8. Meus erit Gilead, meus erit Manasses, Ephraim autem robur capitis mei, & Juda meus legumlator.

9. Moab verò lebes ablutionis meæ, Idumæam pedibus meis emetiar, & super Palæstina jubilabo.

10. Quis ducet me ad urbes munitas? quis ducit me in Idumæam?

11. Annon tu Deus, qui nos olim repuleras, neque profectus fueras cum nostro exercitu?

12. Fer nobis opem, quâ defendamur ab hoste: siquidem vana est salus hominis.

13. Cæterum Deo juvante res præcla-

præcl
bit ho

T

O

2.

pater
tur f

3.

circu
abs r

4.

tur r
catis

5.

bon

6.

& a

7.

ciur

can

8.

ipfi

præclaras geremus, & ipse conculca-
bit hostes nostros.

*Psal. 109. Præfeto cantorum,
Davidis hymnus.*

O Deus, qui laudaris à me, ne ta-
ceas.

2. Nam os impii, & os dolosum
patent contra me, & mecum loquun-
tur falsâ linguâ.

3. Et verba ex odio profecta me
circumvenerunt, méque oppugnant
abs re.

4. Pro amore autem meo averfan-
tur mihi, ego tamen intentus sum pre-
cationi.

5. Ac reddunt mihi malum pro
bono, & odium pro dilectione meâ.

6. Constitue contra eum impium,
& adversarius stet ad dexteram ejus.

7. Quum adductus fuerit in judi-
cium, pronuntiatur impius: & depre-
cando peccatum admittat.

8. Sint dies vitæ ipsius pauci, &
ipsius functionem alius accipiat:

L 5

9. Sint

9. Sint ipsius liberi orphani, & uxor ejus vidua.

10. Oberrent liberi ejus & mendicent, ac victum quærant, è ruinosis suis ædificiis prodeuntes.

11. Fœnerator nexu obliget omnia quæ habet: nec non hostes diripiant quod labore ipsius partum est.

12. Non obtingat ei qui benignitatem proroget, nec sit qui benefaciat orphanis quos reliquit.

13. Posteritas ejus excidio sit obnoxia, & in altero seculo deleatur nomen ipsius.

14. Revocetur in memoriam apud Dominum iniquitas patrum ejus, & peccatum in matris ejus non aboleatur oblivione:

15. Ac semper obversentur oculis Domini, qui deleat eorum memoriam è terra.

16. Siquidem non cogitavit benignitatem exhibere, & persecutus est virum humilem, & pauperem, & dolentem animo, ut interficeret.

17. Ac amavit maledictionem, pro-

propterea obvénit ei: & noluit benedictionem, itaque longè recessit ab eo.

18. Induítque maledictionem ut vestimentum, & ingressa est in partes ipsius interiores ut aqua, & in ossa ejus ut oleum:

19. Sit ei pro veste quam induat, & pro cingulo quo semper cingatur.

20. Atque hæc parata sunt à Domino meis adversariis, & eis qui loquuntur malum adversus animam meam.

21. Tu autem, Domine Deus meus, præsto mihi adsis propter nomen tuum: & libera me, siquidem benignitas tua optima est.

22. Ego enim humilis & pauper sum, & cor meum intra me faucium est.

23. Et abeo ut umbra quum declinat, ac velut locusta excutior:

24. Genuæque mea nutant præ inedia, & detractâ pinguedine alius jam habitus est corporis mei.

25. Et ego illis sum probro, qui me conspicati jactant caput suum.

26. Opem

26. Opem fer, Domine Deus meus,
& serva me pro tua benignitate.

27. Et intelligant hanc tuam esse
potentiam, quodque tu Dominus hæc
facias.

28. Ipsi quidem maledicant, modo
tu benedicas: ipsi insurgant, modo
pudefiant, & servus tuus lætetur.

29. Induant adversari mei igno-
miniam, & amiciant se pudore tan-
quam pallio.

30. Ego autem valdè confitebor
Domino ore meo, & in magno cœtu
laudabo eum.

13. Quoniam à dextra stetit pau-
peris, ut servaret animam ejus ab iis,
qui vitæ ac necis arbitrium in eum si-
bi arrogabant.

110. *Davidis hymnus.*

Dixit Dominus Domino meo, Se-
de mihi ad dexteram, donec ini-
micos tuos subdam scabellum tuis
pedibus.

2. Dominus emittet virgam tuæ
poten-

potentiæ è Sion : dominare ergo inter inimicos.

3. Habes promptissimum populum quum educes tuas copias : tibi etiam est ros generationis tuæ in summo decore & sanctitate ex utero auroræ.

4. Juravit Dominus , nec pœnitet eum, quod tu sis sacerdos æternus ritu Melchi-sedec.

5. Dominus stat à dextera tua, qui contudit reges, quo die iratus fuit.

6. Judicabit Messias in Gentibus, & omnia implebit cadaveribus, quando contundet capita in multis regionibus.

7. De torrente in via bibet, ac propterea caput attollet.

Psal. III. Hallclu-ja.

8 **C**onfitebor Domino ex toto corde, 2 in concilio & cœtu proborum.

2. 1 Magna sunt Domini facta, 7 quæ inquiruntur ab omnibus qui delectantur ipsis.

3 7 O-

3. ¶ Opus ipsius est gloria & decus, ⁊ & iustitia ejus æternum perstat.

4. ¶ Memoriam consecravimus sua miracula, ¶ beneficus & misericors Dominus.

5. ⁊ Escam dedit ipsum timentibus, ⁊ æternum memor est sui fœderis.

6. ⁊ Potentiam operum suorum declaravit suo populo, ⁊ dando eis hæreditatem Gentium.

7. ⁊ Suntque opera manuum ejus veritas & judicium, & ⁊ omnes constitutiones ipsius firmæ sunt.

8. ⁊ Suntque stabilitæ, ut durent sempiternis temporibus, ⁊ quippe per veritatem & rectitudinem factæ.

9. ⁊ Misit etiam ad populum suum ⁊ per quos redimeret, ac præcepit fœdus suum perpetuo servandum, ⁊ cujus nomen sanctissimum terrificum est.

10. ¶ Principium sapientiæ est timor Domini, ⁊ & salutaris prudentia contingit omnibus qui versantur in his rebus: ¶ quorum laus æternum perstat.

Psalm.

Psal. 112. Hallelu-ja.

BEatus vir est qui timet Domi-
num, & valde præceptis e-
jus delectatur:

2. **¶** Nam potens erit in terra se-
men ejus, & **¶** proborum natio for-
tunabitur.

3. **¶** Copia rerum & divitiæ erunt
in domo ejus, **¶** & justitia ipsius æter-
num perstabit.

4. **¶** Oritur in tenebris lux probis,
homini **¶** benefico, & misericordi, &
justo.

5. **¶** Vir bonus confert beneficia,
& dat mutuò, **¶** suasque res obit ex-
actissimo judicio.

6. **¶** Quia non movebitur in æter-
num, **¶** & memoria justì usque du-
rabit.

7. **¶** Ad famam tristem non expa-
vescet, **¶** quia cor ejus firmum est ac
fretum Domino.

8. **¶** Cor ipsius stabilitum est, ita
ut non expavescat, **¶** donec spectet
in

in hostibus suis quod cupierat.

9. **S** Spargit ac dat pauperibus, & cuius iustitia æternum perstat, **P** cornuque ejus altum est cum gloria:

10. **I** Ita ut impius cernens indignetur, **W** suisque dentibus frendeat & contabescat: **N** minimèque impii assequuntur quod desiderant.

Psal. 113. Hallelu-ja.

L Audate cultores Domini, laudate nomen Domini.

2. Prædicandum est enim nomen Domini ab hoc tempore usque in æternum:

3. Ab Ortus solis usque ad Occasum ejus, laudibus vehendum est nomen Domini.

4. Dominus enim sublimior est omnibus gentibus, & majestas ipsius cælo sublimior est.

5. Quis similis est Domino Deo nostro, qui in alto rebus præsidet;

6. Sæpe demittit ut inspiciat quæcunque sunt in cælo & in terra?

7. Qui

7.
& pau
8.
bus,
9.
efficit
hallel

Q

2.
versa

3.
& I

4.
fugi

est.

5.
arie

6.
refu

rep

7.
exi

ovi

7. Qui erigit tenuem ex pulvere :
& pauperem e stercore evehit :

8. Ut collocet eum cum principi-
bus , cum principibus sui populi.

9. Qui sterilem matrem familias
efficit , matrem gaudentem liberis :
hallelu-ja.

Psal. 114.

Quum egrederetur Israel ex Æ-
gypto,

2. Et domus Jacobi à populo di-
versæ linguæ :

3. Juda factus est ejus sanctuarium,
& Israel ipse imperium.

4. Quod quum mare vidisset , re-
fugit, & Jordanis retrorsum repulsus
est.

5. Montes autem subsilierunt ut
arietes, & colles ut agni ovium.

6. Quid accidit tibi, ô mare, quòd
refugisti? quid tibi, ô Jordanis, quòd
repulsus es retrorsum?

7. Quid vobis, ô montes, quod
exiliistis ut arietes, & colles ut agni
ovium?

8. Tuque

8. Tuque terra expavescito metu Domini, metu Dei Jacob.

9. Qui vertit saxum in stagnum a quo sum, & silicem in fontem abundantem aquis.

Psal. 115.

Non nostram Domine, non nostram, sed tui nominis gloriam amplifies, propter tuam benignitatem, & propter veritatem tuam.

2. Cur enim dicant Gentes, Ubi quæso est Deus ipsorum?

3. Atqui Deus noster in cœlo est, qui perficit quicquid voluerit.

4. Cæterum simulachra ipsorum sunt argentea & aurea, opus quod manibus hominis producitur.

5. Habent enim os, & non loquuntur, habent oculos, & non vident.

6. Habent aures, nec audiunt: habent nasum, nec odorantur.

7. Manus habent, nec palpant: pedes habent, nec ambulant, neque sonum

sonum

8.

faciunt

9.

strum

est.

IO

mino

scutu

I I

Dom

scutu

I 2

stri

redd

det

I

num

I 4

bis

bis

stis

&

mi

di

P S A L.

sonum edunt suo gutture.

8. Quibus similes evadunt, qui ea faciunt, & quicunque fidit eis.

9. O Israel fide Domine quia vestrum auxilium, & vestrum scutum est.

10. Domus Aharonis fidite Domino : quia vestrum auxilium, & scutum vestrum est.

11. Timentes Dominum, fidite Domino, quia vestrum auxilium, & scutum vestrum est.

12. Dominus qui memor est nostri felicem reddet, felicem inquam reddet domum Israelis, felicem reddet domum Aharonis.

13. Felices reddet timentes Dominum pariter parvos & magnos.

14. Cumulabit etiam Dominus vobis beneficia beneficiis : nec solum vobis, verum & liberis vestris.

15. Vos quidem felices redditi estis à Domino, qui condidit cœlum & terram.

16. Et cœlum, cœlum inquam Domino servatum est : terram autem dedit hominibus.

17. Cæ-

8. Tuque terra expavescito metu Domini, metu Dei Jacob.

9. Qui vertit saxum in stagnum a quo sum, & silicem in fontem abundantem aquis.

Psal. 115.

Non nostram Domine, non nostram, sed tui nominis gloriam amplifies, propter tuam benignitatem, & propter veritatem tuam.

2. Cur enim dicant Gentes, Ubi quæso est Deus ipsorum?

3. Atqui Deus noster in cælo est, qui perficit quicquid voluerit.

4. Cæterum simulachra ipsorum sunt argentea & aurea, opus quod manibus hominis producit.

5. Habent enim os, & non loquuntur, habent oculos, & non vident.

6. Habent aures, nec audiunt: habent nasum, nec odorantur.

7. Manus habent, nec palpant: pedes habent, nec ambulant, neque sonum

sonum
8.

faciunt
9.

strum
est.

IO
min
scutu

II
Dom
scutu

12
stri
redd
det

13
num

14
bis
bis

stis
&

mi
di

metu sonum edunt suo gutture.

8. Quibus similes evadunt, qui ea faciunt, & quicumque fidit eis.

9. O Israel fide Domine quia vestrum auxilium, & vestrum scutum est.

10. Domus Aharonis fidite Domino: quia vestrum auxilium, & scutum vestrum est.

11. Timentes Dominum, fidite Domino, quia vestrum auxilium, & scutum vestrum est.

12. Dominus qui memor est nostri felicem reddet, felicem inquam reddet domum Israelis, felicem reddet domum Aharonis.

13. Felices reddet timentes Dominum pariter parvos & magnos.

14. Cumulabit etiam Dominus vobis beneficia beneficiis: nec solum vobis, verum & liberis vestris.

15. Vos quidem felices redditi estis a Domino, qui condidit cælum & terram.

16. Et cælum, cælum inquam Domino servatum est: terram autem dedit hominibus.

17. Cæ-

17. Cæterum mortui non laudant Deum, nec omnes quotquot in sepulchrum descendunt:

18. Nos autem prædicemus Deum ab hoc tempore usque in æternum: halleluja.

Psal. 116.

Dilligo Dominum, quandoquidem exaudivit supplicem meam vocem.

2. Quia præbuit mihi aurem suam, quem toto vitæ meæ tempore invocabo.

3. Cinxerant me funes mortis, & angustiae inferni me comprehenderant, ac incideram in periculum & difficultatem.

4. Vocavi autem nomen Domini, dicens, Obsecro Domine eripito animam meam, & eripuit me.

5. Beneficus est Dominus, & iustus, & Deus noster misericors.

6. Dominus defendens simplices, quum attritus essem, me servavit.

7. Tunc

7. Tunc dixi, Revertere anima mea
ad locum tuum quietum: quia Domi-
nus in te beneficium contulit:

8. Quia tu eripuisti animam me-
am morti, oculos meos lacrymis, &
pedes meos lapsui.

9. Quare sanctè vitam degam co-
ram Domino in regionibus viven-
tium.

10. Fidem in Deum retinui, etiam
quum ipse cogerer dicere, me vehe-
menter dejectum esse:

11. Quum dicerem in præcipiti
mea fuga, omnes homines mendaces
esse.

12. Quam gratiam referam Domi-
no pro illis omnibus quæ in me con-
tulit beneficiis?

13. Sumpto calice quo gratiæ au-
guntur pro accepta salute, nomen
Domini vocabo.

14. Meaque vota exolvam Domi-
no nunc coram universo populo ipsi-
us.

15. Nam apud Dominum mors
benignorum ipsius hominum maximi
est momenti.

16. Ah

16. Ah Domine, equidem servus tuus sum, ego servus tuus sum, & filius ancillæ tuæ, qui vincula mea solvisti.

17. Tibi ergo mactabo victimam confessionis, & nomen Domini vocabo.

18. Meaque vota exolvam nunc, coram universo populo ipsius.

19. In atriis Domus Dominicæ, intrate, ô Jerusalem.

Psal. 117. Hallelu-ja.

Laudate Dominum omnes Gentes, prædicate ipsum omnes populi.

2. Nam bonitas ejus erga nos præpollet, ac veritas Domini æternum permanet: hallelu-ja.

Psal. 118.

Confitemini Domino, quoniam bonus est, quoniam benignitas ipsius sempiterna est.

2. If-

2. Israel nunc dicat quod sempiterna sit ipsius benignitas.

3. Dicat nunc domus Aharonis, quod sempiterna sit ipsius benignitas.

4. Dicant nunc timentes Dominum, quod sempiterna sit ipsius benignitas.

5. Quum in angustiis essem, vocavi Deum, & Deus annuit mihi in latitudine.

6. Proin Domino à me stante, non timebo quid mihi homo inferre conetur.

7. Domino enim existente inter meos auxiliares, spectabo in meis inimicis quod desidero.

8. Etenim spem habere in Domino, melius est quam fidere homini:

9. Spem inquam habere in Domino, melius est quam fidere principibus.

10. Si me omnes Gentes circumderint, spero quod per nomen Domini excisurus sim eas.

11. Si me circumdederint (& sane me circumderunt) spero quod per nomen

nomen Domini sim eas excisurus.

12. Si me circumdederint ut exa-
men apum, deficient ut ignis spinas
corripiens: & spero quod eas per no-
men Domini excisurus sim.

13. Prorsus me impuleras ut ca-
derem: sed tamen Dominus opem
mihi tulit.

14. Nam robur meum & carmen
meum, & salus mea Deus est.

15. Vox jubili & salutis partæ au-
ditur in tabernaculis justorum, pro-
pterea quod dextera Domini res
præclaras egit.

16. Dextera Domini superior fuit,
dextera Domini res præclaras egit.

17. Non moriar, sed vivam, & re-
censebo facta Dei.

18. Me namque probè castigavit
Dominus, attamen non permisit ut
morerer.

19. Aperite mihi portas justitiæ,
per quas ingressus Deo confitebor.

20. Hæc porta Domini est, per
quam iusti ingredientur.

21. Tibi enim confitebor, quod me
exau-

exau

22

difica

23

tum

tur.

24

minu

mur.

25

Dom

fum.

26

qui v

fausta

mini.

27

nobis

ctima

altari

28

fitebo

29

bonu

semp

exaudiveris, & mihi saluti fueris.

22. Nam lapis quem rejecerunt ædificantes, factus est caput anguli.

23. Quod quidem à Domino factum est, & nobis miraculum videtur.

24. Ista est dies quam fecit Dominus, in qua exulemus & lætemur.

25. Ah Domine serva quæso: ah Domine da quæso felicem successum.

26. Optima quæque illi precamur, qui venit in nomine Domini, nosque fausta precamur vobis è domo Domini.

27. Deus Dominus est, qui lucem nobis prosperitatis intulit: itaque victimam alligate funibus ad cornua altaris.

28. Tu es Deus meus, tibi que confitebor, te que extollam, mi Deus.

29. Confitemini Domino, quoniam bonus est, quoniam benignitas ipsius sempiterna est.

Psal. 119. Aleph 8.

O Beatos, qui vitæ integrum iter tenent, incedentes ad præscriptum legis Domini.

2. O beatos, qui conservant oblationes ipsius, cùmque ex toto corde quærunt.

3. Nam qui per tuas vias incedunt, non patrant iniquitatem.

4. Tu namque mandasti constitutiones tuas, quas homines summo perè custodiant.

5. Utinam sic viæ meæ parentur, ut custodiam decreta tua.

6. Tunc enim minimè pudeſciam, quum inspexero omnia præcepta tua.

7. Tibique confitebor ex animo sincero, ubi didicero judicia tuæ iustitiæ:

8. Summòque studio decreta tua servabo, si me non deferas.

Beth 2.

9. Quo pacto adolescens vitam inculpatam

inculpatam aget ? nempè, si eam custodiat, ut dictat verbum tuum.

10. Quùm autem te quæram ex toto corde meo, ne sinas me aberrare à mandatis tuis ;

11. Qui reposui eloquium tuum in corde meo, ne peccem in te.

12. Tu Domine prædicandus es, doce me decreta tua.

13. Nam labiis meis recensere solitus sum omnia judicia oris tui.

14. Et incedere per viam obtestationum tuarum magis me juvat, quàm omnium rerum copia prope modum.

15. Ac de tuis constitutionibus disfero, & intueor semitas tuas ;

16. Méque oblecto in tuis decretis, nunquam commissurus ut obliviscar verbi tui.

Gimel 1.

17. Hoc beneficium servo tuo confer, ut vivam, & custodiam verbum tuum.

18. Et velamen detrahe oculis meis, ut inspiciam admirabilem sapientiam,

tiam, quæ recondita est in lege tua.

19. Quumque peregrinas sim in terra, ne me celes tua mandata.

20. Nam anima mea omni tempore desiderio judiciorum tuorum atteritur.

21. Increpas autem superbos, ut execrabiles sint, aberrantes à præceptis tuis.

22. Remove à me probrum & contemptum, quod obtestationes tuas conservo.

23. Nam & principes confident, ac obtestantur mihi, quod servus tuus differit de tuis decretis.

24. Quodque obtestationes tuæ sunt meæ deliciæ, & consiliarii mei.

Daleth 7.

25. Quum humi jaceat anima mea, recrea me secundum verbum tuum.

26. Negotia mea tibi exposui, tuque exaudisti me: quare doceto me decreta tua.

27. Concede mihi, ut nôrim viam constitutionum tuarum, & tunc differam de tuis miraculis.

28. Dif-

28. Diffluit anima mea præ solitudine, refice me ergo secundum verbum tuum.

29. Averte iter mendax à me, & legem tuam benignè mihi proponito.

30. Nam viam certam elegi: & iudicia tua ob oculos habeo.

31. Quumque obtestationibus tuis adhæream, Domine, haudquaquam me pudefacias.

32. Viam præceptorum tuorum curram, postquam in latitudinem eduxisti cor meum.

He n̄.

33. Deduc me, Domine, in viam tuorum decretorum, ut eam retineam usque in finem.

34. Doceto me ut retineam legem tuam, & toto corde illam custodiam.

35. Deduc me in semitam præceptorum tuorum: nam ea mihi placeat.

36. Inclina cor meum ad obtestationes tuas, & non ad avaritiam.

37. Averte oculos meos, ne videant vanitatem, & vivifica me in via tua.

M 3

38. Præ

38. Præsta servo tuo, quod elo-
quium tuum pollicetur habentibus ti-
morem tui.

39. Et prohibe à me probrum quod
formido: nam judicia tua bona sunt.

40. Ecce desidero tuas constitutio-
nes: vivifica igitur me per tuam justi-
tiam.

Van. 1.

41. Et obveniant mihi Domine tua
beneficia, & salus tua secundum elo-
quium tuum.

42. Ut habeam verba, quibus re-
spondeam exprobranti mihi, quod
fidam verbo tuo.

43. Et ne omnino eripias ab ore
meo verbum veritatis, siquidem tua
judicia exspecto.

44. Et semper, temporibusque
sempiternis, custodiam legem tuam.

45. Equidem spatiabor in latitudi-
ne, quia constitutiones tuas quæsi:

46. Ac loquar de tuis obtestatio-
nibus coram regibus, neque me pu-
debit earum.

47. Méque oblectabo in tuis man-
datis quæ amo.

48. Et

48. Et admovebo manus meas
præceptis tuis quæ amo , deque de-
cretis tuis differam.

Zain 1.

49. Memor sis verbi ad servum
tuum prolati , quo me in spem addu-
xisti.

50. Hoc enim meum solatium est
in meis miseriis , quia eloquium tu-
um recreat me.

51. Quumque me superbi irrident
supramodum , non tamen deflecto à
lege tua.

52. At recolens judicia tua à con-
dito mundo, Domine, ex iis magnum
solatium accipio.

53. Horror invadit me cogitan-
tem de impiis , qui legem tuam de-
serunt :

54. Mihi verò decreta tua sunt car-
mina in domo quam incolo.

55. Et noctu Domine recordor tui
nominis , tuamque legem custodio :

56. Quæ quidem mea est , quando-
quidem conservo tuas constitutio-
nes.

Heth 7.

57. Dixi Domine meam fortem esse, ut custodiam verba tua.

58. Suspicio faciem tuam supplex toto meo corde, proin beneficium te mihi exhibeas secundum verbum tuum.

59. Cogitatione obivi meas vias, & seduxi pedes meos ad obtestationes tuas.

60. Festinavi & nullam moram feci, ut custodirem præcepta tua.

61. Funes impiorum conati sunt me abstrahere, ceterum legis tuæ non sum oblitus.

62. Media nocte surgo ad confitendum tibi propter judicia tuæ justitiæ.

63. Sumque omnibus socius, qui te reverentur, & custodiunt constitutiones tuas.

64. Benignitate tuâ Domine plena est terra, quare doceto me decreta tua.

Teth 2.

65. Benignè cum servo tuo egisti Domine secundum verbum tuum.

66. Be-

66. Bene judicandi facultatem & scientiam doce me, qui præceptis tuis fidem adhibeo.

67. Antequam in ærumnas incidissem, errabam: nunc autem eloquium tuum custodio.

68. Tu bonus es, & benefacis; doce igitur me decreta tua.

69. Superbi confuerunt adversum me mendacia; ego autem toto corde retineo constitutiones tuas:

70. Quorum cor crassescit ut adeps; ego autem ex lege tua voluptatem capio.

71. Utilissimum quoque mihi fuit, quod in miseriam dejectus sum, ut discerem decreta tua.

72. Tuique oris lex melior mihi est, quam auri & argenti millenarii.

Psalmus.

73. Manus tuæ fecerunt me, & adornaverunt me: erudias me ergo ut discam præcepta tua.

74. Ut cernentes me qui te reverentur, gaudeant, quia in verbo tuo spem habeo.

75. Scio

75. Scio Domine, quod iudicia tua sint iustitia & fides, quum me detrusisti in miseriam :

76. Verum obtingat quaeso mihi tua benignitas, quae me consoletur secundum eloquium tuum, quod spem aperuit servo tuo.

77. Obveniat mihi tua misericordia ut vivam, siquidem lex tua meae deliciae sunt.

78. Pudefiant autem superbi, qui mendacio me opprimere quaerunt, quum ego interim de constitutionibus tuis differam.

79. Redeant ad me qui te timent, qui que norunt obtestationes tuas.

80. Sitque cor meum integrum in tuis decretis, propterea non pudefiam.

Caph 2.

81. Defecit anima mea desiderans anxie salutem tuam, quia in verbo tuo spem habeo.

82. Defecerunt oculi mei spectando quando veniat quod pollicetur eloquium tuum, ita ut dicam, Quando me consolaberis?

83. Si-

83. Similis enim evasi utri in fumo
pendenti : tamen decreta tua non sum
oblitus.

84. Quamdiu servus tuus expecta-
bit? quando exiges poenas à perse-
quentibus me?

85. Superbi foderunt mihi foveas,
quod non fit secundum legem tuam.

86. Omnia præcepta tua sunt fi-
des : quum igitur iniquè me perse-
quantur, fer mihi opem.

87. Parum absuit quin me confe-
cerint in terra: ego tamen non dese-
rui tuas constitutiones.

88. Vivifica me pro tua benignita-
te, & custodiam obtestationem oris
tui.

Lamed 7.

89. Verbum tuum, Domine, per-
stat æternum in cælo;

90. Tuâque fides per universa se-
cula, qui parâsti terram ut consistat.

91. Eaque persistunt, uique in ho-
diernum diem tuis judiciis: omnia
enim tibi serviunt.

92. Nisi lex tua meæ deliciæ ef-
sent,

sent, periissem in miseria mea.

93. Non obliviscar æternum constitutiones tuas, quoniam illis recreasti me.

94. Quum verò tuus sim, serva me, quia constitutiones tuas exquisivi.

95. Me observant impii ut me perdant, quum obtestationes tuas perpendo.

96. Video finem habere omnia, etiam perfectissima: tuum autem præceptum latissime patet.

Mem 12.

97. Quantum ego tuam legem amo! de qua meus sermo est quotidie.

98. Tu me sapientiores reddidisti meis inimicis per tuum præceptum, nam id perpetuo meum est.

99. Plus etiam sapio quam ii qui me docent: quia de obtestationibus tuis mihi sermo est.

100. Et rectius perpendo omnia quam senes, quia conservo tuas constitutiones.

101. Pedes meos prohibeo ab omni
tuo

mi via ducenti ad vitia, propterea
quod verbum tuum custodio:

102. Neque à judiciis tuis decedo:
quia tu vivendi normam præscripsisti
mihi.

103. Quàm dulce est palato meo
eloquium tuum! certe ori meo dul-
cius melle est.

104. Ex tuis constitutionibus re-
cte res perpendo, & propterea odi
omnem semitam fallacem.

Nun. 1.

105. Verbum tuum lucerna est
pedibus meis, & lux ad iter meum.

106. Juravi, idque constanter præ-
stabo, ut custodiam judicia tuæ ju-
stitiæ.

107. Supra modum dejectus sum:
quamobrem recrea me, Domine, se-
cundum verbum tuum.

108. Gratiæ igitur sint tibi Domi-
ne oblationes, quas sponte nuncu-
pavit os meum, & judicia tua doce
me.

109. In discrimine vitæ semper
verfor, non tamen obliviscor legis
tuæ.

110. Im-

110. Impii tetenderunt mihi laqueum: non tamen à constitutionibus tuis aberro.

111. Æterna hæreditate mihi venerunt obtestationes tuæ: sunt enim gaudium cordis mei.

112. Adjeci animum meum decretis tuis, ut exequar illa in finem usque, & adeo æternum.

Samech D.

113. Odi cogitationes quibus distrahitur animus: amo autem legem tuam.

114. Tu meum confugium & scutum meum es, & in verbo tuo spem collocavi.

115. Recedite à me pravi homines: ego enim conservabo mandata Dei mei.

116. Suffulci me eloquio tuo, & vivam: & ne me pudefacias frustratum expectatione mea.

117. Stabilito me, & servabor, ac semper ex contemplatione decretorum tuorum voluptatem capiam.

118. Conculcabis omnes quicumque

que aberrant à decretis tuis: nam fallacia est ipsorum vafrities.

119. Tollis ut scoriam omnes impios in terra: quamobrem amo tuas obtestationes.

120. Perhorrescit corpus meum præ timore tui, & judicia tua reve-reor.

Ain y.

121. Feci judicium & justitiam, ne igitur me tradas oppressoribus meis.

122. Oblecta servum tuum rebus bonis, & ne finas ut me opprimant superbi.

123. Oculi mei defecerunt anxie spectando ad salutem tuam & eloquium tuæ justitiæ.

124. Age cum servo tuo pro tua benignitate, & decreta tua doce me.

125. Servus tuus sum, erudi ergo me, ut intelligam tuas obtestationes.

126. Est autem Domino tempus idoneum ut agat: siquidem ruperunt legem tuam.

127. Quamobrem præcepta tua amavi magis quam aurum & obri-zum:

128. Eam-

128. Eamque ob rem omnes constitutiones universas defendo ut rectissimas : omnem autem semitam fallacem odio prosequor.

P E D.

129. Quia mirificæ sunt obtestationes tuæ : idcirco anima mea conservavit eas.

130. Ingressus verborum tuorum lucem offert, & erudit simplices :

131. Eoque aperio meum os, & traho anhelitum, quia præcepta tua desidero.

132. Respice ad me, & benigne mecum agito, ut assoles facere erga nominis tui amatores.

133. Formato gressus meos eloquio tuo, & ne dominetur mihi ulla vanitas.

134. Redimito me ab oppressione humana, ut custodiam tuas constitutiones :

135. Et serenum vultum ostende fervo tuo, ac doce me tua decreta.

136. Rivi aquarum descendunt ab oculis

oculi
stodi

13
judic

13
stitia

13
quod
tuor

14
simu

14
ptus

stitut

14
justit

14
hend

meæ

14
rom
vari

14
nue

creta

oculis meis, propter illos qui non custodiunt legem tuam.

Zade v.

137. Justus es, Domine, & rectum judicium tuum.

138. Omuino autem præcepisti justitiam obtestationum tuarum.

139. Conficit me indignatio mea, quod hostes mei obliti sunt verborum tuorum.

140. Est eloquium tuum purgatissimum, idque fervus tuus amat.

141. Parvus quidem & contemptus sum : non tamen obliviscor constitutionum tuarum.

142. Justitia tua sempiterna est justitia, & lex tua veritas.

143. Periculum & angustia deprehenderunt me, tamen præcepta tua meæ deliciæ sunt.

144. Justitia obtestationum tuarum æterna est : erudi ergo me, ut vivam.

Koph p.

145. Quia clamo toto corde, anue mihi, Domine, ut conservem decreta tua.

146. Quia

146. Quia ad te clamo, serva me, ut custodiam obtestationes tuas.

147. In crepusculo antevertens clamo, & habeo spem in verbo tuo.

148. Oculi mei antevertunt vigiliis, ut differam aliquid de tuo eloquio.

149. Vocem meam exaudi Domine pro tua benignitate, & recrea me secundum iudicium tuum.

150. Propius me accesserunt sectantes scelus, qui longè discesserunt à lege tua.

151. Tu quoque præsto ades Domine, & omnia præcepta tua veritas.

152. Quod jampridem novi ex obtestationibus tuis, quoniam æternum eas fundasti.

Resp 7.

153. Respice miseriam meam, & eripe me: quoniam tuæ legis non sum oblitus.

154. Age causam meam, & me vindica, & recrea me oblato eloquio tuo.

155. Longè absistit ab impiis salus:

lus:

15

Dom

dum

157

cutor

à tuis

15

ipsum

tuum

15

tuas a

crea

16

minu

verit

ritati

16

abs

verb

16

tuo,

perit

16

nor:

16

lus:

lus: quia decreta tua non inquirunt.

156. Plurima est misericordia tua Domine, quocirca recrea me secundum iudicium tuum.

157. Multos quidem habeo persecutores & hostes; non tamen deflexi à tuis obtestationibus.

158. Videns prævaricatores me ipsum excrucio, eo quod eloquium tuum non custodiunt.

159. Respice quod constitutiones tuas amem, propterea, ô Domine, recrea me pro tua benignitate.

160. A primo tempore quo in hominum notitiam venit, verbum tuum veritas est, & omne iudicium tuæ veritatis æternum est.

Sin W.

161. Principes me persecuti sunt abs re; cor autem meum reveretur verbum tuum.

162. Lætor equidem in eloquio tuo, tanquam is qui opima spolia reperit.

163. Mendacium odi, & abominor: tuam autem legem amo.

164. Se-

164. Septies in die laudo te, propter judicia tuæ justitiæ.

165. Magna felicitas parata est astantibus legem tuam, quique non impingunt in aliquod offendiculum.

166. Expectavi tuam salutem Domine, tuæque interim præcepta executus sum.

167. Et anima mea custodivit tuas obtestationes, quas ego valde amo.

168. Et custodio tuas constitutiones, tuasque obtestationes: nam omnes viæ meæ tibi expositæ sunt.

Thau Π.

169. Perveniat meus clamor ad te, Domine, & erudi me secundum verbum tuum.

170. Perveniat ad te precatio mea, & eripe me secundum eloquium tuum.

171. Promant labia mea laudem, quum docueris me decreta tua.

172. Reddat lingua mea eloquium tuum: nam omnia tua præcepta sunt veritas.

173. Adsit tua manus, quæ mihi opem

opem
tiones

17
mine,

17
det,

pem.

17

tum,

quoni

tus.

P

D

2.

à labi

3.

quam

losa?

4.

fortis

peron

5.

Mese

aperuerat: quia elegi tuas constitutiones.

174. Desidero tuam salutem, Domine, tuæque lex deliciae meae sunt.

175. Vivat anima mea, & te laudet, tuumque iudicium ferat mihi opem.

176. Erravi ut ovis quærit perditum, verum require servum tuum, quoniam præcepta tua non sum oblitus.

Psal. 120. Canticum graduum.

Dominum in magno meo periculo clamavi, quia annuit mihi.

2. Libera, Domine, animam meam à labio mendaci, & à lingua dolosa.

3. Quid inferat tibi Deus, aut quam rem adhibeat tibi, ô lingua dolosa?

4. Pariter sagittis acutis, quas vir fortis intorquet, & carbonibus juniperorum similis est.

5. Hei mihi, qui peregrinor inter Mesech, & ago in tentoriis Cedar.

6. Diu

6. Diu anima mea degit cum odientibus pacem.

7. Nam studeo paci, sed quum loquor, ipsi ad bellum parati sunt.

Psal. 121. Canticum graduum.

LEvo meos oculos ad montes, unde nam veniat auxilium meum.

2. Auxilium meum venit à Domino conditore cœli & terræ.

3. Non finet pedem tuum vacillare, neque dormiscet custos tuus:

4. Ecce non dormiscet, neque dormiet, qui custodit Israelem.

5. Dominus custodit te, Dominus est umbra tua adstans tibi ad dexteram.

6. Ideò sol interdiù non te percutiet radiis, neque luna noctu.

7. Dominus custodiet te, ne accidat ullum malum, & custodiet animam tuam.

8. Dominus custodiet te quæcunque agentem ab hoc tempore in æternum.

Psal.

*Psal. 122. Canticum graduum
Davidis.*

Lætor quum mihi dicunt, Eamus
ad domum Domini.

2. Steterunt pedes nostri, ô Jeru-
salem, in portis tuis.

3. Jerusalem ædificata est, ut sit
civitas in qua simul consociantur ho-
mines:

4. Ad quam ascendunt tribus,
nempe tribus Dei, ex obtestatione
quâ Israelitæ obstricti sunt, ut confi-
teantur nomini Domini.

5. Illic enim constitutæ sunt sedes
ad iudicium, nempe sedes domus Da-
vidicæ.

6. Precamini felicitatem ipsi Jeru-
salem, ac bene sit iis qui diligunt eam.

7. Sit quieta pax intra tua propu-
gnacula, & prosperitas in palatiis
tuis.

8. Propter fratres meos & ami-
cos meos loquar quod tuam felicitatem
concernat.

9. Etiam

9. Etiam propter domum Domini Dei nostri quæram quod profit tibi.

Psal. 123. Canticum graduum.

AD te levo meos oculos, ad te inquam qui habiras in cœlis.

2. Ecce quemadmodum oculi servorum intenti sunt ad manum dominorum suorum, & quemadmodum oculi ancillæ ad manum suæ dominæ: sic nostri oculi conversi sunt ad Dominum Deum nostrum, donec nobis benefaciat.

3. Benigne agas nobiscum, Domine, benigne agas nobiscum, quia valde saturati sumus contemptu.

4. Multo jam tempore anima nostra satiata est irrisione opulentorum, & contemptu superbiorum.

*Psal. 124. Canticum graduum
Davidis.*

Nisi Dominus qui præsto nobis est, juvisset, dicat nunc Israel.

2. Nisi Dominus qui præsto nobis est

est iuvisset, insurgentibus in nos hominibus,

3. Vivos jam nos deglutivissent, quum irâ in nos æstuârunt.

4. Jam ut aquæ nos inundassent, & torrens caput nostrum superasset.

5. Jam aquæ tumidæ superassent animam nostram.

6. Frædicandus est nobis Dominus, qui non tradidit nos prædam eorum dentibus.

7. Anima enim nostra erepta est laqueo aucupum, & laqueo perrupto nos erepti sumus.

8. Est ergo nostrum auxilium in nomine Domini conditoris cœli & terræ.

Psal. 125. Canticum graduum.

Qui fidunt Domino, ut mons Sion, non movebuntur, sed permanent æternum.

2. Quemadmodum circum Jerusalem sunt montes, ita Dominus circum suum populum ab hoc tempore in æternum.

N

3. Non

3. Non enim permanebit impietas pertica in sorte iustorum, ne iusti manus suas admoliantur iniquitati.

4. Benefac Domine bonis, & eis qui sunt proba mente.

5. Eos autem qui defleunt ad suas pravitates, ducat Dominus damnatos cum facinorosis, & incolumitas sit Israeli.

Psal. 126. Canticum graduum.

QUUM Dominus restituet postliminio ipsam Sion, videbimur nobis per somnium mala pertulisse.

2. Tuncque os nostrum risu implebitur, & lingua nostra iubilo: tunc dicent inter Gentes, Dominus res maximas cum istis egit.

3. Dominus revera res maximas nobiscum egit, nosque læti facti sumus.

4. Reduc Domine nostram captivitatem, ut torrentes Austro siccos.

5. Qui seminant cum lachrymis, cum iubilo metent.

6. Qui portat vas seminarium, perget

per
fuo

N
eam
civi

2

& se
dolo
terin
ceda

3.

mini
um.

4.

simile
missis

5.

am ill
quum
ia por

perget flendo: sed portans manipulos
suos subinde redibit cum júbilo.

*Psal. 127. Canticum graduum
Solomonis.*

Nisi Dominus ædificet domum,
frustrà molestias perferunt qui
eam ædificant: nisi Dominus custodiat
civitatem, frustrà vigilat custos.

2. Frustrà est quod mane surgitis,
& sero quietem capitis, edentes cibum
doloribus partum: quum Deus in-
terim charis hominibus somnum con-
cedat.

3. Ecce liberi sunt hæreditas Do-
mini, & fructus ventris est præmi-
um.

4. Liberi in juventute obtingentes
similes sunt sagittis manu validi viri
missis.

5. Et beatus est qui pharetram su-
am illis implevit, quia non pudebunt,
quum disceptabunt cum suis æmulis
in porta.

Psal. 128. Canticum graduum.

BEatus est qui timet Dominum incedens per vias ipsius.

2. Nam labore manuum tuarum parta edes, beatus eris, & optimè habebis.

3. Uxor tua erit similis viti fructiferæ in lateribus domus tuæ, filii-que tui similes plantulis olivarum circum mensam tuam.

4. Ecce enim sic felix reddetur vir, qui timet Dominum.

5. Felicem te reddet Dominus è Sion, ut spectes fospitem Jerusalem omnibus diebus vitæ tuæ;

6. Et videas filios filiorum tuorum, & saluum statum Israelis.

Psal. 129. Canticum graduum.

SÆpius oppugnaverunt me à juventute mea, dicat nunc Israel;

2. Sæpius inquam oppugnaverunt me à juventute mea; ceterum non prævaluerunt mihi.

3. Araverunt in dorso meo aratores, & longos duxerunt sulcos :

4. Dominus autem iustus dissecuit funes impiorum.

5. Pudefiant, & repellantur retrorsum, quotquot odio prosequuntur ipsam Sion.

6. Et similes evadant feno quod in tectis nascitur, quod arescit antequam quisquam evellat ;

7. Ita ut metens non impleat manum suam, neque sinum suum qui manipulos colligit :

8. Neque prætereuntes dicunt, Benedictio Domini vobis obtingat, ne dicunt inquit, Bene precamur bis in nomine Domini.

Psal. 130. Canticum gratiarum.

EX profundo malorum te voco Domine.

2. Domine audi vocem meam, tuæque aures sint intentæ ad vocem meæ precationis.

3. Si enim iniquitates observare velis

velis, ô Deus, Domine quis subsistet ?

4. Verum apud te clementia est, & propterea timeris.

5. Ideo expectavi Domine, expectavit & anima mea, & in verbo tuo spem habeo.

6. Anima mea expectat Dominum ab agentibus vigilias matutinas usque ad agentes vigilias matutinas.

7. Israel præstoletur Dominum : quia benignitas est apud Dominum, & copiosa redemptio apud eum est.

8. Qui redimet Israelem ab omnibus suis iniquitatibus.

*Psal. 133. Canticum graduum
Davidis.*

Domine cor meum non superbi-
vit, neque oculi mei elati fue-
runt, neque ostentavi res magnas,
nec quæ non concessa fuerant, arroga-
vi mihi.

2. Malè sit mihi si non comparavi,
& similem judicavi animam meam
puero ab lactato apud matrem suam :
estque

estque anima mea in me similis puero
ab lactato.

3. Israel præstolare Dominum, ab
hoc tempore in æternum.

Psal. 132. Canticum graduum.

Memento Domine omnium qui-
bus afflictus fuit David, ut ei
bono sit.

2. Qui juravit Domino, & vovit
potenti Deo Jacobi;

3. Malè sit mihi, si tabernaculum
domus meæ subiero, si conscendero
spondam lecti mei:

4. Si concessero meis oculis so-
mnium, & palpebris meis dormitio-
nem;

5. Donec inveniam locum Domi-
no, & habitacula potenti Deo Jacobi.

6. Quem audivimus in Ephraïa,
& invenimus eum in agris silvestri-
bus.

7. Adeamus habitacula ejus, & a-
doremus scabellum pedum ejus.

8. Surge Domine perventurus ad
requiem

requiem tuam, tu & arca tuæ fortitudinis.

9. Sacerdotes tui iustitiam induant, & homines tui benigni jubilent.

10. Non repulsam à te accipiat unctus tuus, propter Davidem servum tuum.

11. Juravit Dominus Davidi veritatem, neque discedet ab ea, de fructu ventris tui aliquem solio tuo imponam.

12. Si custodierint filii tui fœdus meum & obtestationes illas quas docebo eos, etiam ipsorum filii sedebunt tibi in solio in æternum tempus.

13. Nam Dominus elegit Sion, & expetivit eam sibi sedem.

14. Inquiens, hæc mea est requies sempiterna, hic habitabo, quoniam expetivi eam.

15. Annonam ejus magna felicitate cumulabo, & pauperes ejus pane faturabo.

16. Ac sacerdotes ejus induam salute, ejusque benigni homines impenpense jubilabunt.

17. Ibi

17. Ibi cornu Davidi germinare efficiam, & lucernam paravi uncto meo.

18. Cujus inimicos induam pudore, super ipsum autem effloreat diadema ipsius.

Psal. 133. Canticum graduum Davidis.

ECce quàm bonum & quàm jucundum est, si fratres etiam cohabitent.

2. Perinde est ac si unguentum bonum capiti infusum descendat in barbam, in barbam inquam Aharonis, quod descendat in caput vestimentorum ejus.

3. Sicut ros montis Hermon, & ut ros qui descendit in montes Sion: quia Dominus mandavit ibi esse benedictionem, & vitam sempiternam.

Psal. 134. Canticum graduum.

ECce prædicate Dominum omnes servi Domini, qui statis in domo Domini etiam noctu.

2. Tollite manus vestras cum sanctitate, & prædicate Dominum.

3. Donet te felicitate Dominus è Sion, qui condidit cælum & terram.

Psal. 135. Hallelu-ja.

LAudate nomen Domini, vos servi Domini laudate inquam;

2. Qui statis in domo Domini, in atriis domus Dei nostri.

3. Laudate Deum, quia bonus est Dominus, & psallite nomini ejus, quia jucundum est.

4. Deus enim elegit sibi Jacobum, & Israelem in suum peculium.

5. Scio enim quod magnus sit Dominus, & Dominus noster antecellat omnes Deos :

6. Qui fecit quæcunque voluit in cælo & in terra, in mari & omnibus abyssis.

7. Qui elevat nubes ab extremitate terræ, & fulgura convertit in pluviam, educitque ventum è suis thesauris.

8. Qui

8. Qui percussit primogenita Ægypti, pariter in genere hominum, & in pecore.

9. Et immisit signa & portenta Ægypto mediæ, ipsique Pharaoni & omnibus servis ejus.

10. Qui percussit gentes plurimas, & occidit potentissimos reges.

11. Ipsum nimirum Sihon regem Amorrhæorum, & Og regem Basanitis, & omnia regna Chananæorum :

12. Deditque terram ipsorum hæreditariam, hæreditariam suo populo Israel.

13. O Domine, tuum nomen æternum est, ô Domine, tua memoria sempiterna est.

14. Dominus enim judicabit suum populum, & de servis suis solatium reportabit.

15. Simulachra Gentium sunt argentea & aurea, opus quod manibus hominis produçitur.

16. Habent enim os, & non loquuntur : habent oculos, & non vident.

17. Ha-

17. Habent aures, & non audiunt: nasum habent, nullus tamen satus est in ore ipsorum.

18. Quibus similes evadant qui ea faciunt, & quicumque fidit eis.

19. O domus Israel predicate Dominum, domus Aharonis predicate Dominum.

20. Domus Levi predicate Dominum, & timentes Dominum predicate Dominum.

21. Prædicandus est Dominus è Sion, qui Jerusalem inhabitat: Hallelu-ja.

Psal. 136.

Confitemini Domino, quoniam bonus est, quoniam benignitas ipsius sempiterna est.

2. Confitemini Deo deorum, quoniam benignitas ipsius sempiterna est.

3. Confitemini Domino domino: quoniam benignitas ipsius sempiterna est.

4. Qui

4. Qui solus edit ingentia miracula: quoniam benignitas ipsius sempiterna est.

5. Qui coelum condidit cum intelligentia: quoniam benignitas ipsius sempiterna est.

6. Qui extendit terram super aquas; quoniam benignitas ipsius sempiterna est.

7. Qui fecit luminaria magna: quoniam benignitas ipsius sempiterna est.

8. Solem qui dominium teneret diei: quoniam benignitas ipsius sempiterna est.

9. Et lunam atque stellas, quæ dominium tenerent noctis: quoniam benignitas ipsius sempiterna est.

10. Qui percussit Aegypti primogenita: quoniam benignitas ipsius sempiterna est.

11. Et Israelem eduxit è medio ipsorum: quoniam benignitas ipsius sempiterna est.

12. Manu validâ, & brachio extento: quoniam benignitas ipsius sempiterna est.

13. Ac

13. Et fidit Mare rubrum sectionibus : quoniam benignitas ipsius sempiterna est.

14. Ac traduxit per illud Iſraelem : quoniam benignitas ipsius sempiterna est.

15. Subvertit autem Pharaonem & ejus exercitum in Mari rubro : quoniam benignitas ipsius sempiterna est.

16. Qui deduxit populum suum per desertum : quoniam benignitas ipsius sempiterna est.

17. Qui percussit reges magnos : quoniam benignitas ipsius sempiterna est.

18. Et occidit reges potentissimos : quoniam benignitas ipsius sempiterna est.

19. Ipsum Sihon regem Amorrhæorum : quoniam benignitas ipsius sempiterna est.

20. Et Og regem Basanitidis : quoniam benignitas ipsius sempiterna est.

21. Deditque terram ipsorum hæredita-

redit
us se

2

fuo :
piter

23

essen
ipsi

24

stris

piter

2

mar

sem

2

nian

A

me

mu

mi

reditariam; quoniam benignitas ipsius sempiterna est.

22. Hæreditariam Israeli servo suo: quoniam benignitas ipsius sempiterna est.

23. Qui memor fuit nostri, quum essemus oppressi: quoniam benignitas ipsius sempiterna est.

24. Nosque asseruit ab hostibus nostris: quoniam benignitas ipsius sempiterna est.

25. Qui cibum dat omnibus animalibus: quoniam benignitas ipsius sempiterna est.

26. Confitemini Deo cœli: quoniam benignitas ipsius sempiterna est.

Psal. 137.

AD flumina Babylonis sedemus,
& lacrymamus, quum ipsius Sion
memoria subit:

2. Nostrasque citharas suspendimus in salices quæ sunt in ea.

3. Ibi enim petierunt à nobis carmina, & qui velut in acervos nos rede-
degerunt,

degerunt, lætitiā petierunt, dicentes, canite nobis carmen aliquod de Sion.

4. Quomodo autem caneremus carmen Domini in terra aliena?

5. Si tui obliviscar, ô Jerusalem, obliviscatur dextera mea artis mûsicæ :

6. Et hæreat lingua mea palato meo, si non tui meminero, & si non meæ lætitiæ memoriam ipsius Jerusalelem infero.

7. Memento, Domine, ut se gesserint filii Edom, quum Jerusalem vastaretur, dicentes, Evacuate, evacuate usque ad ipsius fundamentum.

8. O filia Bablonis, quæ vastaris, beatus est qui reddet tibi ea quæ nobis intulisti.

9. Beatus qui apprehendet allidetque tuos infantes ad petram.

Psal. 138. Davidis.

Confitebor tibi toto corde meo, & coram iudicibus psallam tibi.

2. Adorabo in templo tuo sancto, &

& confitebor nomen tuum propter benignitatem tuam, & propter veritatem tuam, quia eloquium tuum excellentius fecisti omnibus quæ prædicantur de te.

3. Quo die te vocavi annuisti mihi, & animo meo robur amplius indidisti.

4. Quare confitebuntur tibi Domine omnes reges terræ, quia sermones oris tui audiverunt.

5. Et cantabunt vias Domini, quia magna est Domini majestas.

6. Nam Dominus sublimis existit, & tamen quod humile est intuetur, & quod altum est eminus cognoscit.

7. Quum versabor in medio periculo, recreabis me: & manum naso meorum inimicorum impinges, meque servabit dextera tua.

8. Dominus perficiet quod in me inchoavit: Domine, tua benignitas sempiterna est; nec opera manuum tuarum omittes.

Psal. 139. Præfæto Cantorum Davidis hymnus.

Domine tu me scrutatus es, & pernovisti.

2. Tu nosti si ve sedeam, si ve surgam, & procul intelligis cogitationem meam.

3. Incessum meum & accubitus meum ventilasti, & omnes vias meas exploratas habes.

4. Quia non est verbum in lingua mea, quod non universum noveris Domine.

5. A tergo & à fronte me finxisti, & mihi admolitus es manum tuam.

6. Admirabilem in me formando scientiam exhibuisti, & sublimiorem quam ut eam possim attingere.

7. Quo discedam à spiritu tuo, & quo à facie tua fugiam?

8. Si enim ascendero cælum, tu ibi es: & si sternam lectum meum in inferno, tu ades.

9. Si sumam pennas auroræ, & habitem

bitem in extrema parte maris;

10. Etiam ibi manus tua reget me,
& dextera tuaprehendit me.

11. Et si dicam, verum tenebræ
me contegent: etiam nox ipsa lux est
circa me.

12. Ac ne tenebræ quidem aliquid
tibi occultant, & nox ut dies lucet:
tenebræque & lux tibi juxta habentur.

13. Tu enim possides renes meos, &
me contexisti in ventre matris meæ.

14. Tibi confiteor quod miris &
stupendis modis formatus sim, quod-
que eximia sint opera tua, quæ opti-
mè novit anima mea.

15. Robur meum non tibi occul-
tatum est, quum in abstruso formarer,
& velut opere Phrygio effingerer in
novissimis terræ partibus.

16. Oculi tui me viderunt quum
essem foetus informis, & in libro tuo
universa membra descripta fuerunt,
quæ deinceps multis diebus forma-
rentur, quibus ne unus quidem dies
apud te conficitur.

17. Cæ-

17. Cæterùm, ô Deus, quam paucas tuas cogitationes assequor, & grandes summæ excrescunt.

18. Quas si numerare velim, plures sunt quam arena, & expectatus adhuc de te cogito.

19. Siquidem occidis impium, ô Deus, discedant à me sanguinarii.

20. Qui hostes tui loquuntur audacissimè, & usurpant nomen tuum temerè.

21. Annon Domine odissem inimicos tuos, & meipsum excrucialem, quùm tibi resistent?

22. Imò consummato odio illos persequor, mihi que erunt hostes perpetuo.

23. Scrutare me, Deus, & cognosce cor meum: proba me, & cognosce cogitationes meas.

24. Et videto num machiner aliquid pravi, ac deduc me in viam universis in mundo calcandam.

Psal.

*Psal. 140. Prefecto cantorum hymnus
Davidis.*

ERipe me Domine à pravo homi-
ne, & à violento viro me conserva:

2. Qui machinantur in corde ma-
la, & quotidie concurrunt ad bella;

3. Suamque linguam acuerunt ut
serpens, & venenum aspidis est in la-
biis eorum. Sela.

4. Custodi me, Domine, à manibus
impii, & conserva me à violento viro,
qui cogitant impellere gressus meos.

5. Superbi enim absconderunt mi-
hi laqueum & funes, rete quoque pro-
pter tramitem extenderunt, & la-
queos mihi posuerunt. Sela.

6. Tunc dixi Domino, Tu es Deus
meus, Domine percipito auribus vo-
cem mearum precum.

7. Domine Domine, fortitudo ad
me servandum, tu protegis caput me-
um, quo die arma capienda sunt.

8. Ne facias Domine impium desi-
deriorum suorum compotem, néve
conatus

conatus ejus provehas ut superior sit.
Sela.

9. Tum caput hostium undique me
prementium, tum alios operiat malum
quod labiis suis struxerunt.

10. Carbones in eos provolvantur,
& Deusigne illos prosterнат celeriter,
ne resurgant.

11. Vir linguax non sit stabilis in
terra, & virum violentum malum ve
netur, ita ut præceps impellatur.

12. Scio quòd Dominus faciet ju
dicium in causa humilis, & judicium
in causa pauperum.

13. Profecto justī confitebuntur
nomini tuo, & probi permanebunt in
conspēctu tuo.

Psal. 141. Hymnus Davidis.

Domine te voco, quare ad me fe
stina, meamque vocem auribus
percipe cum ad te clamo.

2. Valeat precatio mea pro in
censo ante te, ac levatio manuum me
arum pro vespertino sacrificio.

4. Appone

3. Appone Domine custodiam ori meo, & quod conservet ostium labiorum meorum.

4. Ne flectas cor meum ad rem quamcunque pravam, ne quid moliar cum impietate conjunctum, utens operâ facinorosorum hominum, neque fruam deliciis ipsorum.

5. Percutiat me justus benignitate, & arguat me, neque unguentum optimum offendat meum caput: nam ita perstabo, & precatione utar, quum isti mihi mala struunt.

6. Demittentur judices eorum per loca saxosa, & audient meos sermones, siquidem jucundi erunt.

7. Ossa nostra morti proxima dispersa sunt, perinde ac si quis ligna findat, aut terram proscindat.

8. Ad te enim, Domine, oculi mei conjecti sunt, & in te spem habeo, ne igitur profundas meam animam.

9. Custodi me, ne incidam in laqueum quem mihi tetenderunt, neque in tendiculas facinorosorum.

10. Im-

10. Impiique simul incidant in cas-
ses suos, ego autem usque progrediar,

*Psal. 142. Eruditum carmen Davidis,
precatio videlicet quum esset in spe-
lunca.*

VOce meâ Dominum clamabo,
meâque voce ad Dominum præ-
cabor.

2. Effundam ante illum eloquium
meum, & eique exponam meum peri-
culum.

3. Quum deficit in me spiritus me-
us, tu novisti semitam meam, &
quod laqueum mihi absconderunt in
via per quam ambulo.

4. Dum respecto ad dexteram,
& video, non est index mihi, & ef-
fugium mihi præclusum est, nec quif-
quam rationem habet animæ meæ.

5. Proinde Domine te clamo, ac
dico, Tu es meum confugium, & sors
mea in terra viventium.

6. Ausculta meum clamorem,
quia valde inops sum meque à per-
secutori-

secu-
luer

7
re u
coro
quia

A

& pe
am e

2.
serve
te ju

3.
mam
affix
brico

14.
& co

5.
riora
ment
uaru

secutoribus meis eripito, qui prævulnerunt mihi.

7. Et educ animam meam è carcere ut confitear nomen tuum, ac iusti coronas imponant sibi propter me, quia in me beneficia contulisti.

Isal. 143. Carmen Davidis.

Audi, Domine, supplicationem meam, & percipe meas preces, & per tuam fidem atque iustitiam tuam exaudi me.

2. Ne ambules tamen in ius cum servo tuo: nullus enim vivens coram te iustus est.

3. Inimicus enim persequitur animam meam, & vitam meam humum afflixit, méque detrusit in loca tenebricosa velut jam olim mortuos.

4. Meusque spiritus in me deficit, & cor meum intra me stupuit.

5. Recolo tamen tempora superiora, & de omnibus factis tuis commemorator: ac differo de opere manum tuarum.

O

6. Ex-

6. Expando manus meas ad te, & anima mea optat ut terra siticulosa.
Sela.

7. Cito exaudi me, Domine, quia spiritus meus defecit, neque mihi occultes faciem tuam, alioqui similis factus sum descendantibus in foveam.

8. Fac ut manè audiam benignitatem tuam, quoniam tibi fido, & monstra mihi viam quam ingrediar, siquidem te affecto.

9. Eripe me inimicis meis, Domine, nam apud te me abscondi.

10. Docce me ut perficiam voluntatem tuam, siquidem tu es Deus meus, tuusque spiritus bonus deducat me per terram planam.

11. Recrea me, Domine, propter nomen tuum, & animam meam periculo eripe per tuam iustitiam.

12. Et extinde inimicos meos per tuam benignitatem, ac perde universos hostes animæ meæ, siquidem servus tuus sum.

Psal. 144. Davidis.

PRædicandus est Dominus rupes mea, qui assuefacit manus meas ad prælium, & digitos meos ad bellum.

2. Benignitas mea, & munificencia mea, arx mea, & liberator meus, ac clypeus, in quo spem habeo, qui mihi subdit populum meum.

3. Domine, quid est homo, quod rationem illius habeas: & filius hominis, quod cogites de eo?

4. Homo vanitati similis est, & dies ejus umbræ prætereunt.

5. Inclina, Domine, coelum tuum, & descende, tange montes ut fument.

6. Jaculare fulmen, & dissipare eos, & mitte sagittas tuas, ac turba eos.

7. Missis manibus tuis de excelso erue me, ac eripe aquis multis, & manui alienigenarum:

8. Quorum os loquitur vanitatem, & dextra eorum patrat iniquitatem.

9. O Deus, canam tibi novum carmen,
men,

men, & psallam tibi nablo decachordo.

10. Qui confert salutem regibus, & subtrahit Davidem servum suum gladio noxio.

11. Erue me, & eripe me manui alienigenarum, quorum os loquitur vanitatem, & dextera eorum patrat iniquitatem.

12. Ut filii nostri adolescant in juventute sua velut plantæ, & filiæ nostræ similes sint anconibus, & ornatae ad formam palatii.

13. Sintque cellæ nostræ plenæ, exhibentes annonam perpetuam, ovesque nostræ pariant mille & decies mille in vicis nostris.

14. Boves nostri sub onere exerceantur, non sit ruptura murorum, non quisquam abiens in exilium, non est iam clamor in plateis nostris.

15. O beatum populum cui contigit ita vivere! beatum inquam populum cujus Deus est Dominus.

Psal. 145. Laus Davidis.

NExtollam te, ô mi Deus Rex, & prædicabo nomen tuum sempiternis temporibus.

2. **Q**uotidiè prædicabo, & nomen tuum laudabo sempiternis temporibus.

3. **M**agnus est Dominus, & impensè laudandus, cujus magnitudo impervestigabilis est.

4. **O**mnia secula laudibus ferunt opera tua, & fortia facta tua referunt.

5. **T**e majestatis gloriæ tuæ decore, & rebus tuis admirandis differam.

6. **P**rædicabunt homines robur admirandorum operum tuorum, & ego narrabo magnitudinem tuam :

7. **T**uæque bonitatis ingentis memoriam homines proment, & justitiam tuam læti celebrabunt.

8. **D**ominus enim beneficus est & misericors, patiens & magnæ benignitatis.

9. ☩ Bonus est Dominus in omnes,
& misericordia ejus superat omnia o-
pera ipsius.

10. ☩ Tibi ideo Domine confiten-
tur omnia opera tua, & benigni tui
homines te prædicant.

11. ☩ Majestatem regni tui nar-
rant homines, & de tua fortitudine
loquuntur.

12. ☩ Ut fortia tua facinora, &
majestatem decoris regni tui expo-
nant hominibus.

13. ☩ Regnum tuum regnum est
sempiternum, ☩ & Dominium tuum
per secula universa durat.

14. ☩ Dominus fulcit omnes cor-
ruentes, & erigit omnes inclinatos.

15. ☩ Omnium oculi te morantur,
tūque illis cibum suum præbes tem-
pestivè.

16. ☩ Tu aperis manum tuam, &
saturas desiderium omnium animan-
tium.

17. ☩ Justus est Dominus in o-
mnibus viis suis, benignus in omni-
bus operibus suis.

18. ☩ Præ-

18. ¶ Præstò adest Dominus omnibus vocantibus eum, omnibus eum vocantibus cum veritate.

19. ¶ Facit autem quicquid volunt timentes eum, & clamorem eorum exaudit, ac servat eos.

20. ¶ Dominus custodit omnes diligentes ipsum, perdit autem omnes impios.

21. ¶ Domini laudes proferet os meum, omnisque caro prædicabit nomen ipsius sanctum temporibus sempiternis.

Psal. 146. Halleluja.

Anima mea lauda Dominum: Equidem Dominum laudabo dum vivam, & psallam Deo meo dum superstes ero.

2. Nolite fidere principibus, aut homini qui servandi facultatem non habet:

3. Cujus corpus redibit in terram suam ubi animam efflaverit, tuncque occidunt omnes ipsius cogitationes.

4. Beatus est qui Deum Jacobi habet.

habet in suis auxiliis, & spem in Domino Deo suo.

5. Qui fecit cœlum & terram, mare & omnia quæ in eis sunt, quique custodit æternum veritatem.

6. Qui vindicat oppressos, & panem præbet famelicis, Dominus solvit vinctos.

7. Dominus aperit oculos cæcorum, Dominus amat justos.

8. Dominus custodit peregrinos, evehitque orphanum & viduam, depravat autem viam impiorum.

9. Æternum regnabit Dominus, & per omnia secula Deus tuus, ô Sion, hallelu-ja.

Isal. 148.

Laudate Deum, quia Deo nostro psallere bonum & jucundum est, & decet laudes impendere.

2. Dominus enim ædificabit Jerusalem, & congregabit profugos Israelitas.

3. Qui faciat fractos corde, & medetur ipsorum doloribus.

4. Qui

4. Qui stellas in numero habet,
ac universas vocat nominibus.

5. Magnus est Dominus noster, &
ingentis potentiae, cujus intelligentia
innumerabilis est.

6. Dominus enim evehit mansue-
tos, & deprimit impios usque ad ter-
ram.

7. Alternis canite Domino cum
gratiarum actione, & psallite Deo no-
stro cum cithara.

8. Qui operit cœlum nubibus, &
parat pluviam terræ, & producit fœ-
num in montibus:

9. Qui dat pecori suum pastum,
& pullis corvorum qui eum vo-
cant.

10. Non probat fortitudinem e-
qui, neque delectatur tibiis viri.

11. Delectatur autem Dominus
timentibus ipsum, quique præstolan-
tur ipsius benignitatem.

12. Laudibus Dominum prose-
quere Jerusalem, tuque Sion lauda
Deum tuum:

13. Qui roborat vectes portarum
tuarum,

ruarum, & filiis tuis qui sunt intra te
felicitatem donat.

14. Qui pacem constituit intra fi-
nes tuos, & te saturat adipe frumenti.

15. Qui mittit eloquium suum
terræ, ut verbum ejus celeriter cur-
rat.

16. Qui dat nivem tanquam lanam,
& pruinam spargit ut cinerem.

17. Et projicit glaciem suam ut la-
minas : quis frigus ipsius sustine-
bit?

18. Missoque verbo suo liquefa-
cit ea, & vento suo afflat ut aquæ
fluant.

19. Nuntiat autem verbum suum
Jacobobo, & decreta sua & judicia sua
Israëli.

20. Non egit ad hunc modum cum
omnibus gentibus, neque manifesta-
vit eis judicia. Hallelu-ja.

Psal. 148. Hallelu-ja.

LAudate Dominum cœlites, lauda-
te eum in excelsis.

2. Lau.

2. Laudate eum omnes angeli ejus, laudate eum omnes exercitus ejus.

3. Laudate eum sol & luna, laudate eum omnes stellæ claræ.

4. Laudate eum coeli supremi, & aquæ quæ supra coelos sunt.

5. Hæc inquam laudent nomen Domini: ipso enim jubente creata sunt.

6. Eaque stabilivit ut æternum perstent, ac legem præscripsit quam transgredi nequeunt.

7. Laudate Dominum terrestres, dracones, & omnes abyssi.

8. Ignis & grando, nix & exhalatio, ventus procellosus, qui verbum ejus prosequitur;

9. Montes & omnes colles, arbor fructifera & omnes cedri;

10. Bestia & omne pecus, reptile & avis pennata;

11. Reges terræ & omnes populi, principes & omnes judices terræ;

12. Juvenes & virgines, senes pariter & adolescentes:

13. Hi laudent nomen Domini, quia

quia nomen ipsius sublime est, cujus gloria superat terram & cœlum.

14. Et erexit cornu suo populo, & laudem omnibus suis benignis hominibus, filiis Israel, populo ipsi conjuncto: hallelu-ja.

Psal. 149. Hallelu-ja.

CAnite Domino carmen novum, & laudem ejus in cœtu benignorum.

2. Lætetur Israel in conditore suo, filiique Sion exultent in rege suo.

3. Laudent nomen ejus cum tibia, tympano & citharâ psallant ei.

4. Dominus enim favet suo populo, & ornat mansuetos salute.

5. Gestiant benigni cum honore, & jubilent in suis lectis.

6. Voces Deum extollentes sint in gutture ipsorum, & gladius anceps in manu eorum.

7. Ut in Gentes ulciscantur, & corripiant populos:

8. Ut vinciant reges illorum manibus,

cis, & magnates eorum compedibus ferreis:

9. Ut Deus ulciscatur in eos, quem-
admodum scriptum est: quod decori
erit omnibus ipsius benignis homini-
bus. Hallelu-ja.

Psal. 150. Hallelu-ja.

Laudate Deum in sanctuario ipsi-
us, laudate eum in firmamento
sue potentie.

2. Laudate eum ob fortitudinem
ipsius, laudate eum pro ejus eximia
magnitudine.

3. Laudate eum clangore tubæ,
laudate eum nablo & citharâ.

4. Laudate eum tympano & ty-
biâ, laudate eum organis & fidiculâ.

5. Laudate eum cymbalis resonan-
tibus.

6. Omnis spiritus laudet Deum.
Hallelu-ja.

C A T E.

CATECHISMUS

Hoc est, *Institutio quam unusquisque addiscere tenetur, priusquam adhaeratur ad Episcopum ut ab illo confirmetur.*

Quest. Quid est tibi nomen?

Resp. N. aut M.

Q. Quis tibi hoc nomen imposuit?
R. Susceptores mei & Susceptrices in Baptismo, in quo factus sum membrum Christi, filius Dei, & hæres regni coelorum.

Q. Quid Susceptores tui & Susceptrices tui tuo nomine præstiterunt?

R. Tria meo nomine promiserunt ac voverunt; *Primum*, me abrenunciaturum Satanae & omnibus operibus ejus, pompis & vanitatibus hujus mundi nequam, & omnibus pravis concupiscentiis carnis; *Secundum*, me omnes fidei Christianae articulos crediturum; *Tertium*, me sanctam Dei voluntatem & illius mandata servaturum, & in iis ambulaturum omnibus diebus vitae meae.

Q. An

Q. An non putas te teneri ea credere, & facere quæ tuò nomine promiserunt?

R. Immo sanè, Deoque adjuvante faciam. Et ex animo Patri nostro cœlesti gratias ago, quod me ad hanc salutis viam vocaverit, per Jesum Christum Servatorem nostrum. Deum etiam rogo ut me ita suâ gratiâ confirmet, ut in ea permaneam usque ad finem vitæ meæ.

Catechistes.

Recita fidei tuæ articulos.

R. **C**redo in Deum Patrem omnipotentem, creatorem cœli & terræ: Et in Jesum Christum Filium ejus unicum Dominum nostrum, Qui conceptus est de Spiritu sancto, Natus ex Maria Virgine, Passus sub Pontio Pilato, Crucifixus, mortuus & sepultus, Descendit ad inferos, Tertia die resurrexit à mortuis, Ascendit ad cœlos, Sed ad dexteram Dei Patris omnipotentis: Inde venturus est judicare vivos & mortuos.

Credo

Credo in Spiritum Sanctum, Sanctam Ecclesiam Catholicam, Sanctorum Communionem, Remissionem peccatorum, Carnis resurrectionem, ac Vitam æternam *Amen.*

Q. Quid potissimum doceris in his fidei tuæ articulis?

R. Primò, doceor credere in Deum Patrem, qui me & mundum universum condidit.

Secundo, in Deum Filium, qui me & totum genus humanum redemit.

Tertiò, in Spiritum sanctum Deum, qui me & omnes electos Dei sanctificavit.

Q. Dicebas Susceptores tuos & Susceptrices tuo nomine promississe, te mandata Dei servaturum. Dic mihi quot sunt illa?

R. Decem.

Q. Quæ sunt illa?

R. EA ipsa quæ Deus tradidit capite vigesimo Exodi, dicens, Ego sum Dominus Deus tuus, qui eduxi te de terra Ægypti, de domo servitutis.

I. Non

I. Non habebis Deos alienos coram me.

II. Non facies tibi sculptile, neque omnem similitudinem quæ est in cælo desuper, & quæ in terra deorsum, nec eorum quæ sunt in aquis sub terra. Non adorabis ea neque coles; Ego enim sum Dominus Deus tuus fortis, Zelotes, visitans iniquitatem patrum in filios in tertiam & quartam generationem eorum qui oderunt me, & faciens misericordiam in millia his qui diligunt me & custodiunt præcepta mea.

III. Non assumes nomen Domini Dei tui in vanum, nec enim habebit infontem Dominus eum qui assumerit nomen Domini Dei sui frustra.

IV. Memento ut diem Sabbati sanctifices, sex diebus operaberis & facies omnia opera tua: septimo autem die Sabbatum Domini Dei tui est, non facies omne opus in eo, tu & filius tuus & filia tua, servus tuus, & ancilla tua, jumentum tuum, & advena qui est intra portas tuas. Sex enim

enim diebus fecit Dominus cœlum
& terram, & mare & omnia quæ in
eis sunt: & requieuit die septimo; id-
circo benedixit Dominus diei Sabbati
& sanctificavit eum.

V. Honora patrem tuum & ma-
trem tuam, ut sis longævus super ter-
ram, quam Dominus Deus tuus da-
bit tibi.

VI. Non occides.

VII. Non mœchaberis.

VIII. Non furtum facies.

IX. Non loqueris contra proxi-
mum tuum falsum testimonium.

X. Non concupisces domum pro-
ximi tui, nec desiderabis uxorem
ejus, non servum, non ancillam, non
bovem, non asinum, nec omnia quæ
illius sunt.

Q. Quid potissimum ex his man-
datis discis?

R. Duo; nempe officium meum
erga Deum, & meum etiam offi-
cium erga proximum.

Q. Quodnam est officium tuum
erga Deum?

R. Of-

R. Officium meum erga Deum est, ut in ipsum credam, ipsum timeam & diligam ex toto corde, ex totâ mente, & ex tota anima, & ex totis viribus; ut ipsum colam, ipsi gratias agam, in ipso solo confidam; ipsum invocem; ipsius sanctum nomen ejusque verbum honorem; & ipsi verè serviam omnibus diebus vitæ meæ.

2. Quodnam est officium tuum erga proximum?

R. Officium meum erga proximum est, ut eum diligam sicut meipsum, & id omnibus hominibus faciam, quod ab eis vellem mihi fieri. Et ut Patrem meum & matrem meam diligam & honorem, iisque succurram. Ut regem honorem, ipsique atque iis omnibus qui sub ipso aliquâ pollent auctoritate obsequar; omnibus meis superioribus, Doctoribus spiritualibus, Pastoribus ac præceptoribus meipsum subjeciam; submisse ac reverenter me geram erga omnes qui re nullâ me antecellunt. Neminem verbo

bo factóve lædam. Fidelem ac iustum me in omnibus præstem: neque maliciam neque odium in animo meo foveam. Manus meas à furto & latrocinio cohibeam; & linguam à maledicentia, mendacio, ac calumnia. Ut corpus meum temperanter, sobrie, atque castè custodiam. Bona aliena neque concupiscam neque aveam, sed discam artem ad vitam sustentandam idoneam, & in ea gnaviter laborem; & meo officio fungar in eo vitæ statu, ad quem Deo visum fuerit me vocare.

Catechistes.

Mi puer, scias hoc, te ex te ipso ista præstare non posse, neque in Dei mandatis ambulare & ipsi servire absque gratia illius speciali, quam omni tempore diligenter invocare discas oportet. Audiam itaque num orationem Dominicam possis recitare.

Resp. **P**ater noster, qui es in cœlis:
 Sanctificetur Nomen tuum.
 Adveniat regnum tuum. Fiat voluntas
 tua,

tua, Sicut in cœlo & in terra. Panem nostrum quotidianum da nobis hodie. Et dimitte nobis debita nostra. Sicut & nos dimittimus debitoribus nostris. Et ne nos inducas in tentationem, Sed libera nos à malo. *Amen.*

2. Quid petis à Deo in hac oratione?

R. Peto à Domino Deo meo, Patre nostro cœlesti, omnis boni largitor: ut gratiam suam mihi, & omnibus largiatur, ut ipsum colamus, ipsi serviamus & obsequamur prout tenemur. Deum etiam oro, ut nobis ea omnia impertiatur quæ sunt menti & corpori necessaria; utque sit nobis propitius, & peccata nostra nobis dimittat; ut nos etiam versantes in quolibet periculo tam animæ quam corpori imminente, custodire ac tueri dignetur: & nos servare ab omni peccato, ac malitiâ, ab hoste animorum & ab æterna morte. Et hoc confido ipsum pro clementiâ ac benignitate sua præstiturum, per Dominum nostrum Jesum Christum. Ideoque dico, *Amen.* Sic fiat. Quot

2. Quot Sacramenta instituit Christus in Ecclesia sua?

R. Duo tantum, quæ quidem in genere necessariae sunt ad salutem consequendam, nempe Baptismus & Coenam Domini.

2. Quid intelligis per vocem istam Sacramentum?

R. Externum & visibile signum intelligo, internæ ac spiritualis gratiæ, quod nobis datur, ab ipso Christo institutum, tanquam medium quo eam recipimus, & arrabonem ad nos de eâ certos faciendo.

2. Quot sunt partes in Sacramentis?

R. Duæ, externum visibile signum, & interna spiritualis gratia.

2. Quodnam est externum visibile signum, aut forma in Baptismo?

R. Aqua quâ quis baptisatur, In Nomine Patris, & Filii, & Spiritus Sancti.

2. Quænam est spiritualis & interna gratia?

R. Mori peccato, & denuo nasci iustitiæ.

CATECHISMVS. 311

justitiæ: cū enim simus naturaliter in peccato nati, & iræ filii, hac ratione facti sumus Filii Dei.

2. Quid ab iis requiritur qui baptizandi sunt?

R. Resipiscencia, quā deserant peccatum; & fides, quā firmiter credant promissionibus Dei sibi factis in eo Sacramento.

2. Quā fit itaque ut infantes baptizentur, quū ob immaturam ætatem ista præstare non valeant?

R. Quia utrumque promittunt per sponsores suos, quod promissum tenentur ipsi præstare, postquam adoleverint.

2. Quamobrem Sacramentum Cœnæ Domini institutum est?

R. Ad perpetuam memoriam sacrificii mortis Christi, & beneficiorum quæ inde percipimus.

2. Quænam est pars externa, seu signum Cœnæ Domini?

R. Panis & Vinum, quæ Dominus jussit accipi.

2. Quænam est pars interna seu res significata?

R. Cor-

R. Corpus & sanguis Christi, quæ verè & re ipsa sumuntur & percipiuntur à fidelibus in Cœna Domini.

Q. Quænam sunt beneficia quæ indè percipimus?

R. Animarum nostrarum corroboratio & recreatio per corpus & sanguinem Christi; quemadmodum pane & vino corpora nostra corroborantur ac recreantur.

Q. Quid ab iis requiritur qui accedunt ad Cœnam Domini.

R. Ut probent seipsos, num verè præcedentium peccatorum eos poeniteat, firmum propositum habentes novam vitam instituendi; num fidem vivam habeant in misericordiam Dei per Christum, gratiâ memoriâ mortem illius recolentes; num tandem eâ quâ par est charitate omnes homines amplectantur.

Q. Quænam est pars externa, seu signum Cœnæ Domini?

R. Panis & Vinum, quæ Domini-
nus iussu accipit.
Q. Quænam est pars interna, seu
R. Cor-

la
pi-

na

o-

un-

pa-

oo-

uc-

erè

ce-

tes

em

Dei

or-

em

ni-

sup

ngl

A

sun

207